




Perbadanan Insurans Deposit Malaysia
Melindungi Simpanan Dan Insurans Anda Di Malaysia


LAPORAN TAHUNAN 2024

Berkenaan PIDM

Perbadanan Insurans Deposit Malaysia (PIDM) ialah sebuah badan berkanun yang ditubuhkan pada tahun 2005 di bawah Akta Perbadanan Insurans Deposit Malaysia (Akta PIDM).¹ Mandat PIDM ditetapkan seperti mana di bawah Seksyen 4 Akta PIDM.



PIDM merupakan antara peserta jaringan keselamatan kewangan Malaysia bersama-sama Kementerian Kewangan dan Bank Negara Malaysia (BNM). Peserta jaringan keselamatan kewangan masing-masing mempunyai tanggungjawab yang saling melengkapi bagi memastikan kestabilan sistem kewangan Malaysia.



¹ Akta Perbadanan Insurans Deposit Malaysia 2005 yang kemudiannya dipinda kepada Akta Perbadanan Insurans Deposit Malaysia 2011

Dalam Laporan Ini

Bahagian I

Kepimpinan dan Tadbir Urus Kami

Daripada Kepimpinan Kami	04
Tadbir Urus Kami	06

Bahagian II

Peranan dan Fungsi Kami

<i>Menghadapi Cabaran Cemas: Pentingnya Persediaan Proaktif</i>	19
Peranan dan Fungsi Kami	21
<i>Pertimbangan Utama Syariah dalam Resolusi</i>	25
<i>Perancangan Resolusi dan Persediaan Krisis yang Mantap Perkukuh Daya Tahan Institusi Ahli</i>	27

Bahagian III

Rancangan dan Prestasi Kami

Rancangan Kami	29
Prestasi Kami pada tahun 2024	32
<i>Sumber Dana PIDM</i>	44
Ringkasan Rancangan Korporat 2025	46

Bahagian IV

Penyata Kewangan


Laporan Lembaga Pengarah	49
Penyataan Pengarah	54
Akuan Berkanun	55
Sijil Ketua Audit Negara	56
Penyata Kedudukan Kewangan	60
Penyata Keuntungan atau Kerugian dan Pendapatan Komprehensif Lain	61
Penyata Perubahan dalam Kumpulan Dana dan Rizab	62
Penyata Aliran Tunai	63
Nota kepada Penyata Kewangan	64
Istilah Glosari	143

Rujuk www.pidm.gov.my untuk Rujukan Teknikal


Bahagian I

Kepimpinan dan Tadbir Urus Kami

Daripada Kepimpinan Kami
Tadbir Urus Kami



Daripada Kepimpinan Kami



Dato Sri (Dr) Zukri Samat
Pengerusi

Rafiz Azuan Abdullah
Ketua Pegawai Eksekutif

Setiap tahun yang berlalu memberi pengalaman yang berbeza, ada yang tenang dan lancar tanpa banyak perubahan, ada pula yang dipenuhi cabaran dan menguji daya ketahanan dan keupayaan kita. Bagi sesetengah pihak, tahun 2024 adalah tahun kemajuan – maju dari segi kecerdasan buatan (*artificial intelligence* – AI), pertumbuhan ekonomi global yang berterusan, serta pencapaian dalam pembangunan lestari. Namun, bagi sesetengah pihak yang lain, tahun ini lebih mencabar dan sukar disebabkan oleh konflik yang berterusan, kesan bencana alam yang teruk serta tekanan inflasi yang membebankan ekonomi.

Untuk PIDM, tahun 2024 boleh dilihat sebagai tahun pemantapan bagi kami. *Pemantapan* membawa maksud proses untuk menjadikan sesuatu lebih kukuh dan berdaya tahan. Ungkapan ini mencerminkan perjalanan kami kerana ia adalah tahun di mana kami memperkukuh asas yang telah dibina, dan menambah baik proses kami supaya dapat mara ke hadapan dengan penuh kejelasan tujuan dan kekuatan, walau apa jua cabaran yang mendatang.

Memperkukuh Kesediaan Kami

Pada tahun 2024, kami telah memperkukuh dasar, sistem dan rangka kerja kami bagi meningkatkan kesediaan untuk melaksanakan resolusi ke atas institusi ahli yang bermasalah. Proses pengujian dan penambahbaikan ini akan mencapai kemuncaknya dengan satu latihan simulasi menyeluruh pada tahun 2025. Kami juga telah menerbitkan Garis Panduan mengenai Rangka Kerja Sistem Premium Berbeza bagi Anggota Penerima Deposit untuk menyokong pelaksanaan Peraturan Sistem Premium Berbeza yang telah disemak semula dan diwartakan pada tahun 2023. Penambahbaikan ini, yang akan berkuat kuasa pada tahun 2025, memperkenalkan penilaian yang lebih menyeluruh terhadap bank ahli sambil menggalakkan aspek kebolehelesaian melalui pengenalan kriteria yang berfokuskan resolusi.

Di sebalik pertumbuhan pesat dan peningkatan kepentingan kewangan Islam di Malaysia, kami telah memberi lebih tumpuan dalam aspek Syariah terhadap pembangunan pendekatan resolusi. Salah satu pencapaian utama ialah penganjuran Muzakarah buat julung kali berkenaan “Mekanisme Pemindahan Perniagaan, Aset dan Liabiliti Institusi Perbankan Islam”, yang telah menghimpunkan pakar Syariah dalam industri perbankan Islam. Sesi ini telah menyediakan platform khusus untuk mengenal pasti cabaran, mencari penyelesaian dan mendorong perbincangan untuk memastikan proses resolusi yang teratur bagi institusi perbankan Islam. Melangkah ke hadapan, kami akan meneruskan penglibatan dengan pakar Syariah dalam membentuk naratif mengenai mekanisme resolusi berlandaskan Syariah bagi meningkatkan keyakinan pasaran serta kestabilan sistem kewangan Islam.

Pada tahun 2024, kami telah memperkukuh kerjasama dengan peserta jaringan keselamatan kewangan bagi memastikan koordinasi yang lebih lancar ketika krisis. Salah satu pencapaian penting ialah penyempurnaan *interagency crisis preparedness binder* yang menggariskan pengaturan penyelarasan antara agensi berkaitan ketika krisis. Usaha ini bukan sahaja meningkatkan kesediaan kami dalam menghadapi krisis, malah turut merupakan asas bagi persiapan simulasi krisis antara agensi yang lebih menyeluruh.

Kami telah menjadi penganjur bersama bagi Pesta Sukan Kementerian Kewangan ke-46 bertemakan “Sukan Lestari Membentuk Madani”, yang menyatukan agensi-agensi di bawah Kementerian Kewangan. Acara ini menekankan kepentingan kelestarian dan semangat setia kawan melalui sukan, sekali gus menyediakan platform untuk mengeratkan silaturrahim, memupuk semangat berpasukan dan meningkatkan kerjasama antara agensi. Selain itu, kami juga telah menganjurkan Simposium Resolusi Kebangsaan (*National Resolution Symposium* – NRS) 2024 buat kali kedua bertemakan “Membangunkan Kebolehelesaian Secara Kolaboratif: Menerapkan Dasar Kepada Amalan”. Acara ini telah menghimpunkan pakar serta pemimpin industri bagi memperkukuh perbincangan mengenai pengurusan kegagalan institusi kewangan dan pelaksanaan persediaan krisis secara praktikal. Kami berharap perbincangan yang lebih mendalam serta kerjasama dan kolaborasi bersama dengan pihak berkepentingan dapat diteruskan pada tahun hadapan.

Memupuk Keyakinan

Sistem perlindungan PIDM adalah lebih efektif apabila orang awam memahami peranan kami dan menaruh kepercayaan terhadap keupayaan kami untuk melaksanakan mandat dengan berkesan. Sehubungan itu, kami telah meneruskan inisiatif literasi kewangan melalui kempen Sedia Payung Kewangan (SPK), platform digital, serta kerjasama dengan Jaringan Pendidikan Kewangan (*Financial Education Network* – FEN). Berdasarkan hasil tinjauan kesedaran awam tahunan yang dijalankan di seluruh negara, kami telah mengekalkan tahap kesedaran awam pada sasaran 75% dan mencapai tahap advokasi sebanyak 56%, melepasi sasaran 50% yang ditetapkan.

Selepas kejayaan program capaian di Sabah pada tahun 2023, kami telah memperluaskan program tersebut ke Sarawak pada tahun 2024 dengan kerjasama beberapa rakan FEN. Selain berinteraksi dengan komuniti dan agensi kerajaan di Sarawak, kami turut menganjurkan cabaran literasi kewangan untuk pelajar institusi pengajian tinggi di Sabah dan Sarawak bagi membekalkan mereka dengan pengetahuan dan kemahiran asas kewangan.

Kami juga mengadakan beberapa sesi penglibatan dengan pihak media dan mengalu-alukan penyertaan mereka dalam NRS 2024, untuk membentuk pemahaman yang lebih jelas mengenai peranan kami sebagai pihak berkuasa resolusi.

Memacu Kemajuan dan Kelestarian Organisasi

Pelaburan berterusan dalam membangunkan modal insan dan teknologi adalah kunci kepada kestabilan jangka panjang serta pencapaian yang berterusan. Rangka kerja pembelajaran dan pembangunan yang dipertingkatkan telah memberi tumpuan kepada kemahiran digital, kecekapan berkaitan resolusi dan pembangunan kepimpinan. Inisiatif seperti siri pembelajaran mengenai platform produktiviti berasaskan awan serta graduasi kumpulan kedua pelatih resolusi mencerminkan komitmen ini. Penggunaan penyelesaian pengkomputeran awan (*cloud-based solutions*) dan sistem pengurusan modal insan yang baharu turut mengukuhkan kerjasama serta kecekapan operasi. Selain itu, kami telah melaksanakan rangka kerja tadbir urus dan pengurusan data, bagi meningkatkan keupayaan data dan memacu kecemerlangan operasi.

Selaras dengan komitmen kami terhadap keselamatan siber, PIDM menanda aras sistem pengurusan keselamatan maklumat kami dengan amalan terbaik antarabangsa. Pada tahun 2024, kami berjaya memperoleh pensijilan ISO/IEC 27001:2022, hasil daripada usaha berterusan dalam meningkatkan daya tahan siber. PIDM juga telah diiktiraf oleh CyberSecurity Malaysia atas pematuhan kepada standard Sistem Pengurusan Keselamatan Maklumat (*Information Security Management Systems* – ISMS). Kami terus memperkembangkan operasi keselamatan siber melalui latihan simulasi siber tahunan serta mengguna pakai kawalan keselamatan siber terkini, bagi memastikan sistem PIDM kekal kukuh dan berdaya tahan.

Pada tahun 2024, kami telah kembali beroperasi di satu lokasi iaitu di Bangunan AICB. Langkah ini telah mempertingkatkan kecekapan kos dengan pengurangan dalam ruang pejabat berbanding lokasi sebelumnya. Kerja pengubahsuaian telah mengguna pakai bahan mesra alam yang sejajar dengan komitmen kami terhadap kelestarian. Beroperasi dari bangunan yang mempunyai pensijilan hijau (*certified green building*) turut membantu mengurangkan jejak karbon keseluruhan kami dengan mengoptimumkan penggunaan tenaga.

Di samping memperkukuh teknologi dan membangunkan modal insan, kami tetap komited untuk mengekalkan piawaian tadbir urus yang tinggi. Sebagai sebahagian daripada usaha ini, kami telah menganjurkan Persidangan Dalaman yang pertama, menumpukan kepada topik-topik berkenaan etika dan rasuah, keselamatan siber, serta tadbir urus berlandaskan Syariah. Selain itu, kami juga telah menganjurkan sesi perbincangan meja bulat yang melibatkan pakar risiko dan audit dalaman dari peserta jaringan keselamatan kewangan yang lain, bagi berkongsi dan membincangkan perkembangan terkini mengenai risiko dan kawalan berkaitan keselamatan siber serta kecerdasan buatan.

Teguh Mengharungi Tahun 2024

Merenung kembali tahun 2024, kemajuan yang telah dicapai amat bermakna bagi kami. Pencapaian ini mencerminkan dedikasi sepenuhnya daripada Lembaga Pengarah dan warga PIDM. Kami mengucapkan setinggi-tinggi penghargaan kepada Lembaga Pengarah atas panduan strategik mereka serta kepada semua warga PIDM atas usaha gigih mereka. Dengan matlamat bersama dan tadbir urus yang kukuh, kami bukan sahaja telah mengharungi cabaran bersama, tetapi juga memupuk asas yang kukuh untuk impak yang berkekalan.

Peranan kami sebagai penginsurans deposit dan pihak berkuasa resolusi tidak berkesudahan – bukan semusim sahaja tetapi berdiri teguh untuk suatu jangka masa panjang. PIDM tetap berakar umbi dalam pengukuhan kestabilan, namun usaha memantapkan kekuatan dan daya kesesuaian adalah penting untuk masa depan. Kami berazam untuk melangkah ke hadapan dengan penuh keyakinan dan keselarasan dalam visi bersama kami. Tidak kira apa yang bakal melanda, mandat kami tetap jelas – untuk memelihara kestabilan sistem kewangan sambil berusaha menambah baik pencapaian kami tahun demi tahun.



Dato Sri (Dr) Zukri Samat



Rafiz Azuan Abdullah

Tadbir Urus Kami


PIDM komited terhadap amalan tadbir urus yang baik dengan matlamat untuk menggalakkan ketelusan dan akauntabiliti. Ini akan meningkatkan lagi keupayaan untuk mencipta nilai kepada pihak berkepentingan sambil menyokong pencapaian berterusan mandat kami.

| Rangka Kerja Tadbir Urus

Amalan Tadbir Urus Terbaik

PIDM menanda aras amalan tadbir urus dengan amalan-amalan terbaik. Ini termasuk amalan yang digariskan oleh Prinsip Tadbir Urus Baik bagi Syarikat Pelaburan Berkaitan Kerajaan dan Garis Panduan Pengurusan dan Tatakelola Badan Berkanun Persekutuan oleh Kementerian Kewangan,¹ dan Core Principles for Effective Deposit Insurance Systems² oleh International Association of Deposit Insurers (IADI).

Pelaporan PIDM berpandukan Polisi Tadbir Urus Lembaga Pengarah yang menggariskan peranan dan tanggungjawab Lembaga Pengarah dan Pengurusan dalam aspek tadbir urus korporat. Polisi ini ditanda aras berdasarkan amalan terbaik yang terpakai dan berfungsi untuk menyatakan jangkaan Lembaga Pengarah terhadap Pengurusan, serta peranan Lembaga Pengarah dalam menetapkan hala tuju dan kawalan PIDM.



Laporan prestasi berdasarkan standard dalam Polisi Tadbir Urus Lembaga Pengarah dikeluarkan pada setiap tahun dan boleh didapati dalam Penyata Tadbir Urus di www.pidm.gov.my.

Tiga Barisan Pertahanan

PIDM mengamalkan model tiga barisan pertahanan (*three lines of defence model*) yang menetapkan akauntabiliti dan tanggungjawab pelbagai pihak dalam organisasi di mana setiap barisan memainkan peranan untuk pemantauan dan pengurusan risiko yang lebih efektif. Pihak Pengurusan PIDM, yang diketuai oleh Ketua Pegawai Eksekutif, bertanggungjawab untuk membangun dan mengekalkan proses, kawalan dalaman serta amalan pengurusan risiko yang mantap bagi memastikan tahap tadbir urus yang tinggi dalam PIDM.

Pendekatan Terhadap Tadbir Urus dan Akauntabiliti

Ketelusan berkaitan kemajuan PIDM terhadap inisiatif yang dirancang membolehkan pihak berkepentingan membuat penilaian tentang prestasi serta keupayaan PIDM dalam melaksanakan tanggungjawab berkanunnya. Rancangan korporat dan laporan mengenai kemajuan inisiatif kami terdapat dalam laporan tahunan PIDM. Selain membina modal sosial dan intelektual yang penting, penerapan amalan tadbir urus oleh PIDM turut memastikan akauntabiliti ketika melaksanakan intervensi dan resolusi kegagalan.

PIDM mematuhi keperluan Syariah dalam melaksanakan peranan dan tanggungjawab yang berkaitan dengan Sistem Insurans Deposit Islam dan Sistem Perlindungan Manfaat Takaful, serta semasa menjalankan tindakan intervensi dan resolusi kegagalan bagi institusi perbankan Islam dan pengendali takaful. Bagi menjamin kepatuhan terhadap keperluan Syariah dalam melaksanakan tanggungjawab ini, PIDM berpandukan kepada ketetapan Majlis Penasihat Syariah Bank Negara Malaysia (BNM).


¹ Surat Pekeliling Am Bilangan 5 Tahun 2024

² Rujuk laman web IADI www.iadi.org

Struktur Tadbir Urus PIDM

Menurut Akta PIDM, PIDM melapor kepada Parlimen melalui Menteri Kewangan. Dalam melaksanakan mandatnya, PIDM beroperasi dengan struktur tadbir urus yang mantap serta dalam rangka perundangan yang memberikan kebebasan operasi, seperti yang disyorkan oleh IADI. Core Principles for Effective Deposit Insurance Systems oleh IADI menyatakan bahawa “tadbir urus yang mantap dalam agensi-agensi yang membentuk rangka keselamatan sistem kewangan akan mengukuhkan struktur sistem kewangan dan secara langsung menyumbang kepada kestabilan sistem tersebut.”

Struktur tadbir urus PIDM ditunjukkan dalam gambar rajah berikut.



Lembaga Pengarah

Lembaga Pengarah mengawasi pengendalian urusan dan hal ehwal PIDM secara keseluruhan serta memainkan peranan penting dalam memastikan sistem pengurusan risiko dan kawalan dalaman yang kukuh, terutamanya berkaitan etika, budaya, dan standard tingkah laku.

PIDM ditadbir oleh Lembaga Pengarah yang terdiri daripada sembilan ahli. Dua daripada sembilan pengarah ini ialah *ex officio*, iaitu Gabenor BNM dan Ketua Setiausaha Perbendaharaan. Pengarah lain, yang mewakili sektor awam dan swasta, dilantik oleh Menteri Kewangan. Pengarah *ex officio* boleh melantik pengarah silih ganti daripada organisasi masing-masing untuk menghadiri mesyuarat Lembaga Pengarah sekiranya mereka tidak dapat menghadiri diri. Maklumat mengenai Ahli Lembaga Pengarah boleh didapati di halaman 13 dalam Laporan Tahunan ini.

Ahli Lembaga Pengarah mempunyai kepelbagaian kepakaran dan pengalaman. Gabungan kemahiran dan pengalaman yang pelbagai ini digambarkan dalam gambar rajah di sebelah.



Pada tahun 2024, rekod kehadiran ahli dalam mesyuarat Lembaga Pengarah dan Jawatankuasa Lembaga Pengarah adalah seperti berikut.

Lembaga Pengarah	Kehadiran Mesyuarat				
	Lembaga Pengarah ³	Jawatankuasa Audit ⁴	Jawatankuasa Tadbir Urus ⁵	Jawatankuasa Modal Insan dan Ganjaran ⁶	Jawatankuasa Perancangan Penggantian ⁷
Dato Sri (Dr) Zukri Samat	8/8	-	-	-	-
Dato' Seri Abdul Rasheed Ghaffour ⁸	6/8	-	-	-	-
Datuk Johan Mahmood Merican ⁹	7/8	-	-	-	-
Datuk Dr. Yacob Mustafa	8/8	6/6	-	-	-
Dato' Nor Eni Ismail ¹⁰	2/7	-	1/3	-	-
Dato Dr. Nik Ramlah Mahmood	7/8	-	3/3	2/2	2/2
Dato' Dr. Gan Wee Beng	8/8	6/6	-	2/2	2/2
Puan Gloria Goh Ewe Gim	7/8	6/6	3/3	-	2/2
Encik Lee Kong Eng	8/8	5/6	-	2/2	-

Jawatankuasa Lembaga Pengarah

Komposisi Jawatankuasa Lembaga Pengarah pada tahun 2024 adalah seperti berikut.

Jawatankuasa Audit	
Bertanggungjawab memastikan prinsip dan amalan pengauditan serta perakaunan selaras dengan amalan terbaik di peringkat antarabangsa dan Malaysia, serta mematuhi semua keperluan perundangan	
Pengerusi Puan Gloria Goh Ewe Gim	Ahli Encik Lee Kong Eng (Naib Pengerusi) Datuk Dr. Yacob Mustafa Dato' Dr. Gan Wee Beng
Jawatankuasa Tadbir Urus	
Bertanggungjawab mengarahkan pelaksanaan serta pematuhan prinsip tadbir urus korporat yang mantap dalam PIDM	
Pengerusi Dato Dr. Nik Ramlah Mahmood	Ahli Puan Gloria Goh Ewe Gim Dato' Nor Eni Ismail ¹⁰

³ Tujuh mesyuarat dan satu sesi perancangan strategik peringkat Lembaga Pengarah telah diadakan pada tahun 2024

⁴ Enam mesyuarat Jawatankuasa Audit telah diadakan pada tahun 2024

⁵ Tiga mesyuarat Jawatankuasa Tadbir Urus telah diadakan pada tahun 2024

⁶ Dua mesyuarat Jawatankuasa Modal Insan dan Ganjaran telah diadakan pada tahun 2024

⁷ Dua mesyuarat Jawatankuasa Perancangan Penggantian telah diadakan pada tahun 2024

⁸ Datuk Jessica Chew Cheng Lian adalah pengarah silih ganti

⁹ Encik Abdullah Azizudin adalah pengarah silih ganti

¹⁰ Dato' Nor Eni Ismail telah dilantik ke Lembaga Pengarah PIDM pada 15 September 2023 dan meletakkan jawatan pada 1 November 2024

Jawatankuasa Modal Insan dan Ganjaran

Bertanggungjawab memastikan PIDM mempunyai dasar sumber manusia yang adil dan saksama bagi menarik serta mengekalkan kakitangan dengan kepakaran dan kelayakan yang sesuai

Pengerusi

Dato' Dr. Gan Wee Beng

Ahli

Dato Dr. Nik Ramlah Mahmood

Encik Lee Kong Eng

Jawatankuasa Perancangan Penggantian

Bertanggungjawab memberi nasihat dan mengemukakan cadangan kepada Lembaga Pengarah mengenai Perancangan Penggantian Ketua Pegawai Eksekutif

Pengerusi

Dato Dr. Nik Ramlah Mahmood

Ahli

Puan Gloria Goh Ewe Gim

Dato' Dr. Gan Wee Beng

Rujuk halaman 16 dalam Laporan Tahunan ini untuk perincian kerja Jawatankuasa-Jawatankuasa Lembaga Pengarah sepanjang tahun 2024.

Pengurusan

Pembahagian peranan, tanggungjawab dan akauntabiliti antara Lembaga Pengarah dan Pengurusan telah ditetapkan dengan jelas dalam Akta PIDM, serta dalam Polisi Tadbir Urus Lembaga Pengarah dan Undang-undang Korporat PIDM. Secara umumnya, Lembaga Pengarah bertanggungjawab terhadap keseluruhan urusan dan hal ehwal PIDM, di mana Akta PIDM memberikan kuasa kepada Lembaga Pengarah untuk melaksanakan segala kuasa dan mengambil apa jua tindakan yang boleh dilaksanakan oleh PIDM.¹¹

Ketua Pegawai Eksekutif bertanggungjawab terhadap pentadbiran harian PIDM¹² dan mengetuai pengurusan kanan PIDM yang bertanggungjawab menterjemahkan arahan Lembaga Pengarah kepada tindakan serta mengurus operasi harian PIDM. Selain itu, Pengurusan juga bertanggungjawab menyokong Lembaga Pengarah dalam melaksanakan tanggungjawab tadbir urus mereka.

Rujuk halaman 14 dalam Laporan Tahunan ini untuk maklumat mengenai struktur organisasi PIDM secara keseluruhan.

Tadbir Urus, Pengurusan Risiko dan Kawalan – Menerima Pakai Model Tiga Barisan Pertahanan**Barisan Pertahanan Pertama – Pengurusan**

Pengurusan memastikan PIDM mempunyai persekitaran kawalan yang kukuh bagi mengurus operasi dan risiko dengan berhemat serta menyokong pencapaian objektif organisasi. Dalam menjalankan tanggungjawab ini, Pengurusan berpandukan kepada Rangka Kerja Kawalan Dalaman yang dibangunkan selaras dengan rangka kerja antarabangsa yang diiktiraf, iaitu COSO¹³ *integrated framework on internal control* (Rangka Kerja COSO).

¹¹ Subseksyen 11 (1) Akta PIDM. Seksyen 25 Akta PIDM menetapkan kuasa PIDM

¹² Seksyen 19 Akta PIDM

¹³ Committee of Sponsoring Organizations of the Treadway Commission

Kawalan dalaman PIDM diterapkan dalam semua aktiviti berkaitan pengurusan sistem perlindungan yang kami tadbir, termasuk kod etika, keperluan pengisytiharan konflik kepentingan dan aset, polisi pendedahan maklumat, serta polisi dan prosedur bagi proses-proses utama.

Sepanjang tahun 2024, Pengurusan terus memperkukuh sistem pengurusan risiko dan kawalan dalaman PIDM, dengan memberi penekanan kepada daya tahan terhadap ancaman siber dan memperkukuh tadbir urus kami. Sehubungan itu, kami telah mengekalkan pensijilan Sistem Pengurusan Keselamatan Maklumat (ISMS) ISO/IEC 27001¹⁴ pada tahun 2024 dan berjaya beralih daripada standard 2013 kepada 2022. Inisiatif ini mencerminkan komitmen PIDM dalam mengekalkan standard tertinggi keselamatan maklumat, memastikan kerahsiaan dan integriti data sensitif, serta menangani ancaman siber secara proaktif.

PIDM juga mempunyai proses dalaman untuk mengenal pasti pihak berkaitan dan memantau transaksi pihak berkaitan supaya transaksi tersebut dilaksanakan secara adil dan telus. Sebarang pengecualian akan dirujuk kepada Jawatankuasa Audit dan Lembaga Pengarah untuk dibincangkan dan diputuskan. Selain itu, ahli Lembaga Pengarah dan pegawai pengurusan utama diwajibkan mendedahkan sebarang kepentingan kewangan atau hubungan dengan pihak berkaitan serta dilarang terlibat dalam sebarang keputusan yang berkaitan dengan mereka.

Barisan Pertahanan Kedua – Fungsi Pengurusan Risiko

Di PIDM, barisan pertahanan kedua merangkumi fungsi-fungsi pengurusan risiko dan tadbir urus, iaitu pengurusan risiko organisasi, integriti dan tadbir urus, pengurusan dan keselamatan maklumat, serta pematuhan Syariah. Fungsi-fungsi ini berperanan memantau aktiviti pengurusan risiko yang dijalankan oleh barisan pertahanan pertama.

Pengurusan Risiko Organisasi. Ketua Pegawai Risiko melapor kepada Lembaga Pengarah menerusi Jawatankuasa Audit. Jabatan Pengurusan Risiko Organisasi bertanggungjawab melaksanakan Rangka Kerja Pengurusan Risiko Organisasi PIDM yang melibatkan pengurusan risiko berasaskan pendekatan bersepadu di seluruh organisasi. Rangka Kerja Pengurusan Risiko Organisasi membantu dalam mengenal pasti dan mengurus risiko yang boleh menjejaskan pencapaian visi, matlamat dan objektif PIDM. Rangka kerja tersebut ditanda aras berdasarkan COSO *Enterprise Risk Management* (ERM) – Integrated Framework dan International Organisation for Standardisation (ISO) 31000:2018 (Garis Panduan Pengurusan Risiko).

Lembaga Pengarah dan Pengurusan memastikan bahawa proses pengurusan risiko diterapkan secara menyeluruh dalam budaya, proses, dan struktur PIDM melalui amalan dan Rangka Kerja Pengurusan Risiko PIDM. Setiap tahun, Lembaga Pengarah menerima Laporan Risiko Tahunan yang mengandungi penilaian terperinci mengenai risiko PIDM serta pelan tindakan yang dirancang. Laporan ini dibincangkan secara mendalam dalam mesyuarat khas Jawatankuasa Audit yang memberi tumpuan kepada aspek risiko sebelum dibentangkan ke Lembaga Pengarah. Faktor risiko dinilai merentasi pelbagai kategori, dengan tumpuan khusus kepada risiko yang lebih signifikan bagi memastikan pelan tindakan adalah selaras dengan strategi serta inisiatif korporat.¹⁵

Integriti dan tadbir urus. Ketua Pegawai Integriti dan Tadbir Urus melapor kepada Lembaga Pengarah melalui Jawatankuasa Audit. Jabatan Integriti dan Tadbir Urus melaksanakan Program Pematuhan yang diluluskan oleh Lembaga Pengarah, termasuk pematuhan terhadap undang-undang dan obligasi kontrak serta pematuhan terhadap kod tata laku, polisi, prosedur dan garis panduan dalam organisasi oleh kakitangan. Jabatan ini juga memastikan nilai etika dan integriti diterapkan dalam budaya kerja PIDM.

PIDM telah melancarkan Pelan Antirasuah Organisasi (*Organisational Anti-Corruption Plan*) lima tahun yang pertama pada tahun 2020 selaras dengan Pelan Antirasuah Nasional yang diperkenalkan oleh Kerajaan. PIDM terus komited untuk mengurus operasi dan hal ehwal PIDM bebas daripada isu-isu berkaitan tadbir urus, integriti dan rasuah. Kini, PIDM sedang membangunkan Pelan Antirasuah Organisasi bagi tempoh lima tahun yang berikutnya. Bagi memperkukuh keupayaan mengurus risiko rasuah, Rangka Kerja Penilaian Risiko Rasuah telah dibangunkan pada tahun 2024 dan diintegrasikan dalam Rangka Kerja Pengurusan Risiko PIDM. Perkembangan ini juga memudahkan cara pembangunan Pelan Antirasuah Organisasi PIDM 2025 – 2029.

¹⁴ International Organisation for Standardisation (ISO) / International Electrotechnical Commission (IEC)

¹⁵ Risiko utama dibincangkan dalam Risiko dan Perkara-Perkara Material di www.pidm.gov.my

Pengurusan dan keselamatan maklumat. Fungsi ini diketuai oleh Ketua Pegawai Maklumat dan Keselamatan yang melapor kepada Ketua Pegawai Eksekutif. Jabatan Pengurusan dan Keselamatan Maklumat bertanggungjawab menilai keberkesanan serta kecukupan infrastruktur, proses dan amalan keselamatan siber PIDM. Antara langkah yang diambil termasuk penilaian berkala seperti Penilaian Kerentanan dan Ujian Penetrasi, *red teaming* dan simulasi serangan siber yang merangkumi pelbagai senario. Inisiatif ini memastikan strategi serta infrastruktur keselamatan siber PIDM kekal relevan dan terus berkembang seiring dengan landskap ancaman siber yang sentiasa berubah. Hasil daripada penilaian keberkesanan kawalan ini turut dilaporkan kepada Lembaga Pengarah melalui Jawatankuasa Audit.

Pada tahun 2024, Penilaian Kematangan Keselamatan Siber (*Cyber Maturity Assessment*) telah dijalankan secara bebas oleh pakar subjek luaran. Berdasarkan penilaian tersebut, PIDM mencapai tahap kematangan yang disasarkan iaitu pada Tahap 3 (*Defined Level*) yang ditanda aras terhadap Capability Maturity Model Integration dan sejajar dengan objektif kawalan Rangka Kerja Keselamatan Siber oleh *National Institute of Standards and Technology*. Ini merupakan satu peningkatan berbanding penilaian yang dilakukan pada tahun 2020.

Syariah. Fungsi ini diterajui oleh Ketua Syariah dan Pembangunan Mampan yang melapor kepada Ketua Pegawai Eksekutif. Jabatan Syariah dan Pembangunan Mampan bertanggungjawab untuk mengenal pasti, memantau dan mengurus risiko Syariah di PIDM. Jabatan ini bertanggungjawab untuk menyediakan polisi dan kawalan yang menjalankan penilaian ke atas risiko Syariah, menyediakan latihan dan kesedaran serta menggalakkan pematuan keperluan Syariah dalam operasi PIDM.

Jabatan Syariah dan Pembangunan Mampan bekerjasama rapat dengan Pengurusan sebagai barisan pertahanan pertama untuk memastikan pematuan Syariah dalam aspek operasi, termasuk memberi nasihat, menyediakan garis panduan dan sokongan, terutamanya bagi penerapan prinsip Syariah dalam operasi harian dan pelaksanaan mandat kami.

Laporan mengenai risiko Syariah yang dikenal pasti, termasuk status dan kemajuan pelan tindakan, dibentangkan kepada Jawatankuasa Audit setiap tahun bagi mengurus risiko Syariah.

Barisan Pertahanan Ketiga – Audit

Barisan pertahanan terakhir merangkumi fungsi audit yang bertujuan memberikan kepastian terhadap keberkesanan tadbir urus, pengurusan risiko dan kawalan dalaman di PIDM.

Audit dalaman. Ketua Juruaudit Dalaman melapor kepada Lembaga Pengarah melalui Jawatankuasa Audit. Jabatan Audit dan Khidmat Perundingan berfungsi sebagai entiti audit dalaman yang bebas, yang memberi jaminan munasabah bahawa sistem kawalan dalaman dan pengurusan risiko adalah efektif. Bagi memastikan fungsi dan aktiviti audit dalaman sentiasa mematuhi keperluan International Standards for the Professional Practice of Internal Auditing oleh Institute of Internal Auditors, semakan penilaian kualiti (*Quality Assessment Review – QAR*) dalaman dan luaran dilaksanakan secara berkala untuk menilai keberkesanan dan kecekapan, prestasi dan kualiti penghasilan kerja fungsi tersebut. Pada tahun 2024, semakan dalaman QAR telah dijalankan ke atas proses audit dalaman yang merangkumi perancangan penglibatan, pelaksanaan, komunikasi hasil penemuan serta pemantauan tindakan susulan.

Lembaga Pengarah, melalui Jawatankuasa Audit, meneliti laporan audit dalaman dari Jabatan Audit dan Khidmat Perundingan secara berkala. Laporan ini memberi jaminan kepada Jawatankuasa Audit berkenaan pemantauan dan pematuan terhadap kawalan dalaman, integriti sistem, serta tindakan sewajarnya yang diambil bagi menangani sebarang kelemahan ketara yang dikenal pasti.

Secara keseluruhan, tiada insiden kelemahan atau ketidaksempurnaan ketara yang dilaporkan terhadap kecukupan dan integriti pengurusan risiko serta kawalan dalaman dalam sistem, dasar, amalan dan proses PIDM. Maklumat lanjut mengenai kawalan dalaman boleh dirujuk dalam ringkasan laporan Jawatankuasa Audit yang terdapat dalam Penyata Tadbir Urus di www.pidm.gov.my.

Audit luaran. Penyata kewangan PIDM diaudit oleh Ketua Audit Negara mengikut Akta Audit 1957. Lembaga Pengarah meluluskan pelepasan penyata kewangan belum diaudit kepada Jabatan Audit Negara untuk diperiksa berdasarkan Standard Pengauditan yang diluluskan di Malaysia dan International Standards of Supreme Audit Institutions bagi tahun kewangan berakhir 31 Disember setiap tahun. Wakil dari Jabatan Audit Negara dijemput hadir ke semua mesyuarat Jawatankuasa Audit dan menerima semua dokumen berkaitan sebelum mesyuarat Jawatankuasa Audit.

| Bidang Fokus Strategik Tahun 2024

Kesediaan Resolusi

Lembaga Pengarah memberi perhatian khusus terhadap peranan PIDM sebagai pihak berkuasa resolusi dalam memastikan keberkesanan rangka kerja resolusi serta kesediaan melaksanakan resolusi ke atas institusi ahli.

Selain daripada pelaksanaan inisiatif berterusan bagi kesediaan resolusi seperti yang dihuraikan dalam Rancangan Korporat PIDM, mesyuarat Lembaga Pengarah yang khusus mengenai perkara-perkara berkenaan dengan resolusi dan institusi ahli diadakan secara berkala. Di samping itu, sesi pembelajaran berterusan turut dijalankan bagi memastikan Lembaga Pengarah dilengkapi pengetahuan dan kecekapan yang diperlukan untuk memenuhi peranannya dalam bidang resolusi.

Pengurusan juga memastikan PIDM sentiasa bersedia dari aspek operasi untuk melaksanakan resolusi apabila diperlukan serta menyokong Lembaga Pengarah dalam menjalankan tanggungjawabnya. Selain rangka kerja dan proses resolusi yang merupakan panduan pelaksanaan, PIDM juga membangunkan matriks khusus bagi memperincikan bidang kuasa Lembaga Pengarah, Pengurusan serta peranan peserta jaringan keselamatan kewangan iaitu BNM dan Menteri Kewangan, dengan sokongan Kementerian Kewangan, dalam proses intervensi serta resolusi institusi ahli.

Strategi Modal Insan

Lembaga Pengarah memainkan peranan penting dalam memastikan strategi modal insan PIDM sejajar dengan objektif korporat serta menyokong agenda kelestarian jangka panjang organisasi. Jawatankuasa Modal Insan dan Ganjaran menyokong Lembaga Pengarah dalam pengawasan strategik terhadap inisiatif utama modal insan dan pemantauan ke atas kesejahteraan dan keberkesanan kakitangan kami.

Strategi modal insan utama dan polisi yang diluluskan oleh Lembaga Pengarah dipertimbangkan secara terperinci bagi memastikan ia sejajar dengan keperluan PIDM serta mengambil kira trend luaran. Pendekatan menyeluruh ini memastikan pelaksanaan polisi dan strategi yang kukuh dan efektif bagi mempersiapkan PIDM untuk masa depan serta kesediaan resolusi. Ia juga membolehkan pemantauan ke atas daya saing pampasan, keberkesanan kepimpinan, peningkatan penglibatan pekerja serta menyokong keupayaan secara berterusan.

Penglibatan Pihak Berkepentingan

Lembaga Pengarah berpendapat bahawa penglibatan pihak berkepentingan adalah penting demi mencapai objektif PIDM. Kami terus menerima pakai proses-proses untuk memastikan pertimbangan sewajarnya diberikan terhadap pandangan pihak berkepentingan terutamanya dalam pembangunan dasar-dasar pengawalseliaan yang efektif. Sebagai contoh, kertas perundingan dikeluarkan untuk mendapat maklum balas pihak berkepentingan yang berkaitan sebelum penerbitan atau semakan semula garis panduan atau rangka kerja. Pada tahun 2024, PIDM mengeluarkan kertas perundingan mengenai cadangan rangka kerja Sistem Levi Berbeza yang disemak semula.

Kelestarian

Sebagai pihak berkuasa perlindungan konsumen kewangan dan pihak berkuasa resolusi, mandat PIDM sememangnya merangkumi aspek tanggungjawab sosial menerusi sistem perlindungan bagi konsumen kewangan dan menyumbang kepada kestabilan sistem kewangan. Walaupun jejak karbon PIDM kecil, kami telah berusaha memupuk budaya kelestarian dalam kalangan kakitangan untuk menggalakkan penerapan amalan yang boleh mengurangkan impak operasi kami terhadap alam sekitar.

Lembaga Pengarah dan Pengurusan terus komited terhadap memperkukuh agenda kelestarian kami dengan mengambil kira pelbagai faktor seperti mandat, ciri-ciri urusan, dan pelaksanaan operasi kami. PIDM akan terus menggalakkan budaya kelestarian berkenaan alam sekitar dalam kalangan kakitangan kami. Dari segi kelestarian sosial pula, kami akan terus meningkatkan impak kami terutama sekali kepada kakitangan kami dan masyarakat. Tumpuan ini penting kerana ia adalah sejajar dengan mandat PIDM dan peranan kami sebagai pihak berkuasa perlindungan konsumen kewangan dan pihak berkuasa resolusi bagi institusi ahli.

| Lembaga Pengarah



Dato Sri (Dr) Zukri Samat
Pengerusi



Dato' Seri Abdul Rasheed Ghaffour
Pengarah Ex Officio



Datuk Johan Mahmood Merican
Pengarah Ex Officio



Datuk Dr. Yacob Mustafa
Pengarah Sektor Awam



Dato Dr. Nik Ramlah Mahmood
Pengarah Sektor Swasta



Dato' Dr. Gan Wee Beng
Pengarah Sektor Swasta



Puan Gloria Goh Ewe Gim
Pengarah Sektor Swasta



Encik Lee Kong Eng
Pengarah Sektor Swasta



Datuk Jessica Chew Cheng Lian
Pengarah silih ganti kepada
Dato' Seri Abdul Rasheed Ghaffour



Encik Abdillah Azizudin
Pengarah silih ganti kepada
Datuk Johan Mahmood Merican




Dato' Nor Eni Ismail¹⁶
Pengarah Sektor Awam

Profil terperinci mengenai Ahli Lembaga Pengarah boleh didapati di www.pidm.gov.my

¹⁶ Dato' Nor Eni Ismail telah dilantik menjadi ahli Lembaga Pengarah PIDM pada 15 September 2023 dan meletak jawatan pada 1 November 2024

Struktur Organisasi



Jawatankuasa Eksekutif



Rafiz Azuan Abdullah
Ketua Pegawai Eksekutif



Afiza Abdullah
Naib Presiden Eksekutif



Lee Yee Ming
Naib Presiden Eksekutif



Wan Ahmad Ikram Wan Ahmad Lotfi
Naib Presiden Eksekutif

Pegawai-Pegawai Korporat



Lim Lee Na
Setiausaha Korporat dan
Kaunsel Am



Zufar Suleiman Abu Bakar
Ketua Pegawai Risiko



Alex Lesley Balagurusamy
Ketua Pegawai Integriti dan
Tadbir Urus



Chua Ee Leen¹⁷
Ketua Audit Dalaman

Profil terperinci mengenai Jawatankuasa Eksekutif dan Pegawai-Pegawai Korporat boleh didapati di www.pidm.gov.my.

¹⁷ Jazimin Izzat Wan Zoolkifli merupakan Ketua Audit Dalaman sehingga 11 September 2024 apabila beliau dilantik sebagai Ketua Jabatan Perkhidmatan Operasi Kewangan. Chua Ee Leen pula berkhidmat sebagai Pemangku Ketua Audit Dalaman sejak 11 September 2024 sebelum dilantik sebagai Ketua Audit Dalaman oleh Lembaga Pengarah pada 13 Disember 2024

Perincian Kerja Jawatankuasa Lembaga Pengarah bagi Tahun 2024

Jawatankuasa Audit	
Pengerusi Puan Gloria Goh Ewe Gim	Ahli Encik Lee Kong Eng (Naib Pengerusi) Datuk Dr. Yacob Mustafa Dato' Dr. Gan Wee Beng
Perkara utama	
Disyorkan untuk kelulusan Lembaga Pengarah: • Penyata Kewangan 2023 dan Laporan Tahunan 2023 • Perancangan Jabatan Audit dan Khidmat Perundingan 2025 – 2026 • Semakan Polisi Pengurusan Tunai Operasi • Semakan Kadar Premium Dana Insurans Deposit • Cadangan Semakan Asas Levi dan Rangka Kerja Sistem Levi Berbeza untuk Syarikat Insurans dan Pengendali Takaful • Polisi Risiko dan Laporan Risiko Lembaga Pengarah • Semakan Rangka Kerja Parameter Perbelanjaan • Semakan Prosedur Pendahuluan atau Pembiayaan Berkaitan Prosiding Undang-Undang yang melibatkan Pengarah, Pegawai, Kakitangan dan Ejen PIDM • Rancangan Korporat 2025	Dipertimbangkan oleh Jawatankuasa Audit: • Semakan Kadar Premium di bawah Sistem Premium Berbeza • Laporan Penilaian Tahunan PIDM terhadap Kawalan Dalaman Korporat bagi tahun 2023 • Pelan Audit Jabatan Audit Negara untuk Penyata Kewangan Korporat bagi tahun berakhir 31 Disember 2024 • Penyata Kewangan Proforma bagi tahun berakhir 31 Disember 2024 • Laporan Penilaian Kematangan Keselamatan Siber (<i>Cybersecurity Maturity Assessment Report</i>) • Laporan Penilaian Kerentanan dan Ujian Penetrasi (<i>Vulnerability Assessment and Penetration Testing</i>) • Semakan Risiko Kebergantungan Teknologi Maklumat dalam Operasi PIDM • Semakan Pematuhan kepada Undang-undang bagi tahun 2023 • Laporan Audit Dalaman • Kemas kini dan Semakan Piagam Jabatan Audit dan Khidmat Perundingan • Laporan Tahunan dan Laporan Separuh Tahun mengenai Perbelanjaan Pengarah, Pengerusi, Pegawai Korporat, serta Perbelanjaan Perjalanan Perniagaan Berkaitan Hubungan Antarabangsa • Laporan dan Analisis terhadap Pelaburan dan Pengurusan Tunai PIDM • Keperluan Kewangan Tambahan untuk Operasi Teknologi Maklumat sehingga 30 Jun 2024 • Kemas kini Pelan Korporat dan Pelan Kewangan bagi Tempoh Berakhir 30 Jun 2024 • Semakan Tahunan Dana Sasaran di bawah Sistem Insurans Deposit dan Sistem Perlindungan Faedah Takaful dan Insurans • Laporan Mengenai Perolehan Melalui Kaedah Pemberian Tunggal (<i>Sole Sourcing Basis</i>) • Laporan Mengenai Pematuhan Kerja Jawatankuasa Audit dengan Piagam Jawatankuasa Audit bagi tahun 2024 • Laporan Operasi dan Prestasi Jabatan Audit dan Khidmat Perundingan bagi tahun 2024 • Laporan Operasi dan Prestasi Jabatan Pengurusan Risiko Korporat bagi tahun 2024 • Laporan Operasi dan Prestasi Jabatan Integriti dan Tadbir Urus bagi tahun 2024 • Prestasi Berbanding Rancangan Korporat 2024
Jawatankuasa Tadbir Urus	
Pengerusi Dato Dr. Nik Ramlah Mahmood	Ahli Puan Gloria Goh Ewe Gim Dato' Nor Eni Ismail
Perkara utama	
Disyorkan untuk Kelulusan Lembaga Pengarah: • Draf Pendedahan Tadbir Urus untuk Laporan Tahunan 2023 dan Penerbitan di Laman Web Korporat	Dipertimbangkan oleh Jawatankuasa Tadbir Urus: • Semakan Strategi Tadbir Urus Korporat 10 Tahun • Perancangan Penggantian Lembaga Pengarah • Laporan Prestasi Lembaga Pengarah dan Jawatankuasa Lembaga Pengarah serta Sokongan Pengurusan terhadap Lembaga Pengarah bagi tahun 2023

Jawatankuasa Tadbir Urus	
Perkara utama	
- Semakan Kod Konflik Kepentingan serta Kod Etika Perniagaan dan Tatalaku Pengarah dan Kakitangan - Semakan Polisi Tempoh Perkhidmatan, Pencen dan Penggantian bagi Pengarah Bukan <i>Ex Officio</i> - Semakan Profil Lembaga Pengarah - Semakan Huraian Tugas bagi Ahli Lembaga Pengarah, Pengerusi Lembaga, dan Jawatankuasa Lembaga Pengarah - Pelantikan Firma Penasihat Tadbir Urus untuk menjalankan Penilaian Lembaga Pengarah pada tahun 2024	- Laporan mengenai Aktiviti Jawatankuasa Tadbir Urus berdasarkan Piagam Jawatankuasa Tadbir Urus bagi tahun 2024 - Perancangan Jadual bagi tahun 2025 - Program Pendidikan Lembaga Pengarah bagi tahun 2024

Jawatankuasa Modal Insan dan Ganjaran	
Pengerusi Dato' Dr. Gan Wee Beng	Ahli Dato Dr. Nik Ramlah Mahmood Encik Lee Kong Eng
Perkara utama	
Disyorkan untuk Kelulusan Lembaga Pengarah: - Cadangan pindaan kepada Dasar Pampasan dan Faedah - Cadangan Gaji dan Pemberian Bonus Kakitangan - Petunjuk Prestasi Utama (KPI) Ketua Pegawai Eksekutif bagi tahun 2025 - Pemberian Bonus Ketua Pegawai Eksekutif bagi tahun 2024	Dipertimbangkan oleh Jawatankuasa Modal Insan dan Ganjaran: - Laporan Status Jabatan Modal Insan bagi tahun 2023, termasuk kemas kini mengenai kemajuan inisiatif utama Modal Insan pada tahun 2023 dan 2024 - Kemas kini mengenai keutamaan strategik Modal Insan serta Pembangunan Latihan dan Keupayaan bagi tempoh 2024 – 2026 - Pembentangan oleh Penasihat mengenai trend dan perspektif luaran berkaitan Bakat Masa Depan serta Penilaian Pekerjaan dan Pembangunan Gred Gaji Korporat - Pematuhan terhadap Polisi Modal Insan dan Keperluan Undang-Undang - Laporan mengenai Program Biasiswa Sarjana Muda PIDM - Laporan mengenai aktiviti Jawatankuasa Modal Insan dan Ganjaran berdasarkan Piagam Jawatankuasa Modal Insan dan Ganjaran bagi tahun 2024 - Laporan Prestasi Ketua Pegawai Eksekutif berbanding dengan KPI bagi tahun 2024 - Laporan Ketua Pegawai Eksekutif mengenai kemajuan Perancangan Penggantian untuk Pengurusan Kanan Utama

Jawatankuasa Perancangan Penggantian	
Pengerusi Dato Dr. Nik Ramlah Mahmood	Ahli Puan Gloria Goh Ewe Gim Dato' Dr. Gan Wee Beng
Perkara utama	
Pada tahun 2024, Jawatankuasa Perancangan Penggantian meneruskan usahanya berkaitan dengan Perancangan Penggantian Ketua Pegawai Eksekutif.	

Bahagian II

Peranan dan Fungsi Kami

Menghadapi Cabaran Cemas: Pentingnya Persediaan Proaktif

Peranan dan Fungsi Kami

Pertimbangan Utama Syariah dalam Resolusi

Perancangan Resolusi dan Persediaan Krisis Yang Mantap Perkukuh Daya Tahan Institusi Ahli



Menghadapi Cabaran Cemas: Pentingnya Persediaan Proaktif



Ketika Christian Eriksen menjaringkan gol pembukaan Denmark semasa Kejohanan Bola Sepak Eropah 2024 (EURO 2024), seluruh penonton di stadium bersorak dan memberikan tepukan gemuruh meraikan kebangkitan semula beliau yang bukan sahaja menampilkan permainan yang menarik malah menonjolkan semangat yang kental.

Tiga tahun sebelum, di edisi kejohanan yang sama, Eriksen mengalami serangan jantung yang hampir meragut nyawa beliau. Namun, hasil daripada perancangan rapi selama beberapa tahun oleh pihak berkuasa berkaitan dan pelaksanaan langkah-langkah pencegahan yang berhemat telah membawa kesudahan yang berbeza.

Tindakan pantas pasukan perubatan telah berjaya menyelamatkan nyawa, sekali gus menunjukkan betapa pentingnya ketetapan undang-undang dan protokol dalam mendepani situasi kecemasan. Garis panduan The European Resuscitation Council yang menekankan kepentingan prosedur resusitasi kardiopulmonari (*cardiopulmonary resuscitation* – CPR) dan penggunaan Defibrilator Luaran Automatik (*Automated External Defibrillator*) telah membantu menyelamatkan nyawa Eriksen. Kemunculan semula beliau kembali beraksi di arena bola sepak profesional pada tahun yang sama telah membuktikan betapa penting adanya persediaan dan sistem bantuan yang boleh menyelamatkan nyawa.

Prinsip yang sama turut diguna pakai dalam dunia kewangan. **Penginsurans deposit seperti PIDM, akan memastikan adanya sistem yang jelas untuk melindungi pendeposit, serta pemilik sijil takaful dan polisi insurans apabila berlakunya krisis kewangan.** Sama seperti dalam protokol perubatan yang menetapkan persediaan awal sekiranya berlaku kecemasan, usaha PIDM juga adalah berasaskan persediaan awal dan perancangan yang proaktif. Walaupun kegagalan institusi kewangan jarang berlaku, kesan daripadanya boleh membawa impak yang besar. Melalui Sistem Insurans Deposit dan Sistem Perlindungan Manfaat Takaful dan Insurans, PIDM melindungi pendeposit serta pemilik sijil takaful dan polisi insurans di samping mengambil pendekatan berpandangan jauh ke hadapan untuk memastikan kestabilan sistem kewangan.

Satu elemen utama langkah-langkah PIDM adalah pelaksanaan sistem premium dan levi berasaskan risiko di mana PIDM mengumpul dana daripada institusi ahli ketika urusan perniagaan institusi ahli beroperasi seperti biasa (*business as usual*). Jumlah bayaran premium atau levi setiap institusi ahli bergantung kepada profil risikonya – lebih baik profil risiko, lebih rendah premium atau levi yang dibayar dan sebaliknya. Ini menggalakkan mereka untuk mempertingkatkan amalan pengurusan risiko, sekali gus meningkatkan daya tahan institusi masing-masing dan mengurangkan risiko kegagalan.



Sebagai pihak berkuasa resolusi, PIDM memainkan peranan penting untuk menangani institusi ahli yang menghadapi masalah secara teratur bagi meminimumkan gangguan terhadap sistem kewangan. Inisiatif perancangan resolusi PIDM memastikan bahawa sekiranya sesebuah institusi mengalami masalah, kami mempunyai instrumen dan strategi untuk menanganinya secara efektif. Dengan adanya butiran terperinci tentang perkara yang boleh atau perlu dilakukan dalam persediaan yang lebih awal, potensi gangguan boleh dikurangkan sekali gus membolehkan tindak balas yang lebih pantas apabila masalah mulai muncul - sama seperti tindakan pasukan perubatan yang menuruti protokol terperinci untuk menyelamatkan nyawa semasa berlaku kecemasan.

Fungsi resolusi PIDM adalah tentang kesediaan. Sama ada mengambil alih urus niaga, penstrukturan semula, atau menguruskan pembubaran institusi ahli yang bermasalah secara teratur, PIDM memastikan resolusi dilaksanakan secara efektif. Sebagaimana pasukan perubatan yang bertindak pantas menstabilkan mangsa serangan jantung, PIDM juga akan mengambil langkah-langkah wajar untuk menstabilkan institusi ahli yang menghadapi kegagalan – melindungi konsumen kewangan, mengekalkan keyakinan orang awam dan memastikan kestabilan sistem kewangan.

Meskipun pakar perubatan memainkan peranan penting dalam kelangsungan hayat Eriksen, tindakan pantas pihak lain di tengah padang juga perlu diberi penghargaan. Pegawai-pegawai kejohanan dan rakan-rakan sepasukan beliau tahu bagaimana untuk bertindak pada saat yang sangat kritikal. Kapten pasukan Denmark, terutamanya, merupakan orang pertama memberi bantuan menggunakan pengalaman latihan pertolongan cemas beliau untuk melakukan CPR – kaedah intervensi yang membantu menyelamatkan nyawa Eriksen. Begitu juga, langkah kesediaan PIDM tidak hanya terbatas dalam organisasi sendiri, malahan melibatkan pihak berkepentingan utama seperti pengawal selia sistem kewangan, institusi-institusi kewangan, para penyedia perkhidmatan, rakan-rakan media dan orang awam. Dengan memastikan kesediaan semua pihak untuk bekerjasama, PIDM dapat memperkukuh daya tahan sistem kewangan keseluruhannya.


Kepentingan untuk mewujudkan undang-undang dan garis panduan bagi melindungi nyawa dan kelangsungan hidup seseorang tidak boleh dipandang ringan. Banyak nyawa yang dapat diselamatkan ketika berlaku kecemasan lantaran kesediaan semua pihak yang terlibat memainkan peranan mereka mengikut protokol yang berkaitan. Begitu juga dengan rangka kerja perlindungan dan resolusi PIDM yang memastikan konsumen kewangan mempunyai akses berterusan terhadap deposit dan manfaat takaful serta insurans mereka, agar kegiatan harian semua dapat diteruskan seperti biasa.

Tepukan gemuruh menyambut kemunculan semula Eriksen merupakan manifestasi pengiktirafan luar biasa terhadap langkah persediaan dan sistem yang melindungi nyawa beliau – sama seperti peranan PIDM di sebalik tabir dalam memastikan kestabilan sistem kewangan. Sama ada dalam penjagaan kesihatan mahupun kewangan, kesediaan dan tindakan segera adalah aspek penting yang boleh membawa banyak perbezaan.

Peranan dan Fungsi Kami

Memelihara Kestabilan dan Kepercayaan

PIDM telah ditubuhkan pada tahun 2005 di bawah Akta Perbadanan Insurans Deposit Malaysia (Akta PIDM).¹ PIDM diberi mandat untuk menggalakkan kestabilan kewangan dan mengekalkan kepercayaan serta keyakinan orang ramai terhadap sistem kewangan Malaysia dalam peranan kami sebagai pihak berkuasa perlindungan konsumen kewangan dan pihak berkuasa resolusi bagi institusi ahli kami.




1 Melindungi pendeposit serta pemilik sijil takaful dan polisi insurans²

PIDM melindungi deposit serta manfaat takaful dan insurans sekiranya sesebuah institusi ahli gagal. Perlindungan disediakan secara automatik dan tiada bayaran dikenakan untuk deposit yang layak sehingga RM250,000 bagi setiap pendeposit di setiap bank ahli serta manfaat takaful dan insurans yang layak sehingga RM500,000 bagi setiap pemilik polisi di setiap ahli penginsurans. Had perlindungan ini juga memastikan bahawa sekurang-kurangnya 97% pendeposit dan pemilik polisi dilindungi sepenuhnya.


Perlindungan PIDM memberikan ketenangan minda kepada pendeposit dan pemilik polisi kerana kami akan memastikan bahawa mereka akan mempunyai akses berterusan terhadap simpanan dan perlindungan insurans sekiranya berlaku kegagalan institusi ahli. Perlindungan ini juga memupuk keyakinan awam dan menggalakkan pendeposit serta pemilik polisi untuk mengekalkan deposit, sijil takaful dan polisi insurans mereka dengan institusi ahli, walaupun dalam situasi ketidakpastian. Secara keseluruhannya, sistem asas pendanaan yang kukuh menyumbang kepada kestabilan sistem kewangan negara dan memperkukuh peranan sektor kewangan dalam menyokong pertumbuhan ekonomi Malaysia.

¹ Akta Perbadanan Insurans Deposit Malaysia 2005 yang kemudiannya dipinda kepada Akta Perbadanan Insurans Deposit Malaysia 2011

² Secara kolektifnya dikenali sebagai pemilik polisi



Sumber: PIDM



Sumber: PIDM

2 Meningkatkan kesedaran dan memperkukuhkan keyakinan konsumen kewangan

Sejak penubuhannya, PIDM memberi tumpuan kepada usaha meningkatkan kesedaran awam dan pemahaman mengenai peranannya sebagai pihak berkuasa perlindungan konsumen kewangan. Sejak tiga tahun yang lalu, tahap kesedaran awam terhadap PIDM telah mencapai 75% dan ke atas. Baru-baru ini, kami juga menumpukan usaha mendidik orang ramai mengenai peranan PIDM sebagai pihak berkuasa resolusi.

Kempen pendidikan awam oleh PIDM serta pendedahan oleh institusi ahli mengenai perlindungan PIDM³ memainkan peranan penting dalam memperkukuh keyakinan terhadap sistem kewangan. Semakin ramai konsumen memahami tentang perlindungan insurans deposit, semakin tinggi juga keyakinan mereka untuk terus menyimpan dan berurus niaga dengan bank, walaupun dalam keadaan ekonomi yang tidak menentu. Penemuan ini selari dengan kajian dalam kertas kerja oleh Bank for International Settlements (BIS),⁴ yang mendapati bahawa peningkatan pengetahuan tentang insurans deposit boleh mengurangkan risiko panik dan pengeluaran deposit secara besar-besaran (*bank run*), terutamanya ketika krisis kewangan.

³ Garis Panduan mengenai Penyediaan Maklumat mengenai Perlindungan Insurans Deposit untuk bank ahli dan Garis Panduan mengenai Penyediaan Maklumat mengenai Perlindungan Manfaat Takaful dan Insurans untuk ahli penginsurans

⁴ Kertas Kerja BIS No.1119, "Keep calm and bank on: panic-driven bank runs and the role of public communication", September 2023

3 Mendorong institusi ahli kekal selamat, kukuh dan boleh diselesaikan

PIDM memberi insentif kepada institusi ahli untuk pengurusan risiko yang mantap dengan mentadbir rangka kerja premium dan levi: rangka kerja Sistem Premium Berbeza untuk bank-bank ahli, rangka kerja Sistem Levi Berbeza untuk syarikat insurans dan rangka kerja Sistem Levi Berbeza bagi pengendali takaful.

Penilaian premium dan levi dilakukan setiap tahun, membolehkan industri membuat bayaran melalui mekanisme pendanaan *ex-ante*⁵ bagi memastikan dana tersedia ketika resolusi institusi ahli. Bayaran ini ditentukan berdasarkan profil risiko setiap institusi ahli. Dengan membudayakan amalan tanggungjawab dalam sektor kewangan, PIDM bukan sahaja menggalakkan pengurusan risiko yang wajar di peringkat institusi, malah juga menyumbang kepada kestabilan sistem kewangan secara menyeluruh.

Sejajar dengan perubahan dalam landskap kawal selia dan persekitaran operasi, PIDM telah menambah baik rangka kerja Sistem Premium Berbeza bagi menyediakan insentif yang lebih mantap untuk resolusi yang teratur bagi bank ahli, dengan menerapkan elemen kebolehsesediaan (*resolvability*). Kajian serupa bagi Sistem Levi Berbeza untuk syarikat insurans dan pengendali takaful juga sedang dilaksanakan. Penambahbaikan ini bertujuan memperkukuh daya tahan dan kestabilan sistem kewangan secara keseluruhan.



4 Memastikan institusi ahli yang gagal dapat diselesaikan dengan efektif

Sebagai pihak berkuasa resolusi, peranan utama PIDM adalah untuk menangani kegagalan institusi ahli dengan segera dan efektif untuk mengurangkan gangguan kepada konsumer kewangan, memelihara kestabilan sistem kewangan, serta mengelakkan krisis ekonomi meluas. Bagi mencapai matlamat ini, keutamaan PIDM adalah untuk berada dalam keadaan bersedia (*resolution-ready*) yang dicapai melalui empat dimensi utama – oleh PIDM, industri, peserta jaringan keselamatan kewangan dan orang awam.⁶

Kesediaan PIDM melibatkan pembangunan rangka kerja resolusi yang kukuh yang merangkumi dasar, infrastruktur dan keupayaan operasi bagi memastikan pelaksanaan resolusi yang segera dan teratur. Sistem pembayaran balik yang bersepadu turut menjadi sebahagian daripada rangka kerja ini untuk memastikan pendeposit mendapat akses segera kepada simpanan mereka sekiranya berlaku kegagalan dan penutupan bank.

⁵ Premium dan levi dinilai ke atas, dan dibayar oleh institusi ahli semasa operasi perniagaan seperti biasa, bukannya selepas kegagalan

⁶ Bagi orang awam, rujuk halaman 21 dan 22 dalam laporan ini

Untuk kesediaan industri, perancangan resolusi bank ahli PIDM adalah komponen penting dalam memastikan sokongan bank ahli kepada PIDM dalam resolusi.⁷ Perancangan resolusi memerlukan kerjasama erat PIDM dengan bank ahli bagi memahami fungsi dan hubungan perkhidmatan yang disediakan oleh setiap bank ahli. Melalui kerjasama ini, sebarang halangan yang boleh merumitkan proses resolusi akan dikenal pasti dan ditangani, termasuk membangunkan keupayaan (keuangan, operasi dan perundangan) yang diperlukan bagi memastikan bank dapat menyokong PIDM secara efektif ketika melaksanakan resolusi. Sebagai contoh, Sistem Maklumat Pengurusan harus mampu menyediakan data penting secara tepat dan pantas bagi memudahkan proses penilaian dalam resolusi. Dari sudut perundangan, perancangan resolusi juga dapat memastikan kontrak-kontrak utama boleh terus dikuatkuasakan semasa proses resolusi.

Kebolehelesaian adalah suatu usaha yang berterusan. Halangan, terutama yang bersifat struktur, memerlukan komitmen masa dan sumber untuk diatasi, dan pembinaan sistem serta keupayaan yang diperlukan memerlukan pelaburan dan usaha yang berterusan. Walau bagaimanapun, manfaat yang diperoleh dijangka jauh melebihi kos kerana bank-bank ahli yang mencapai tahap kebolehelesaian lebih bersedia menghadapi krisis dan lebih berdaya tahan secara individu, sekali gus menyumbang kepada kestabilan sistem kewangan serta keyakinan orang awam.

3 Peringkat Perancangan Resolusi

Peringkat

1

Memahami hubungan kait bank ahli dengan sistem kewangan

PIDM akan bekerjasama dengan bank ahli bagi mengenal pasti, antara lain, fungsi atau perkhidmatan penting yang ditawarkan oleh bank ahli serta kebergantungannya, termasuk perkara-perkara lain yang penting bagi operasinya. Pemahaman ini dapat membantu PIDM dalam memutuskan cara terbaik untuk menguruskan kegagalan bank ahli dengan pantas dan efektif

Peringkat

2

Mengenal pasti jurang, memperkuat ketahanan operasi, dan memastikan pelan resolusi dapat dilaksanakan

PIDM akan mengenal pasti dan menangani kelemahan yang boleh menjejaskan pelaksanaan resolusi yang efektif. Jika perlu, bank ahli boleh mengambil langkah dan menyediakan keupayaan untuk mengurangkan potensi risiko pelaksanaan pelan resolusi. Secara kolektif, ini juga dikenali sebagai penilaian kebolehelesaian (*resolvability assessment*)

Peringkat

3

Memastikan kesediaan dengan menguji dan menambah baik pelan resolusi secara berterusan

PIDM bersama-sama bank ahli akan memastikan pelan resolusi boleh dilaksanakan dengan menguji dan menambah baik pelan secara berterusan

Bagi menyokong usaha kami bersama institusi ahli dalam perancangan resolusi, dan sebagai sebahagian daripada usaha berterusan untuk menggalakkan kesediaan industri, PIDM menganjurkan Simposium Resolusi Kebangsaan tahunan (*National Resolution Symposium – NRS*) yang berfungsi sebagai platform khusus untuk peserta industri serta pihak berkepentingan lain bertukar pandangan dan terlibat dalam perbincangan penting mengenai perancangan resolusi.

Pada tahun 2024, PIDM telah menganjurkan Muzakarah buat julung kali untuk membincangkan isu-isu khusus berkaitan resolusi institusi ahli perbankan Islam. Sehubungan dengan itu, PIDM terus bekerjasama dengan pihak berkepentingan yang berkaitan, termasuk Bank Negara Malaysia (BNM) dan pakar Syariah dalam industri kewangan Islam, bagi memastikan pematuhan Syariah serta meningkatkan kesediaan kami untuk melaksanakan resolusi ke atas institusi ahli perbankan Islam yang gagal.

⁷ Garis Panduan Perancangan Resolusi telah diperkenalkan untuk bank ahli. Perancangan resolusi bagi ahli penginsurans akan dipertimbangkan dan dibangunkan pada peringkat yang seterusnya

Pertimbangan Utama Syariah dalam Resolusi

Di peringkat global, hanya terdapat beberapa kegagalan institusi perbankan Islam, dan banyak daripada kes tersebut tidak menangani sepenuhnya keperluan pematuhan Syariah yang kompleks dan yang telah berkembang dari masa ke masa. Sehubungan itu, PIDM sedang merangka strategi dan pelan operasi yang berlandaskan Syariah bagi mengurangkan risiko perundangan dan reputasi. Pertimbangan utama termasuk:



Keunikan produk dan perkhidmatan

Produk dan perkhidmatan institusi perbankan Islam dan pengendali takaful menggunakan pelbagai kontrak dan konsep patuh Syariah. Oleh itu, sebarang langkah resolusi perlu mengambil kira mekanisme yang sesuai untuk menguruskan produk dan perkhidmatan ini dengan cara yang melindungi hak dan tanggungjawab semua pihak berkepentingan.



Mekanisme tindakan resolusi

Mekanisme resolusi konvensional, seperti penjualan kepada pihak ketiga atau pemindahan kepada institusi perantara, mungkin tidak sesuai dalam konteks institusi perbankan Islam dan pengendali takaful. Walaupun pemindahan aset dan liabiliti pernah berlaku dalam kes penggabungan serta pemerolehan institusi perbankan Islam sebelum ini, situasi resolusi mempunyai keperluan yang berbeza dan lebih kompleks. Oleh itu, pembangunan mekanisme resolusi yang berlandaskan Syariah memerlukan penelitian secara mendalam dan perancangan yang rapi.



Tadbir urus Syariah

Akses segera kepada pihak berkuasa untuk mendapatkan nasihat berkenaan bidang Syariah adalah kritikal memandangkan impak sesuatu resolusi ke atas kestabilan sistem kewangan. Keunikan proses resolusi juga memerlukan pemantauan berterusan terhadap pematuhan Syariah sepanjang pelaksanaannya.

PIDM akan terus mengambil pendekatan proaktif dan kolaboratif dengan melibatkan diri di pelbagai forum bagi memastikan kesediaan dan kepatuhan Syariah untuk resolusi institusi perbankan Islam dan pengendali takaful yang tidak lagi berdaya maju. Usaha ini termasuk penganjuran Muzakarah yang berterusan bagi menyediakan platform untuk membincangkan serta memperhalusi pendekatan resolusi yang berlandaskan Syariah.

5 Mempertingkatkan kesediaan mendepani krisis

Bagi memastikan pengurusan resolusi dan krisis yang lebih berkesan, PIDM terus memperkukuh kerjasama dengan pelbagai pihak berkepentingan di peringkat domestik dan antarabangsa.

Di Malaysia, PIDM bekerjasama rapat dengan peserta jaringan keselamatan kewangan, termasuk BNM dan Kementerian Kewangan, dalam membangunkan rangka kerja antara agensi bagi pengurusan krisis yang efektif. Usaha ini merangkumi penyediaan *interagency crisis preparedness binder* yang memberikan garis panduan jelas mengenai langkah-langkah tindak balas terhadap krisis. Rangka kerja ini juga diuji secara berkala melalui latihan simulasi bersama, yang menumpukan kepada aspek komunikasi, peranan serta tanggungjawab setiap agensi dan proses membuat keputusan. Ini membolehkan kami mengenal pasti kekurangan dan menambah baik strategi tindak balas yang akan menyumbang kepada usaha yang lebih bersepadu dan segera ketika krisis.

Di peringkat antarabangsa, PIDM berkolaborasi dengan pihak berkuasa resolusi luar negara bagi memudahkan kerjasama rentas sempadan dalam pengurusan krisis dan resolusi. Ini termasuk pemeteraian Memorandum Persefahaman bagi memperkukuh penyelarasan resolusi rentas sempadan serta penglibatan dalam mesyuarat kumpulan pengurusan krisis (*crisis management groups* – CMGs) institusi ahli. PIDM juga menyertai latihan simulasi krisis di peringkat serantau untuk meningkatkan persediaan serta menguji daya tahan rangka kerja sedia ada dalam senario yang realistik.

| Mempertingkatkan Kesediaan dengan Perubahan Landskap Kewangan

Dengan landskap kewangan yang semakin dinamik, PIDM kekal tangkas dengan menilai semula secara berterusan strategi terdahulu serta menambah baik rangka kerja dan proses kami. Melangkah ke hadapan, keutamaan akan diberikan dalam menguji keberkesanan proses kami agar kekal relevan dan efektif. Dengan menilai dan meneliti polisi dan rangka kerja secara proaktif, kami dapat memastikan PIDM akan sentiasa bersedia untuk mendepani cabaran serta memperkukuhkan kestabilan sistem kewangan negara.

Melihat ke hadapan, pertumbuhan ekonomi Malaysia yang berterusan dijangka kondusif terhadap persekitaran operasi institusi ahli. Namun, prospek ekonomi negara masih berdepan dengan ketidaktentuan akibat ketegangan geopolitik serta perubahan dalam dasar fiskal, monetari dan perdagangan global. Keadaan ini boleh mencetuskan ketidaktentuan pasaran kewangan yang mungkin memberi kesan kepada hasil pelaburan dan pendapatan perbendaharaan institusi ahli. Bagi bank ahli, cabaran utama adalah termasuk tekanan inflasi, risiko kredit daripada peminjam yang terjejas, serta peningkatan kos pendanaan daripada persaingan deposit. Bagi ahli penginsurans, PIDM akan terus memantau prospek pertumbuhan perniagaan dalam keadaan peningkatan tuntutan insurans, perihal kemampuan dan perubahan jangkaan konsumen.

Walau bagaimanapun, institusi ahli terus menunjukkan daya tahan yang kukuh berikutan asas kewangan yang stabil dan penampungan modal yang mencukupi. Ujian tekanan PIDM menunjukkan bahawa institusi ahli kekal berdaya tahan dan boleh menyokong aktiviti perantaraan kewangan walaupun dalam senario kejutan makroekonomi, kredit, pasaran dan kecairan. Inisiatif perancangan resolusi dan persediaan untuk menangani krisis yang dilaksanakan bertujuan untuk memperkukuh kesediaan operasi resolusi bagi menghadapi sebarang kemungkinan atau krisis kewangan.

Perancangan Resolusi dan Persediaan Krisis yang Mantap Perkukuh Daya Tahan Institusi Ahli

Institusi ahli PIDM kekal berdaya tahan dalam menghadapi kejutan serta terus menyokong aktiviti pengantaraan kewangan, meskipun berdepan dengan ketidaktentuan yang meningkat berikutan perkembangan di peringkat global sepanjang tahun.

Bank Ahli

Nisbah Pinjaman Terjejas Bersih

0.9%

(2023: 1.1%)

Nisbah Rizab Kerugian Pinjaman Dilindungi

129.0%

(2023: 119.4%)

Pulangan Aset Berwajaran Risiko

2.60%

(2023: 2.47%)

Nisbah Perlindungan Mudah Tunai

160.7%

(2023: 161.0%)

Nisbah Pendanaan Stabil Bersih

116.1%

(2023: 118.0%)

Nisbah Modal Ekuiti Biasa Kumpulan 1

14.3%

(2023: 15.4%)

- Bank-bank ahli mencatatkan pertumbuhan pinjaman yang lebih baik
- Kualiti aset kekal kukuh dan diurus secara proaktif dengan amalan peruntukan konservatif
- Pengurusan risiko pasaran terkawal dalam tempoh ketidaktentuan pasaran kewangan yang meningkat
- Pendapatan meningkat disokong oleh hasil faedah serta perdagangan dan pelaburan
- Kedudukan pembiayaan yang sihat menyokong pengantaraan kewangan, dengan Nisbah Perlindungan Mudah Tunai dan Nisbah Pendanaan Stabil Bersih kekal melebihi 100%
- Kedudukan modal dan kecairan yang kukuh menyokong keupayaan bank-bank ahli menyerap kerugian

Sumber: PIDM, BNM

Ahli Penginsurans

Insurans Hayat dan Takaful Keluarga

Pertumbuhan Premium Bersih

7.8%

(2023: 3.5%)

Pertumbuhan Manfaat Polisi Bersih

10.4%

(2023: 16.9%)

Pertumbuhan Jumlah Aset

8.7%

(2023: 7.0%)

Nisbah Kecukupan Modal

216.2%

(2023: 212.6%)

Insurans Am dan Takaful Am

Pertumbuhan Premium Kasar

7.1%

(2023: 10.2%)

Pertumbuhan Tuntutan Bersih Dibayar

9.6%

(2023: 13.4%)

Pertumbuhan Jumlah Aset

5.5%

(2023: 7.2%)

Nisbah Kecukupan Modal

248.3%

(2023: 253.4%)

- Pertumbuhan premium kekal positif tetapi lebih perlahan berbanding peningkatan kos tuntutan yang memberi tekanan kepada pendapatan pengunderaitan
- Prestasi pelaburan yang kukuh membantu mengurangkan cabaran dalam pengunderaitan dan juga kesan kepada hasil kewangan keseluruhan
- Jumlah aset meningkat selaras dengan prestasi yang bertambah baik dalam pasaran kewangan
- Kedudukan modal yang kukuh untuk menyokong pertumbuhan perniagaan baharu dan menghadapi kemungkinan kejutan

Sumber: PIDM, BNM

Bahagian III

Rancangan dan Prestasi Kami

Rancangan Kami

Prestasi Kami pada tahun 2024

Sumber Dana PIDM

Ringkasan Rancangan Korporat 2025



Rancangan Kami

Sejak ditubuhkan pada tahun 2005, PIDM telah membina asas yang kukuh untuk memastikan kami sentiasa bersedia untuk melindungi konsumer kewangan dan menyumbang kepada kestabilan sistem kewangan dalam apa jua persekitaran operasi semasa. Tumpuan kami adalah untuk memastikan keupayaan bagi mendepani sebarang perubahan dalam persekitaran operasi semasa di samping memacu fokus PIDM ke arah mencapai matlamat utama sebagai pihak berkuasa perlindungan konsumer kewangan dan resolusi yang efektif.

Untuk tujuan ini, PIDM mengamalkan proses perancangan strategik dan korporat yang menyeluruh, dengan mengambil kira penilaian terhadap persekitaran operasi, kepentingan pihak berkepentingan utama dan impak daripada risiko utama terhadap PIDM serta strategi untuk menanganinya. Proses perancangan kami juga mengambil kira sumber dan modal yang diperlukan, yang merangkumi modal insan, modal sosial dan perhubungan, modal kewangan, modal intelektual serta modal pembangunan. Hasil daripada penilaian ini, PIDM kemudiannya menghuraikan perkara-perkara material yang perlu diteliti.¹

PIDM menerbitkan rancangan korporat tiga tahun yang menetapkan fokus strategik dan bidang keputusan utama (Key Result Area – KRA) kami, serta inisiatif korporat untuk tempoh perancangan tersebut. Setiap tahun, PIDM menetapkan inisiatif tahunan, sasaran prestasi dan bajet yang diperlukan untuk menyokong pelaksanaan inisiatif ini dan operasi harian.


Rancangan Korporat 2023 – 2025 Kami

Rancangan Korporat PIDM 2023 – 2025, bertemakan “Merealisasikan Kesediaan”, mencerminkan hasrat strategik kami untuk mempergiatkan tumpuan kepada kesediaan resolusi. Hasrat ini dapat dicapai dengan mempertingkatkan kesediaan dalaman, serta meningkatkan kesediaan pihak berkepentingan luaran, termasuk peserta jaringan keselamatan kewangan, penyedia perkhidmatan, institusi ahli, media dan orang awam secara amnya, dalam menyokong pelaksanaan resolusi yang efektif ke atas institusi ahli. Koordinasi yang teratur antara PIDM dan pihak berkepentingan utama dalam mencapai objektif strategik kami untuk kesediaan resolusi digambarkan dalam gambar rajah di bawah.



¹ Rujuk Risiko dan Perkara-Perkara Material di www.pidm.gov.my. Huraian mengenai modal kami dan bagaimana modal-modal ini dihubungkan dan digunakan untuk mencapai mandat PIDM juga boleh didapati di sini

PIDM kemudiannya akan menetapkan perkara-perkara material yang dinyatakan sebagai sembilan bidang keputusan utama di bawah tiga tonggak strategik, seperti yang digambarkan di bawah.



Tumpuan 2024

Tahun 2024 menandakan pertengahan perjalanan tempoh Rancangan Korporat 2023 – 2025 kami. Bidang keputusan utama yang telah ditetapkan dalam rancangan tersebut memperincikan fokus PIDM terhadap kesediaan resolusi, memastikan sistem perlindungan konsumer kewangan kekal efektif, dan memastikan peranan kami sebagai pihak berkuasa resolusi untuk institusi ahli difahami dengan baik oleh pihak berkepentingan. Sasaran hasil strategik ini disokong oleh bakat dan keupayaan yang mantap, usaha transformasi digital berterusan yang merangkumi keselamatan siber yang kukuh, serta tadbir urus dan operasi yang efektif.

Bidang tumpuan utama kami pada 2024 diringkaskan di bawah.

Tonggak Strategik	Bidang Keputusan Utama	Bidang Tumpuan Utama pada 2024
Merealisasikan Kesediaan Resolusi dan Pengurusan Krisis PIDM	KRA 1: (PIDM-Bersedia) – Membolehkan tindakan intervensi dan resolusi yang mantap dan efektif oleh PIDM	- Mempertingkatkan keupayaan resolusi berlandaskan Syariah dan tadbir urus Syariah - Meneruskan usaha persediaan menghadapi krisis
	KRA 2: (Industri-Bersedia) – Memperkukuh kebolehsesediaan institusi ahli dan meningkatkan kesediaan penyedia perkhidmatan	- Mempergiat agenda perancangan resolusi - Mempertingkatkan insentif kebolehsesediaan
	KRA 3: (Jaringan Keselamatan Kewangan-Bersedia) – Pengaturan pengurusan krisis yang efektif bersama dan antara peserta jaringan keselamatan kewangan	Memperkukuh koordinasi antara agensi
Meningkatkan Keyakinan terhadap Sistem Perlindungan dan Mandat Resolusi PIDM	KRA 4: (Orang Awam dan Media-Bersedia) – Mengekalkan kesedaran, pemahaman dan advokasi yang kukuh dalam kalangan orang awam dan media	- Meningkatkan kesedaran awam melalui usaha literasi kewangan - Mempertingkatkan penglibatan bersama pihak media
	KRA 5: Meningkatkan keberkesanan dan kerelevanan perlindungan serta peranan PIDM selaku pihak berkuasa perlindungan konsumer kewangan	Meneruskan semakan dan tanda aras skop perlindungan dengan bidang kuasa lain
Menjayakan Kesediaan PIDM melalui Keberkesanan Organisasi, Transformasi Digital dan Tadbir Urus Kukuh	KRA 6: Memastikan bakat dan keupayaan yang mantap dan memperkukuhkan budaya PIDM	- Meningkatkan kemahiran dan latihan semula kakitangan - Meneruskan usaha penglibatan bersama kakitangan
	KRA 7: Memodenkan infrastruktur, proses dan keselamatan teknologi maklumat PIDM untuk menambah baik kesediaan masa depan untuk melaksanakan mandat kami	- Meneruskan inisiatif transformasi digital - Meneruskan usaha memperkukuh daya tahan siber
	KRA 8: Memanfaatkan aplikasi dan analitik data untuk meningkatkan kesediaan resolusi PIDM	Mempergiat agenda analitik data
	KRA 9: Menerapkan aspek alam sekitar, sosial dan tadbir urus (ESG) sebagai hala tuju utama dalam operasi PIDM	- Meneruskan usaha meningkatkan agenda tadbir urus - Memupuk budaya kelestarian

Prestasi Kami pada tahun 2024

Pada tahun 2024, kami telah melaksanakan rancangan strategik kami dalam lingkungan bajet yang diluluskan dan telah mencapai kemajuan yang baik, selangkah lebih dekat dengan sasaran untuk merealisasikan kesediaan. Berikut adalah sorotan pencapaian utama kami pada tahun 2024.


Tonggak Strategik 1: Merealisasikan Kesediaan Resolusi dan Pengurusan Krisis PIDM

Mempergiat dan meningkatkan keupayaan PIDM untuk melaksanakan intervensi dan resolusi institusi ahli dengan mempertingkatkan lagi kesediaan resolusi dalaman PIDM, serta memastikan pihak berkepentingan utama dapat sedia bertindak dan menyokong PIDM secara efektif dalam pelaksanaan strategi resolusi ketika situasi krisis. Tonggak Strategik 1 disokong oleh tiga bidang keputusan utama.

Inisiatif utama yang menyumbang kepada kos Tonggak Strategik 1

- Simposium Resolusi Kebangsaan (*National Resolution Symposium – NRS*) dan inisiatif perancangan resolusi
- *Interagency crisis preparedness binder*
- Rangka Kerja Penilaian Kebolehsesediaan
- Persediaan untuk latihan simulasi komprehensif yang bakal dijalankan pada tahun 2025
- Perbincangan serantau dengan pihak berkuasa resolusi asing dan kerjasama rentas sempadan
- Muzakarah pertama

Tonggak Strategik 1: RM3.0 juta



Penambahbaikan kepada modal



Modal insan



Modal intelektual



Modal pembangunan



Modal sosial dan perhubungan

KRA 1: (PIDM-Bersedia) Membolehkan tindakan intervensi dan resolusi yang mantap dan efektif oleh PIDM

Kesediaan merupakan kunci utama dalam membolehkan tindakan yang mantap dan efektif. Dalam hal ini, kami meneruskan momentum untuk menambah baik dasar, sistem dan keupayaan kami bagi melaksanakan resolusi bagi institusi ahli yang bermasalah.

Persediaan menghadapi krisis. Kami memperkukuh usaha dalam penilaian risiko dan pemantauan intervensi institusi ahli yang menyeluruh, serta penilaian makroekonomi dan industri yang efektif dan tepat pada masanya. Kami juga terus menguji proses, prosedur dan sistem ketika waktu bukan krisis untuk meningkatkan kesediaan kami bagi melaksanakan resolusi yang teratur dan efektif, yang juga merupakan sebahagian daripada persediaan untuk latihan simulasi komprehensif yang akan dilaksanakan pada tahun 2025.

Mengimbas kembali pengajaran yang diperoleh daripada latihan simulasi yang lalu dan juga krisis perbankan Amerika Syarikat baru-baru ini, kami telah meningkatkan koordinasi bersama salah satu peserta jaringan keselamatan kewangan utama, sebagai persiapan bagi memastikan institusi ahli bermasalah ditangani secara efektif. Ini termasuk penambahbaikan kriteria tindakan intervensi dan resolusi bagi membolehkan pihak berkuasa mengambil tindakan tepat pada masa. Usaha lain termasuk mengadakan pendekatan berperingkat bagi pelaksanaan dan koordinasi tindakan selepas kriteria intervensi dan resolusi ditepati, serta mempertingkatkan kuasa intervensi pihak berkuasa bagi membolehkan tindakan yang sesuai dalam menangani institusi ahli bermasalah.

Resolusi berlandaskan Syariah. Salah satu tumpuan utama pada tahun 2024 adalah untuk meningkatkan agenda PIDM mengenai resolusi berlandaskan Syariah. Buat julung kalinya, kami telah menganjurkan Muzakarah yang bertemakan “Mekanisme Pemindahan Perniagaan, Aset dan Liabiliti Institusi Perbankan Islam”.



Sesi tersebut dihadiri terutamanya oleh pakar Syariah industri perbankan Islam, bertujuan untuk mengenal pasti dan menangani cabaran bagi resolusi teratur institusi perbankan Islam. Ia menyediakan platform untuk peserta mengupas dan membincangkan pembangunan pendekatan resolusi patuh Syariah, khususnya bagi mekanisme pemindahan. Melangkah ke hadapan, perbincangan dengan pakar Syariah mengenai topik resolusi akan diteruskan untuk menyokong usaha kami bagi menggalakkan naratif dan bicara mengenai resolusi berlandaskan Syariah.

KRA 2: (Industri-Bersedia) Memperkukuh kebolehselesaian institusi ahli dan meningkatkan kesediaan penyedia perkhidmatan

Hubungan kerjasama antara PIDM dan industri dalam memastikan keupayaan, kapasiti dan pengaturan tadbir urus adalah penting untuk menyokong PIDM ketika berlakunya intervensi dan resolusi institusi ahli.

Agenda perancangan resolusi. Kami telah mewacanakan topik-topik berkaitan resolusi melalui penganjuran NRS yang kedua, bertemakan "Membangunkan Kebolehselesaian Secara Kolaboratif: Menerapkan Dasar Kepada Amalan". Simposium tersebut menghimpunkan 450 peserta, termasuk pakar tempatan dan antarabangsa serta pengurusan kanan daripada institusi kewangan. PIDM telah mencapai objektifnya menerusi penganjuran NRS 2024 sebagai satu platform bagi pihak berkepentingan PIDM untuk bertukar dan berkongsi pandangan dan pengalaman sebenar. Antara pengajaran utama adalah berkenaan pengurusan krisis institusi kewangan ke arah pelaksanaan praktikal bagi persediaan menghadapi krisis, terutamanya pelaksanaan resolusi yang lebih teratur apabila berlaku kegagalan institusi ahli. Pada simposium tahun 2025 akan datang, kami akan menggiatkan lagi perbincangan berkaitan resolusi dan meneruskan kerjasama erat dengan pihak berkepentingan kami.



Kami juga telah menganjurkan mesyuarat dengan pihak berkepentingan yang berkaitan sebagai sebahagian daripada usaha berterusan untuk mengukuhkan kerjasama rentas sempadan mengenai perancangan resolusi. Mesyuarat tersebut, yang dihadiri oleh peserta daripada pihak berkuasa penyeliaan dan resolusi negara lain, telah membincangkan perkembangan dan pelaksanaan perancangan resolusi di negara lain, cabaran yang timbul daripada kesalinghubungan rentas sempadan dan kerjasama masa depan dalam bidang yang tertentu.

Insentif kebolehselesaian. PIDM telah menerbitkan Garis Panduan mengenai Rangka Kerja Sistem Premium Berbeza bagi Anggota Penerima Deposit untuk pelaksanaan Peraturan Sistem Premium Berbeza yang telah disemak semula dan diwartakan pada tahun 2023. Rangka kerja Sistem Premium Berbeza yang disemak semula menetapkan penilaian yang menyeluruh dan mantap terhadap profil risiko bank ahli, serta memberi insentif berkenaan aspek kebolehselesaian melalui pengenalan kriteria bertumpukan resolusi. Kebolehselesaian bank ahli membolehkan proses resolusi yang pantas dan efektif bagi bank ahli yang mengalami kegagalan dalam situasi kritikal. Rangka kerja ini akan berkuat kuasa pada tahun 2025 selepas tempoh peralihan dua tahun dari tarikh diwartakan.

KRA 3: (Jaringan Keselamatan Kewangan-Bersedia) Pengaturan pengurusan krisis yang efektif bersama dan antara peserta jaringan keselamatan kewangan

Di PIDM, persediaan menghadapi krisis adalah sesuatu usaha yang berterusan. Ketika waktu operasi seperti biasa, kami memupuk hubungan kerja yang kukuh dan kolaboratif bersama peserta jaringan keselamatan kewangan untuk memastikan koordinasi yang teratur ketika situasi krisis.

Koordinasi antara agensi. Kami telah menyempurnakan *interagency crisis preparedness binder* yang memperincikan koordinasi pengaturan antara agensi berkaitan ketika berlakunya krisis, bagi membantu persediaan menghadapi krisis PIDM. Penyediaan *interagency crisis preparedness binder*, yang telah melalui pelbagai fasa libat urus dan sesi perbincangan, menyumbang kepada koordinasi dan perancangan yang lebih baik bagi persiapan latihan simulasi krisis antara agensi yang komprehensif.

Tonggak Strategik 2: Meningkatkan Keyakinan terhadap Sistem Perlindungan dan Mandat Resolusi PIDM


Meluaskan pendekatan kesedaran awam PIDM dengan memanfaatkan tema literasi kewangan dan mengoptimumkan penggunaan saluran komunikasi digital PIDM untuk mempromosikan peranan PIDM sebagai pihak berkuasa perlindungan konsumen kewangan serta pihak berkuasa resolusi kebangsaan bagi institusi ahli PIDM. Tonggak Strategik 2 disokong oleh dua bidang keputusan utama.

Inisiatif utama yang menyumbang kepada kos Tonggak Strategik 2

- Pengiklanan digital dan media sosial
- Kempen Sedia Payung Kewangan (SPK) dan program capaian di Sabah dan Sarawak
- Lawatan sambil belajar, penganjuran dan penyertaan dalam forum antarabangsa dua hala dan pelbagai hala
- Penglibatan media dan membangunkan naratif baharu berkaitan resolusi

Tonggak Strategik 2: RM4.0 juta

Orang Awam dan Media-Bersedia
RM3.6 juta



Menambah baik skop perlindungan dan peranan PIDM
RM0.4 juta

Penambahbaikan kepada modal



Modal insan



Modal intelektual



Modal sosial dan perhubungan

KRA 4: (Orang Awam dan Media-Bersedia) Mengekalkan kesedaran, pemahaman dan advokasi yang kukuh dalam kalangan orang awam dan media

Kepercayaan dan keyakinan orang awam menyumbang kepada kesediaan PIDM. Adalah penting bagi orang awam dan media untuk mempunyai pengetahuan yang mencukupi tentang mandat dan peranan PIDM, terutamanya sebagai pihak berkuasa resolusi.

Kesedaran dan advokasi orang awam. Menerusi kandungan literasi kewangan sebagai tunjang utama, kami menjalankan program kesedaran bagi orang awam khususnya melalui kempen SPK di samping memanfaatkan platform digital dan media sosial sebagai saluran komunikasi utama. Kami juga bekerjasama rapat dengan Jaringan Pendidikan Kewangan (*Financial Education Network – FEN*) untuk mengoptimumkan usaha dan sumber dalam menyokong agenda literasi kewangan negara, di samping memaksimumkan akses dan capaian kepada sasaran khalayak yang lebih ramai.



Kami telah menjalankan tinjauan kesedaran awam tahunan di seluruh negara melalui agensi penyelidikan bebas untuk menilai keberkesanan dan pencapaian inisiatif kesedaran awam kami. Tinjauan pada tahun 2024 telah dijalankan dengan saiz sampel yang lebih besar seramai 3,000 responden, untuk mengukur tahap kesedaran awam dan advokasi tentang PIDM. Bagi tahun 2024, kami telah mengekalkan tahap kesedaran awam pada 75%, seperti yang disasarkan dan mencapai tahap advokasi pada 56%, lebih tinggi daripada sasaran 50%.

Capaian ke Sabah dan Sarawak. Dengan kejayaan program capaian di Sabah pada tahun 2023, kami telah meluaskan program capaian pada tahun 2024 ke Sarawak dengan kerjasama beberapa rakan kongsi FEN. PIDM telah mengadakan pertemuan dengan pejabat-pejabat Bank Negara Malaysia, Kumpulan Wang Simpanan Pekerja dan Agensi Kaunseling dan Pengurusan Kredit di wilayah Kuching, serta Pejabat Perbendaharaan Persekutuan Sarawak. Kami juga telah menganjurkan Cabaran FinFit (*Financial Fitness Challenge*) Edisi Malaysia Timur bagi institusi pengajian tinggi yang mana peringkat akhir cabaran tersebut telah berlangsung di Karnival Celik Kewangan FEN di Kuching.



Penglibatan bersama media. Kami telah menjalankan beberapa siri mesyuarat dan sesi penglibatan bersama editor media untuk menjelaskan naratif PIDM sebagai pihak berkuasa resolusi bagi institusi ahli dalam usaha menjadikan pihak media lebih bersedia untuk menjalankan peranan mereka ketika berlakunya intervensi dan resolusi. Aktiviti penglibatan bersama pihak media bagi tahun 2024 diakhiri dengan kehadiran wakil media di NRS 2024, dan sesi meja bulat media.

KRA 5: Meningkatkan keberkesanan dan kerelevanan perlindungan serta peranan PIDM selaku pihak berkuasa perlindungan konsumen kewangan

Kami sentiasa menyemak semula dan menanda aras kecukupan dan kerelevanan skop perlindungan PIDM untuk memastikan sistem perlindungan yang ditadbir PIDM kekal efektif.

Penambahbaikan berterusan. Kami sentiasa menyemak semula dan menanda aras sistem perlindungan PIDM dengan bidang kuasa lain melalui hubungan antarabangsa kami yang kukuh untuk mengemas kini dan mempertimbangkan dasar baharu yang boleh menambah baik keberkesanan peranan PIDM. Pada tahun 2024, PIDM telah dilantik sebagai Naib Pengerusi Jawatankuasa Serantau Asia-Pasifik untuk tempoh tiga tahun, serta ahli Jawatankuasa Majlis Dasar (*Policy Council Committee*) International Association of Deposit Insurers (IADI). Jawatan kepimpinan ini memberi peluang kepada PIDM untuk menyumbang kepada agenda pengubalan dasar.

Kami meneruskan penyertaan secara aktif dalam forum dua hala dan pelbagai hala, menyumbang kepada wacana global dan serantau dan memanfaatkan perkongsian pengetahuan mengenai topik insurans deposit, skim jaminan insurans, resolusi dan pengurusan krisis. Kami juga telah memulakan program peminjaman kakitangan pertama dengan rakan sejawat kami di Indonesia untuk berkongsi pandangan dan pengalaman lanjut dalam bidang intervensi dan resolusi perbankan serta skim jaminan insurans.



Tonggak Strategik 3: Menjayakan Kesediaan PIDM melalui Keberkesanan Organisasi, Transformasi Digital dan Tadbir Urus Kukuh


Membina asas yang kukuh untuk menghadapi perubahan dengan menerapkan asas budaya digital dan kelestarian dalam kalangan kakitangan dan melengkapkan mereka dengan kemahiran menerajui masa depan, menggunakan analitik data untuk meraih keputusan yang baik, merekayasa semula proses operasi teras dan infrastruktur teknologi, serta memodenkan aplikasi sistem kami dengan pengukuhan keselamatan di samping mengekalkan tadbir urus yang kukuh dan operasi yang efektif. Tonggak Strategik 3 disokong oleh empat bidang keputusan utama.

Inisiatif utama yang menyumbang kepada kos Tonggak Strategik 3

- Program pemodenan infrastruktur teknologi dan aplikasi sistem
- Geran kepada FIDE FORUM
- Program Biasiswa Sarjana Muda PIDM dan inisiatif kelestarian
- Inisiatif keselamatan siber
- Persidangan Dalaman dan perbincangan meja bulat tentang Risiko dan Kawalan Dalaman dengan peserta jaringan keselamatan kewangan

Tonggak Strategik 3: RM6.1 juta

Bakat dan
keupayaan
yang mantap
RM0.1 juta



Memodenkan
infrastruktur
teknologi
maklumat
RM0.9 juta

Menerapkan nilai
ESG dalam operasi
RM4.7 juta

Digitalisasi dan
analitik data
RM0.4 juta

Rujuk Ringkasan Prestasi Kewangan di seksyen ini untuk perbelanjaan pengurusan modal insan dan perbelanjaan pembangunan kami

**Penambahbaikan
kepada modal**



**Modal
insan**



**Modal
intelektual**



**Modal
pembangunan**



**Modal
sosial dan
perhubungan**

KRA 6: Memastikan bakat dan keupayaan yang mantap dan memperkukuhkan budaya PIDM

Kakitangan yang cekap serta budaya kerja yang mantap dan tangkas adalah penting untuk PIDM, terutamanya dalam persekitaran operasi digital yang berkembang pesat. Sesi libat urus bersama kakitangan yang efektif dan penyediaan latihan untuk kemahiran baharu di samping budaya yang bertumpukan inovasi digital dan kelestarian, akan menyediakan kakitangan kami untuk menangani cabaran masa depan dan dapat sentiasa memenuhi objektif strategik PIDM.

Peningkatan kemahiran dan latihan semula. Kami meneruskan pelaksanaan rangka kerja pembelajaran dan pembangunan yang dipertingkatkan untuk melengkapkan kakitangan kami terutamanya dalam kemahiran digital, kecekapan berkaitan resolusi serta kecekapan kepimpinan. Kami juga telah melancarkan siri pembelajaran dalam talian mengenai ciri dan fungsi yang dipertingkatkan bagi platform produktiviti awan seperti Microsoft 365 (M365), dengan tujuan memperkukuh budaya kerja yang lebih kolaboratif dan efektif. Kumpulan kedua Pelatih Resolusi kami juga telah menamatkan latihan, sekali gus menambah kepada bilangan kakitangan dalam bidang resolusi.

Penglibatan kakitangan. Kami terus mengukuhkan budaya organisasi kami melalui program penglibatan bersama kakitangan termasuk sesi *town hall* suku tahunan, *team building*, hari kesedaran dan keselamatan, ceramah kesihatan dan kesejahteraan, kursus kesedaran korporat, serta pelbagai acara yang dianjurkan oleh Kelab Sukan, Rekreasi dan Kebajikan PIDM.



Penglibatan dengan komuniti Kementerian Kewangan. Pada tahun 2024, PIDM telah menjadi penganjur bersama² Pesta Sukan Kementerian Kewangan ke-46 untuk 13 agensi di bawah Kementerian Kewangan. Tema “Sukan Lestari Membentuk Madani” menumpukan kepada kelestarian dan semangat setia kawan melalui acara sukan. Acara ini telah memberi peluang kepada kami untuk bekerjasama sebagai satu pasukan yang menerapkan semangat kekitaan, di samping memupuk perpaduan dan kerjasama erat dengan agensi lain.



KRA 7: Memodenkan infrastruktur, proses dan keselamatan teknologi maklumat PIDM untuk menambah baik kesediaan masa depan untuk melaksanakan mandat kami

Matlamat strategik PIDM adalah untuk mempunyai infrastruktur teknologi yang memenuhi keperluan masa depan, memanfaatkan teknologi awan untuk mencapai kecekapan operasi yang lebih mampan, serta kerjasama dan penglibatan yang efektif dalam kalangan kakitangan, disokong oleh standard keselamatan siber yang kukuh dan moden.

Keselamatan siber. Pada tahun 2024, kami mencapai pensijilan ISO/IEC 27001:2022, iaitu peralihan daripada standard tahun 2013 sebelumnya. Ini merupakan satu pencapaian yang membanggakan hasil daripada usaha berterusan kami untuk meningkatkan daya tahan siber di mana PIDM turut diiktiraf oleh CyberSecurity Malaysia atas pematuhan terhadap standard Sistem Pengurusan Keselamatan Maklumat (*Information Security Management System*). Pengiktirafan ini menunjukkan bahawa PIDM, sebagai sebuah organisasi, telah berjaya menanda aras dan menyelaraskan operasinya dengan amalan terbaik yang diterima dan diiktiraf di peringkat global berkaitan sistem pengurusan keselamatan maklumat. Kami juga terus mengukuhkan keselamatan siber dengan latihan siber tahunan serta pelaksanaan kawalan keselamatan siber yang mantap dalam menyokong perjalanan transformasi digital kami.



Pemodenan infrastruktur dan aplikasi teknologi. PIDM meneruskan pelaksanaan pelbagai inisiatif pemodenan berasaskan platform awan yang memastikan keutamaan kawalan keselamatan siber dalam melindungi data kami. Pada tahun 2024, kami telah menambah baik pengalaman kerja kakitangan serta kerjasama di seluruh PIDM melalui pelaksanaan M365 dan pelancaran sistem pengurusan modal insan baharu. Teknologi baharu yang ada telah mengukuhkan lagi operasi pentadbiran dan meningkatkan keupayaan analitik. Kami juga telah memindahkan Pusat Pemulihan Bencana kami daripada infrastruktur di premis kepada fasiliti lokasi bersama (*co-location*) – suatu anjakan penting dalam pendekatan kami untuk memanfaatkan fasiliti boleh diurus dan boleh skala, sejajar dengan inisiatif penggunaan awan.

KRA 8: Memanfaatkan aplikasi sistem dan analitik data untuk meningkatkan kesediaan resolusi PIDM

Analitik data yang mantap dan asas kukuh dalam dasar dan tadbir urus data adalah penting bagi PIDM menambah baik penggubalan strategi dan pembuatan keputusan berasaskan data.

Agenda analitik data. Kami telah memulakan pelaksanaan Platform-as-a-Service (PaaS) untuk sistem penilaian risiko dan sistem korporat berkaitan resolusi. Penggunaan PaaS akan meningkatkan gabungan data dan kolaborasi, serta menyelaraskan integrasi antara sistem. Kami juga telah menubuhkan fungsi khusus yang menerajui inisiatif tadbir urus dan pengurusan data, serta membangunkan rangka kerja tadbir urus dan pengurusan data, untuk meningkatkan keupayaan data dan menyokong kecemerlangan operasi.




² Anjuran bersama Bursa Malaysia dan Lembaga Pembiayaan Perumahan Sektor Awam

KRA 9: Menerapkan aspek alam sekitar, sosial dan tadbir urus (ESG) sebagai hala tuju utama dalam operasi PIDM

Mengekalkan piawaian tadbir urus yang tinggi sentiasa menjadi keutamaan kepada PIDM. Ini adalah selaras dengan fokus Kerajaan bagi memperkukuh tadbir urus sektor awam.

Pembinaan budaya dan rangkaian hubungan. Buat julung kali, PIDM telah menganjurkan Persidangan Dalam-dalam yang dihadiri oleh semua kakitangan dan Lembaga Pengarah berkenaan topik tadbir urus khususnya berkaitan dengan etika dan rasuah, keselamatan siber dan tadbir urus Syariah. Kami juga telah menganjurkan perbincangan meja bulat yang menghimpunkan pakar risiko dan audit dalaman daripada peserta jaringan keselamatan kewangan yang lain untuk berkongsi pandangan dan pengalaman praktikal tentang perkembangan terkini dalam risiko dan kawalan yang berkaitan dengan keselamatan siber dan kecerdasan buatan.

Kelestarian di bawah satu bumbung. Pada tahun 2024, kami telah menempatkan semula operasi kami ke satu lokasi di Bangunan AICB. Langkah ini telah membawa kepada kecekapan kos yang lebih baik dengan pengurangan sebanyak 40% ruang pejabat daripada premis pejabat kami sebelum ini. Dalam usaha meningkatkan amalan ESG, kami telah menggunakan bahan mesra alam semasa pengubahsuaian pejabat. Kami juga dapat mengurangkan jejak karbon dari perspektif penggunaan tenaga dengan memindahkan operasi kami ke bangunan hijau.



Tanggungjawab Sosial Korporat. Kami meneruskan Program Biasiswa Sarjana Muda PIDM yang selama 15 tahun telah berjaya membantu pelajar Malaysia yang layak dan memerlukan bantuan untuk melanjutkan pelajaran ke peringkat tinggi di universiti tempatan. Pada tahun 2024, 20 pelajar telah dianugerahkan biasiswa, menjadikan jumlah pelajar yang ditaja meningkat ke 248 sejak program ini diperkenalkan.



Ringkasan Prestasi Kewangan

Penunjuk Utama



Jumlah pendapatan komprehensif PIDM sebanyak RM757.9 juta telah diagihkan ke Dana Perlindungan, menyumbang kepada pertumbuhan sebanyak 11.5% dan menjadikan jumlah Dana Perlindungan sebanyak RM7,355.9 juta. Sepanjang tahun, PIDM kekal selaras dengan bajet yang telah ditetapkan dalam Rancangan Korporat.



Jumlah Pendapatan

Hasil premium dan levi

PIDM mengumpul premium daripada bank-bank ahli dan levi daripada ahli penginsurans setiap tahun, berdasarkan profil risiko mereka di bawah rangka kerja Sistem Premium Berbeza untuk bank-bank ahli, rangka kerja Sistem Levi Berbeza untuk syarikat insurans dan rangka kerja Sistem Levi Berbeza bagi pengendali takaful.

Premium tahunan yang dibayar oleh bank ahli dikira berdasarkan Jumlah Deposit Diinsuranskan pada 31 Disember tahun taksiran sebelumnya, manakala levi tahunan yang dikumpul daripada ahli penginsurans dikira berdasarkan Liabiliti Penilaian Aktuari serta premium dan sumbangan bersih.



Jumlah hasil premium dan levi pada tahun semasa adalah RM625.5 juta (2023: RM643.4 juta). Hasil yang lebih rendah ini disebabkan terutamanya oleh penambahbaikan kategori premium atau levi bagi beberapa institusi ahli.



Pendapatan pelaburan dan pulangan

Sejajar dengan Polisi Pelaburan PIDM, pendapatan pelaburan dan pulangan adalah daripada portfolio pelaburan pendapatan tetap yang terdiri daripada Sekuriti Kerajaan Malaysia (*Malaysian Government Securities – MGS*) dan Terbitan Pelaburan Kerajaan (*Government Investment Issues – GII*), serta sekuriti pelaburan gred tinggi, iaitu Sekuriti Hutang Swasta (*Private Debt Securities – PDS*) yang terpilih dengan penarafan AAA yang diterbitkan oleh entiti berkaitan kerajaan.

Pendapatan pelaburan dan pulangan untuk tahun 2024 terus meningkat secara stabil sebanyak RM252.6 juta, iaitu 27.0% berbanding tahun sebelumnya. Selain daripada peningkatan jumlah dana yang boleh dilaburkan, peningkatan pendapatan pelaburan dan pulangan adalah disebabkan strategi berterusan untuk melabur dalam tempoh matang yang lebih panjang, mengoptimumkan had PDS yang mempunyai penarafan AAA yang diluluskan serta usaha berterusan kami untuk mempelbagaikan dan menambah baik sumber penempatan pasaran wang dan kadar faedah. Pulangan purata berwajaran atas pelaburan (*return on investments – ROI*) bagi keseluruhan portfolio pelaburan pendapatan tetap dan penempatan semakin meningkat kepada 3.6%, berbanding 3.2% pada tahun sebelumnya.




Penambahbaikan kepada modal



Modal kewangan

Portfolio pelaburan pada 31 Disember 2024

Pada akhir Disember 2024, 63.0% daripada portfolio pelaburan telah dilaburkan dalam sekuriti dengan kematangan melebihi tiga tahun berbanding 51.0% pada tahun sebelumnya. Peralihan strategi ini telah menghasilkan tempoh keseluruhan portfolio yang lebih panjang, iaitu 3.7 tahun pada akhir 2024, berbanding 3.2 tahun pada akhir 2023, dan ini telah memberi kesan positif terhadap prestasi portfolio. Sehubungan itu, pulangan purata portfolio pelaburan meningkat, dengan kadar pulangan efektif purata berwajaran (*Weighted Average Effective Yield and Return – WAEYR*) meningkat daripada 3.5% pada akhir 2023 kepada 3.8% pada akhir 2024.



Jumlah Perbelanjaan

Perbelanjaan operasi bagi tahun 2024 berjumlah RM119.8 juta iaitu peningkatan sebanyak 7.3% berbanding RM111.6 juta bagi tahun 2023. Perbelanjaan berkaitan modal insan kekal sebagai perbelanjaan utama, mewakili 68.5% (2023: 69.8%), diikuti oleh perbelanjaan operasi dan pentadbiran sebanyak 20.6% (2023: 20.3%) dan perbelanjaan berkaitan inisiatif sebanyak 10.9% (2023: 9.9%).

Jumlah perbelanjaan operasi PIDM adalah RM8.9 juta atau 6.9% lebih rendah berbanding dengan bajet, disebabkan terutamanya oleh perbelanjaan pengurusan modal insan dan perbelanjaan berkaitan inisiatif yang lebih rendah.

Perbelanjaan pengurusan modal insan

Perbelanjaan modal insan, yang terkandung dalam Tonggak Strategik 3, kekal sebagai pemacu kos utama bagi perbelanjaan operasi PIDM. Pada akhir 2024, jumlah kakitangan kami kekal stabil dengan 201 kakitangan (2023: 205).

Jumlah perbelanjaan pengurusan modal insan adalah lebih rendah berbanding bajet RM85.5 juta, disebabkan terutamanya oleh jangka masa pengambilan kakitangan baharu dan perbelanjaan yang lebih rendah untuk latihan dan pembangunan keupayaan serta inisiatif penglibatan kakitangan.

Perbelanjaan operasi dan pentadbiran

Pada tahun 2024, PIDM telah mencapai kemajuan yang signifikan dalam mengubah struktur operasi dan pentadbirannya. Pencapaian utama adalah penempatan semula operasi kami ke satu lokasi di Bangunan AICB dengan ruang pejabat yang lebih kecil di samping mengekalkan model kerja hibrid.





Perbelanjaan operasi dan pentadbiran meningkat sebanyak RM1.9 juta, atau 8.4%, yang disebabkan terutamanya oleh sewa pajakan untuk Bangunan AICB. Walaupun terdapat peningkatan jangka pendek, kami optimis bahawa inisiatif rasionalisasi ruang pejabat akan menyumbang kepada kos yang lebih rendah menjelang tahun 2025. Peningkatan perbelanjaan pada tahun 2024 juga disumbangkan oleh kenaikan dalam perbelanjaan lesen dan penyelenggaraan sistem teknologi maklumat dan telekomunikasi, yang disebabkan oleh penggantian komputer riba lama PIDM untuk meningkatkan kecekapan operasi dan menyokong produktiviti kakitangan yang lebih baik.

Perbelanjaan berkaitan inisiatif

Perbelanjaan dalam kategori ini adalah untuk menyokong pelaksanaan inisiatif korporat selaras dengan tonggak strategik dan KRA yang dirancang bagi tahun 2024 seperti yang dinyatakan dalam Rancangan Korporat.

Perbelanjaan ini terutamanya merangkumi pelaburan strategik dalam inisiatif perancangan resolusi, simulasi, kesedaran awam dan kemajuan teknologi.


Perbelanjaan – Keseluruhan dan Mengikut Kategori



Perbelanjaan Pembangunan

Pada 31 Disember 2024, perbelanjaan pembangunan berjumlah RM6.1 juta atau 91.0% daripada bajet perbelanjaan pembangunan bagi tahun 2024 iaitu sebanyak RM6.7 juta.

Sebahagian besar perbelanjaan ini telah digunakan untuk membangunkan aplikasi dan analitik data untuk kesediaan resolusi, di samping pelaburan dalam teknologi awan dan infrastruktur operasi yang diperbaharui. Selain itu, kami telah mula beroperasi dari satu pejabat pada Oktober 2024.



Penambahbaikan kepada modal



Modal insan



Modal intelektual



Modal pembangunan





Modal sosial dan perhubungan

Penyata Kedudukan Kewangan

Jumlah Dana Perlindungan PIDM pada 31 Disember 2024 adalah RM7,355.9 juta, bersamaan dengan jumlah aset sebanyak RM7,380.2 juta dan liabiliti bersih sebanyak RM24.3 juta.

Aset-aset PIDM kekal cair, dengan aset kewangan terdiri daripada tunai, kesetaraan tunai, pelaburan dan pendapatan pelaburan belum terima. Kesemua aset kewangan ini berjumlah RM7,334.7 juta, iaitu 99.4% daripada jumlah aset PIDM pada 31 Disember 2024. Aset bukan kewangan terdiri daripada harta dan peralatan, berjumlah RM32.2 juta serta RM9.0 juta aset berkaitan hak penggunaan untuk pajakan ruang pejabat.


Liabiliti pula merangkumi akaun belum bayar iaitu sebanyak 59.0% daripada jumlah liabiliti keseluruhan, manakala bakinya pula adalah berkaitan pajakan. Sebahagian besar akaun belum bayar adalah terdiri daripada liabiliti bukan kewangan untuk perbelanjaan berkaitan inisiatif perbelanjaan operasi untuk barangan dan perkhidmatan yang diterima oleh PIDM, serta peruntukan cuti yang tidak terambil dan peruntukan Liabiliti Rancangan Persaraan Jangka Panjang PIDM. Liabiliti pajakan adalah berkaitan dengan pajakan bangunan pejabat dan peralatan pejabat.



Butiran dalam Penyata Kedudukan Kewangan dan Penyata Keuntungan atau Kerugian dan Pendapatan Komprehensif Lain boleh didapati di seksyen Penyata Kewangan dalam Bahagian IV laporan ini.

Sumber Dana PIDM

PIDM dibiayai terutamanya oleh dana dalaman yang sebahagian besarnya terdiri daripada kutipan premium dan levi tahunan secara *ex-ante* daripada institusi ahli kami dan dana ini terkumpul sebagai rizab di dalam Dana Perlindungan. Selain itu, PIDM juga boleh memperoleh dana luaran bagi tujuan pendanaan kecairan yang termasuk dana yang perolehi daripada pasaran modal dan Kerajaan, jika perlu. Rangka kerja pembiayaan PIDM bertujuan untuk mengurangkan beban Kerajaan dan meminimumkan penggunaan wang pembayar cukai bagi melaksanakan resolusi terhadap institusi ahli yang bermasalah atau gagal. Rangka kerja ini digambarkan dalam gambarajah di sebelah.



Pembiayaan Dalaman

Sumber pembiayaan dalaman PIDM diperolehi daripada premium atau levi yang dikenakan ke atas institusi ahli, dan pendapatan pelaburan yang dijana daripada dana tersebut setelah ditolak perbelanjaan operasi. Kadar premium dan levi ditentukan oleh Menteri Kewangan atas cadangan PIDM. PIDM juga mempunyai kuasa untuk mentaksir dan mengenakan premium atau levi yang lebih tinggi dengan kelulusan Menteri Kewangan bagi membiayai sebarang kerugian yang berpunca daripada aktiviti resolusi.

Pendanaan *ex-ante* yang dikumpulkan daripada industri merupakan ciri utama sistem insurans deposit dan menurut Principle 9 of the Core Principles for Effective Deposit Insurance Systems – Sources and Uses of Funds oleh International Association of Deposit Insurers (IADI). Ciri pembiayaan *ex-ante* yang sama juga digunakan untuk sistem perlindungan manfaat takaful dan insurans. Pengumpulan dana secara *ex-ante* ini tidak bertujuan untuk PIDM menampung sepenuhnya keperluan dana yang diperlukan menerusi pengumpulan *ex-ante* daripada industri. Sebaliknya, PIDM menetapkan rizab sasaran yang mencukupi untuk menampung kerugian bersih, disokong oleh sumber pendanaan kecairan luaran. Rizab sasaran ini dirujuk sebagai “Dana Sasaran”.


Bagi PIDM, Dana Sasaran ini bertujuan untuk menampung jangkaan kerugian bersih yang timbul daripada sebarang aktiviti intervensi atau resolusi kegagalan. PIDM menggunakan gabungan pendekatan statistik dan budi bicara dalam menentukan tahap dan jajaran Dana Sasaran.

Berikutan semakan menyeluruh yang dijalankan pada tahun 2022, jajaran Dana Sasaran yang disemak semula untuk Kumpulan Dana Insurans Deposit ialah 1.5% dan 1.8% daripada Jumlah Deposit Diinsuranskan. PIDM juga telah menyemak semula jajaran Dana Sasaran untuk Kumpulan Dana Perlindungan Manfaat Takaful dan Insurans dengan mengagregatkan kerugian bersih semua Dana Perlindungan individu untuk mencapai jajaran yang digabungkan iaitu 0.3% dan 1.0% daripada jumlah liabiliti insurans atau takaful. Gambarajah di halaman 45 menggambarkan tahap semasa Kumpulan Dana Insurans Deposit dan Kumpulan Dana Perlindungan Manfaat Takaful dan Insurans berbanding jajaran Dana Sasaran, dan terhadap pendedahan Jumlah Deposit Diinsuranskan¹ serta jumlah liabiliti insurans dan takaful² masing-masing.

¹ Jumlah Deposit Diinsuranskan (Total Insured Deposits – TID) yang digambarkan ialah jumlah TID industri pada 31 Disember 2023, selaras dengan penyerahan tahunan TID

² Jumlah liabiliti insurans dan takaful ialah jumlah agregat industri pada 31 Disember 2023, menurut borang pelaporan Rangka Kerja Modal Berasaskan Risiko BNM untuk Penanggung Insurans dan Rangka Kerja Modal Berasaskan Risiko untuk Pengendali Takaful

Lebih Terkumpul dan Tahap Dana



TID: Jumlah Deposit Diinsuranskan
GTL: Liabiliti Takaful Am

LIL: Liabiliti Insurans Hayat
FTL: Liabiliti Takaful Keluarga

GIL: Liabiliti Insurans Am

Sumber: PIDM

Tahap Dana Sasaran bagi Kumpulan Dana Insurans Deposit dan Kumpulan Dana Perlindungan Manfaat Takaful dan Insurans disemak semula setiap tahun bagi memastikan model dan andaian yang digunakan kekal relevan.

Pembiayaan Luaran

Sekiranya Dana Perlindungan yang berkenaan tidak mencukupi untuk memenuhi obligasi kecairan kami, PIDM, sebagai badan berkanun, mempunyai kuasa untuk meningkatkan dana sebagaimana perlu, termasuk menerbitkan sekuriti hutang awam di pasaran modal (pembiayaan pasaran). PIDM juga mempunyai kuasa untuk meminjam daripada Kerajaan atau BNM (pembiayaan Kerajaan).

Ringkasan Rancangan Korporat 2025

Tahun 2025 menandakan satu pencapaian penting kerana ia merupakan ulang tahun PIDM yang ke-20. Dalam fasa terakhir Rancangan Korporat 2023 – 2025 ini, kami meneruskan usaha ke arah merealisasikan kesediaan, di samping mengekalkan komitmen kami terhadap objektif dan pencapaian yang telah digariskan dalam Rancangan Korporat.

Pada tahun 2025, seiring dengan kemajuan inisiatif perancangan resolusi, kami akan mendapatkan maklum balas industri mengenai jangkaan kebolehelesaian bagi memastikan hasil perancangan resolusi yang kukuh dan efektif, khususnya bagi strategi pemindahan (*transfer strategies*). Simposium Resolusi Kebangsaan akan kembali untuk tahun ketiga, mengekalkan komitmen kami dalam memastikan persediaan bagi resolusi dan pengurusan krisis dalam kalangan pihak berkepentingan utama. Pada masa yang sama, dalam memantapkan agenda transformasi digital kami, analitik data akan menjadi tumpuan utama seluruh organisasi ke arah membentuk sebuah organisasi yang dipacu berasaskan data. Di samping itu, meningkatkan keyakinan terhadap sistem perlindungan dan mandat resolusi PIDM kekal sebagai agenda penting.

Pelan kewangan 2025 memperuntukkan bajet sebanyak RM136.8 juta, yang merangkumi perbelanjaan operasi sebanyak RM129.3 juta dan perbelanjaan pembangunan sebanyak RM7.5 juta. Berikut adalah inisiatif korporat utama serta peruntukan bajet bagi tahun 2025.

Tonggak Strategik 1: Merealisasikan Kesediaan Resolusi dan Pengurusan Krisis PIDM

Bidang Keputusan Utama	Inisiatif Korporat Utama	Bajet (RM juta)
KRA 1: (PIDM-Bersedia) – Membolehkan tindakan intervensi dan resolusi yang mantap dan efektif oleh PIDM	- Memperkukuhkan pelaksanaan intervensi dan resolusi - Mempertingkatkan kesediaan resolusi berlandaskan Syariah - Menguji daya tahan melalui latihan simulasi - Mengesahkan keupayaan pembayaran balik	4.6
KRA 2: (Industri-Bersedia) – Memperkukuh kebolehelesaian institusi ahli dan meningkatkan kesediaan penyedia perkhidmatan	- Libat urus dengan industri mengenai pelan resolusi dan penilaian kebolehelesaian - Libat urus dengan pihak berkuasa resolusi asing dan memperkukuh resolusi rentas sempadan - Mempertingkatkan kebolehelesaian kolektif bersama industri - Menggalakkan kebolehelesaian ahli penginsurans	1.9
KRA 3: (Jaringan Keselamatan Kewangan-Bersedia) – Pengaturan pengurusan krisis yang efektif bersama dan antara peserta jaringan keselamatan kewangan	- Mempertingkatkan koordinasi dan kerjasama ketika situasi krisis dalam kalangan peserta jaringan keselamatan kewangan - Meneruskan kerjasama erat dengan peserta jaringan keselamatan kewangan	0.2

Tonggak Strategik 2: Meningkatkan Keyakinan terhadap Sistem Perlindungan dan Mandat Resolusi PIDM

Bidang Keputusan Utama	Inisiatif Korporat Utama	Bajet (RM juta)
KRA 4: (Orang Awam dan Media-Bersedia) – Mengekalkan kesedaran, pemahaman dan advokasi yang kukuh dalam kalangan orang awam dan media	- Memanfaatkan literasi kewangan untuk meningkatkan pemahaman dan advokasi orang awam - Meningkatkan kesedaran dan pemahaman orang awam mengenai peranan PIDM sebagai pihak berkuasa resolusi	4.4
KRA 5: Meningkatkan keberkesanan dan kerelevanan perlindungan serta peranan PIDM selaku pihak berkuasa perlindungan konsumen kewangan	- Menjalankan kajian berterusan terhadap skop dan dasar insurans deposit - Memanfaatkan hubungan antarabangsa untuk menambah baik sistem perlindungan PIDM	1.1

Tonggak Strategik 3: Menjayakan Kesediaan PIDM melalui Keberkesanan Organisasi, Transformasi Digital dan Tadbir Urus Kukuh

Bidang Keputusan Utama	Inisiatif Korporat Utama	Bajet (RM juta)
KRA 6: Memastikan bakat dan keupayaan yang mantap dan memperkukuhkan budaya PIDM	- Memperkukuhkan penglibatan kakitangan dan budaya kerja - Meningkatkan kemahiran kakitangan bagi keperluan masa depan	90.6
KRA 7: Memodenkan infrastruktur, proses dan keselamatan teknologi maklumat PIDM untuk menambah baik kesediaan masa depan untuk melaksanakan mandat kami	- Memodenkan infrastruktur dan proses teknologi maklumat - Mempertingkatkan daya tahan keselamatan siber	10.5
KRA 8: Memanfaatkan aplikasi dan analitik data untuk meningkatkan kesediaan resolusi PIDM	Memperkukuh analitik data – strategi data dan keupayaan teknologi	5.7
KRA 9: Menerapkan aspek alam sekitar, sosial dan tadbir urus (ESG) sebagai hala tuju utama dalam operasi PIDM	- Mengekalkan piawaian tadbir urus yang kukuh - Melaksanakan inisiatif kelestarian dan tanggungjawab sosial korporat - Mempertingkatkan kecekapan operasi dan pentadbiran	17.8

Secara ringkasnya, PIDM akan terus memastikan tahap kesediaan resolusi yang tinggi, baik dalaman mahupun melalui kerjasama dengan pihak berkepentingan luaran utama. PIDM juga akan meneruskan usaha untuk memperkukuh penglibatan, pemahaman dan keyakinan orang awam terhadap sistem perlindungan serta mandat resolusi PIDM.


Sorotan Pelan Kewangan 2025

Pelan Kewangan 2025 secara keseluruhannya menyokong keutamaan dan fokus strategik PIDM seperti yang dinyatakan di halaman 46, serta memastikan kelangsungan operasi harian yang efektif.

Unjuran Pendapatan

Jumlah pendapatan diunjurkan sebanyak RM938.0 juta, terdiri daripada hasil premium dan levi daripada institusi ahli sebanyak RM670.0 juta, dan pendapatan pelaburan dan pulangan daripada kesetaraan tunai serta sekuriti pelaburan sebanyak RM268.0 juta.

Unjuran ini adalah berdasarkan kepada jangkaan kadar hasil pasaran yang sederhana. Kami akan sentiasa memantau persekitaran pelaburan dan makroekonomi semasa dan mengurus portfolio pelaburan kami secara aktif untuk memastikan pelaburan yang optimum.



Pro forma yang menunjukkan unjuran pendapatan serta bajet bagi perbelanjaan operasi dan perbelanjaan pembangunan PIDM bagi tahun 2025 adalah seperti berikut.

Unjuran Pendapatan dan Bajet Perbelanjaan Operasi

	Bajet 2025		Bajet 2024	
	RM'000	%	RM'000	%
Hasil premium dan levi	670,000	71	645,000	74
Pendapatan pelaburan dan pulangan daripada kesetaraan tunai dan sekuriti pelaburan	268,000	29	232,000	26
Jumlah pendapatan	938,000	100	877,000	100
Perbelanjaan pengurusan modal insan	85,355	66	83,500	65
Perbelanjaan operasi dan pentadbiran	21,821	17	22,638	17
Perbelanjaan berkaitan inisiatif	15,010	12	15,182	12
Jumlah perbelanjaan sebelum perbelanjaan bukan tunai	122,186	95	121,320	94
Perbelanjaan bukan tunai	7,100	5	7,400	6
Jumlah perbelanjaan operasi	129,286	100	128,720	100
Lebih bersih bagi tahun semasa	808,714		748,280	

Bajet Perbelanjaan Pembangunan

	Bajet 2025		Bajet 2024	
	RM'000	%	RM'000	%
Perabot, kelengkapan dan ubah suai pejabat	500	7	4,000	60
Sistem komputer dan peralatan pejabat	6,964	93	2,680	40
Jumlah perbelanjaan pembangunan	7,464	100	6,680	100

Bahagian IV

Laporan Kewangan

Laporan Lembaga Pengarah

Pernyataan Pengarah

Akuan Berkanun

Sijil Ketua Audit Negara


Penyata Kedudukan Kewangan

Penyata Keuntungan atau Kerugian dan Pendapatan Komprehensif Lain

Penyata Perubahan dalam Kumpulan Dana dan Rizab

Penyata Aliran Tunai

Nota kepada Penyata Kewangan



Laporan Lembaga Pengarah

Dengan ini, para Pengarah membentangkan laporan mereka berserta penyata kewangan Perbadanan Insurans Deposit Malaysia ("PIDM") yang telah diaudit bagi tahun kewangan berakhir 31 Disember 2024.

Aktiviti Utama

PIDM ialah sebuah badan berkanun yang ditubuhkan untuk mentadbir Sistem Insurans Deposit ("DIS") dan Sistem Perlindungan Manfaat Takaful dan Insurans ("TIPS"). PIDM tertakluk kepada peruntukan Akta Perbadanan Insurans Deposit Malaysia 2011 (seperti yang dipinda) ("Akta PIDM").

DIS menyediakan perlindungan terhadap kehilangan sebahagian atau kesemua deposit yang ditanggung oleh bank ahli manakala TIPS menyediakan perlindungan terhadap kehilangan sebahagian atau kesemua manfaat takaful atau insurans yang ditanggung oleh ahli penginsurans. Selain itu, PIDM juga menyediakan insentif bagi pengurusan risiko yang utuh serta menggalak dan menyumbang kepada kestabilan sistem kewangan. PIDM ialah badan resolusi bagi semua institusi ahli dan mempunyai kuasa intervensi dan resolusi kegagalan yang luas. PIDM juga melaksanakan penilaian dan pemantauan risiko terhadap semua institusi ahli dan bekerja rapat dengan badan kawal selia untuk mengetengahkan dan menangani sebarang perkara berbangkit perihal urusan dan hal ehwal institusi ahli.

Akta PIDM menyediakan perlindungan berasingan bagi:

- i. Deposit Islam dan konvensional; dan
- ii. Manfaat dilindungi yang berkaitan dengan insurans am, insurans hayat, takaful am dan takaful keluarga.

Bagi memastikan tadbir urus yang baik dan mematuhi keperluan Syariah, PIDM menyenggara dan mentadbir dua Dana Perlindungan berasingan bagi deposit Islam dan konvensional yang dikenali sebagai Kumpulan Dana Insurans Deposit ("DIFs") serta empat Dana Perlindungan berasingan bagi setiap segmen urusan dalam Sistem Perlindungan Manfaat Takaful dan Insurans yang dikenali sebagai Kumpulan Dana Perlindungan Manfaat Takaful dan Insurans ("TIPFs"). Tiada percampuran dana di antara Dana Perlindungan yang berasingan tersebut.

Keputusan Kewangan

	2024 RM'000	2023 RM'000
Jumlah Pendapatan Komprehensif bagi tahun kewangan:		
Kumpulan Dana Insurans Deposit	582,757	566,788
Kumpulan Dana Perlindungan Manfaat Takaful dan Insurans	175,095	163,836
	757,852	730,624

Tiada pindahan ketara kepada atau daripada rizab atau peruntukan sepanjang tahun kewangan ini selain daripada yang dinyatakan dalam Penyata Perubahan dalam Kumpulan Dana dan Rizab.

Para Pengarah berpendapat bahawa keputusan operasi PIDM sepanjang tahun kewangan ini tidak terjejas dengan ketara oleh mana-mana item, transaksi atau peristiwa yang bersifat material dan luar biasa.

Keputusan Kewangan (Sambungan)

Jumlah Dana Perlindungan terkumpul pada akhir tahun kewangan ialah:

	2024 RM'000	2023 RM'000
Kumpulan Dana Insurans Deposit:		
Dana Insurans Deposit Konvensional	3,802,006	3,396,257
Dana Insurans Deposit Islam	1,112,967	935,959
Jumlah Kumpulan Dana Insurans Deposit	4,914,973	4,332,216
Kumpulan Dana Perlindungan Manfaat Takaful dan Insurans:		
Dana Perlindungan Insurans Am	1,481,851	1,429,889
Dana Perlindungan Insurans Hayat	771,958	677,448
Dana Perlindungan Takaful Am	54,930	46,207
Dana Perlindungan Takaful Keluarga	132,225	112,325
Jumlah Kumpulan Dana Perlindungan Manfaat Takaful dan Insurans	2,440,964	2,265,869

Para Pengarah

Nama para Pengarah PIDM yang berkhidmat dalam tahun kewangan berakhir 31 Disember 2024 ialah:

Pengerusi Lembaga Pengarah

- Dato Sri (Dr) Zukri bin Samat

Pengarah *ex officio*

1) Ketua Setiausaha Perbendaharaan, Kementerian Kewangan

- Datuk Johan Mahmood Merican¹

2) Gabenor Bank Negara Malaysia

- Dato' Seri Shaik Abdul Rasheed bin Abdul Ghaffour²

Pengarah

- Dato' Nor Eni binti Ismail (meletak jawatan pada 1 November 2024)
- Datuk Dr. Yacob bin Mustafa
- Dato Dr. Nik Ramlah binti Nik Mahmood
- Dato' Dr. Gan Wee Beng
- Puan Gloria Goh Ewe Gim
- Encik Lee Kong Eng

Pengarah *ex officio* adalah Pengarah yang dilantik atas dasar jawatan mereka, menurut subseksyen 11(2) (b) dan (c) Akta PIDM. Ahli-ahli Lembaga Pengarah PIDM selain daripada Pengarah *ex officio* telah dilantik oleh Menteri Kewangan di bawah subseksyen 11(2) Akta PIDM.

Pengarah silih ganti kepada Pengarah *ex officio* telah dilantik di bawah seksyen 11(2B) Akta PIDM. Menurut seksyen 13(3) Akta PIDM, Pengarah silih ganti hendaklah, melainkan tugas itu dibatalkan lebih awal secara bertulis atau jawatan itu tidak lagi wujud, dihentikan dari menjadi Pengarah silih ganti apabila Pengarah prinsipal berhenti dari menjadi ahli Lembaga Pengarah.

¹ Pengarah silih ganti: Encik Abdilllah bin Azizudin
² Pengarah silih ganti: Datuk Jessica Chew Cheng Lian

Manfaat Pengarah

Tidak wujud pada akhir tahun kewangan, mahupun sepanjang tahun kewangan, sebarang pengaturan yang melibatkan PIDM, di mana para Pengarah berkemungkinan menerima apa-apa manfaat menerusi perolehan saham atau debentur mana-mana badan korporat yang lain.

Sejak akhir tahun kewangan yang lepas, tiada Pengarah yang telah menerima atau layak untuk menerima manfaat (selain daripada manfaat yang termasuk dalam jumlah agregat daripada emolumen diterima atau berbayar kepada para Pengarah, seperti mana dinyatakan di Nota 16 kepada penyata kewangan) atas sebab kontrak yang dibuat oleh PIDM atau perbadanan berkaitan dengan Pengarah atau dengan firma yang mana Pengarah itu ialah seorang ahli atau dengan syarikat yang mana Pengarah itu memegang kepentingan kewangan yang ketara.

Penjelasan Nilai dan Kaedah Penilaian

Sebelum Penyata Keuntungan atau Kerugian dan Pendapatan Komprehensif Lain serta Penyata Kedudukan Kewangan disediakan, para Pengarah telah berpuas hati bahawa pihak Pengurusan telah mengambil langkah-langkah sewajarnya bagi memastikan penjelasan nilai yang ketara perlu dibuat, dan para Pengarah juga tidak mengetahui akan apa-apa keadaan yang memerlukan penjelasan nilai yang perlu dibuat. Pada tarikh laporan ini, para Pengarah tidak mengetahui sebarang keadaan lain yang akan memerlukan sebarang penjelasan nilai dalam penyata kewangan PIDM.

Para Pengarah juga telah berpuas hati bahawa pihak Pengurusan telah mengambil langkah-langkah yang munasabah bagi menentukan nilai-nilai aset dan liabiliti yang dinyatakan di dalam penyata kewangan PIDM. Pada tarikh laporan ini, para Pengarah tidak mengetahui sebarang keadaan yang berbangkit yang boleh menyebabkan pematuhan kepada kaedah penilaian aset atau liabiliti sedia ada di dalam akaun PIDM mengelirukan atau tidak sesuai.

Perubahan Keadaan

Pada tarikh laporan ini, para Pengarah tidak mengetahui sebarang keadaan yang tidak diambil kira di dalam laporan ini atau penyata kewangan PIDM yang akan menyebabkan sebarang jumlah yang dinyatakan di dalam penyata kewangan ini mengelirukan.

Perkara Yang Bersifat Luar Biasa

Tidak timbul dalam selang antara akhir tahun kewangan dan tarikh laporan ini, sebarang perkara, urusan niaga atau peristiwa yang penting dan luar biasa, yang berkemungkinan besar menjejaskan keputusan operasi PIDM bagi tahun kewangan semasa ketika laporan ini dibuat.

Pada tarikh laporan ini, tiada sebarang caj ke atas aset PIDM yang timbul sejak akhir tahun kewangan yang menjamin liabiliti mana-mana orang lain.

Liabiliti Luar Jangka

Pendedahan kepada kerugian dalam mengendali Sistem Perlindungan

Di bawah Akta PIDM, PIDM terdedah kepada kerugian akibat menginsuranskan deposit di bawah DIS serta polisi insurans dan sijil takaful di bawah TIPS. Bagaimanapun, pendedahan ini tidak boleh ditentukan atau dianggarkan dengan sebarang kadar penerimaan yang boleh diyakini.

Pada tarikh penyata kewangan, tiada peristiwa khusus yang melibatkan institusi ahli PIDM yang memerlukan PIDM merekodkan peruntukan khusus dalam penyata kewangannya selaras dengan Piawaian Pelaporan Kewangan Malaysia (*Malaysian Financial Reporting Standards - "MFRS"*) 137 Provisions, Contingent Liabilities and Contingent Assets.

Liabiliti Luar Jangka (Sambungan)

Pendedahan kepada kerugian dalam mengendali Sistem Perlindungan (Sambungan)

Sebagai sebahagian daripada mandatnya, PIDM melaksanakan penilaian dan pemantauan risiko terhadap semua institusi ahli dan bekerja rapat dengan badan kawal selia untuk mengetengahkan dan menangani sebarang perkara berbangkit perihal urusan dan hal ehwal institusi ahli. Jika suatu institusi ahli dianggap tidak berdaya maju oleh badan kawal selia, PIDM diberi mandat dan mempunyai kuasa yang perlu untuk campur tangan dan menyelesaikan institusi ahli dengan cara yang meminimumkan kos kepada sistem kewangan.

Meskipun peruntukan tidak dicatatkan melainkan kejadian tertentu berlaku, PIDM terus meningkatkan rizab di dalam setiap Dana Perlindungan menerusi pengumpulan lebih bersih tahunan.

Lebih terkumpul disimpan di dalam setiap Dana Perlindungan bagi memenuhi obligasi untuk menampung kerugian bersih apabila berlaku. Seperti yang dibincangkan dalam Nota 12 kepada penyata kewangan, PIDM telah menubuhkan rangka kerja Dana Sasaran bagi DIFs dan TIPFs untuk menentukan tahap dana yang mencukupi bagi memenuhi kerugian bersih yang dijangka daripada aktiviti-aktiviti intervensi atau resolusi kegagalan.

Sekiranya sesuatu Dana Perlindungan tersebut tidak mencukupi bagi memenuhi obligasinya, PIDM, sebagai sebuah badan berkanun mempunyai kuasa untuk membangunkan dana mengikut apa-apa cara yang difikirkan patut, termasuk meminjam daripada Kerajaan atau menerbitkan sekuriti hutang awam bagi mengumpul dana serta mentaksir dan mengenakan premium yang lebih tinggi dengan kelulusan Menteri Kewangan.

Lain-lain liabiliti luar jangka

Berdasarkan pernyataan yang dibuat oleh pihak Pengurusan, para Pengarah berpendapat bahawa selain daripada hal ehwal yang dibincangkan di atas, tidak wujud:

- (i) sebarang liabiliti luar jangka selepas berakhirnya tahun kewangan; dan
- (ii) sebarang liabiliti luar jangka atau liabiliti lain yang telah berkuat kuasa atau berkemungkinan akan berkuat kuasa dalam tempoh 12 bulan selepas berakhir tahun kewangan ini, yang akan atau mungkin menjejaskan keupayaan PIDM untuk memenuhi obligasinya apabila tiba masanya.

Pelaburan dalam Subsidiari

Selaras dengan mandat PIDM serta menurut peruntukan seksyen 10 Akta PIDM, PIDM telah memperbadankan lima subsidiari sebagai entiti bertujuan khas untuk melaksanakan aktiviti-aktiviti khusus berkenaan intervensi atau resolusi kegagalan apabila perlu. Subsidiari tersebut diperbadankan awal sebagai sebahagian daripada kesediaan operasi PIDM sebelum berlakunya sebarang kegagalan institusi ahli, dan oleh itu akan kekal dormant sehingga diaktifkan untuk pelaksanaan aktiviti intervensi atau resolusi kegagalan yang perlu. Asas perakaunan serta butiran subsidiari-subsidiari diuraikan dengan lanjut di Nota 2.2(b), Nota 3.1(a) dan Nota 7 kepada penyata kewangan.

Tanggungjawab bagi Penyediaan Penyata Kewangan

Dalam memberikan pendapat berhubung penyata kewangan, para Pengarah telah bergantung kepada pernyataan Pengurusan mengenai proses dan sistem kawalan dalaman serta fungsi audit dalaman dan luaran yang direka bagi memastikan bahawa:

- (i) penyata kewangan PIDM telah disediakan mengikut Akta PIDM dan MFRS dan mematuhi Piawaian Laporan Kewangan Antarabangsa (*International Financial Reporting Standards – "IFRS"*) yang berkenaan, supaya dapat memberikan gambaran yang benar dan saksama mengenai kedudukan kewangan PIDM pada 31 Disember 2024, hasil operasi dan aliran tunainya bagi tahun berakhir pada tarikh tersebut; dan
- (ii) Dana Insurans Deposit Islam serta Dana-dana Perlindungan Takaful disenggara dan ditadbir mengikut keperluan Syariah, seperti yang digariskan di dalam Akta PIDM.


Juruaudit

Menurut Akta PIDM, akaun PIDM diaudit oleh Ketua Audit Negara Malaysia.

Ditandatangani bagi pihak Lembaga Pengarah mengikut resolusi yang telah diluluskan oleh para Pengarah



Dato Sri (Dr) Zukri bin Samat
Pengerusi Lembaga Pengarah



Puan Gloria Goh Ewe Gim
Pengerusi Jawatankuasa Audit

Kuala Lumpur, Malaysia
26 Februari 2025


Pernyataan Pengarah

Kami, Dato Sri (Dr) Zukri bin Samat dan Gloria Goh Ewe Gim, dua daripada Pengarah Perbadanan Insurans Deposit Malaysia ("PIDM"), dengan ini menyatakan bahawa, pada pendapat para Pengarah, penyata kewangan telah disediakan dan dibentangkan mengikut Akta Perbadanan Insurans Deposit Malaysia 2011 (seperti yang dipinda) ("Akta PIDM") dan Piawaian Pelaporan Kewangan Malaysia (Malaysian Financial Reporting Standards - "MFRS") dan mematuhi Piawaian Pelaporan Kewangan Antarabangsa (International Financial Reporting Standards - "IFRS") yang berkenaan, supaya dapat memberikan gambaran yang benar dan saksama mengenai hal ehwal PIDM pada 31 Disember 2024, hasil operasi dan aliran tunai bagi tahun berakhir pada tarikh tersebut. Para Pengarah juga berpendapat bahawa Dana Insurans Deposit Islam serta Dana-dana Perlindungan Takaful disenggara dan ditadbir mengikut keperluan Syariah seperti yang digariskan di dalam Akta PIDM.

Ditandatangani bagi pihak Lembaga Pengarah mengikut resolusi yang telah diluluskan oleh para Pengarah



Dato Sri (Dr) Zukri bin Samat
Pengerusi Lembaga Pengarah



Puan Gloria Goh Ewe Gim
Pengerusi Jawatankuasa Audit

Kuala Lumpur, Malaysia
26 Februari 2025

Akuan Berkanun

oleh Pihak Pengurusan Berhubung Tanggungjawab Pelaporan Kewangan

Penyediaan penyata kewangan Perbadanan Insurans Deposit Malaysia ("PIDM") dan maklumat berhubung penyata kewangan ini adalah tanggungjawab pihak Pengurusan. Penyata kewangan ini telah disediakan mengikut Akta Perbadanan Insurans Deposit Malaysia 2011 (seperti yang dipinda) ("Akta PIDM") dan Piawaian Pelaporan Kewangan Malaysia (Malaysian Financial Reporting Standards – "MFRS") dan mematuhi Piawaian Pelaporan Kewangan Antarabangsa (International Financial Reporting Standards – "IFRS") yang berkenaan, supaya dapat memberikan gambaran yang benar dan saksama mengenai kedudukan kewangan PIDM pada 31 Disember 2024, hasil operasi dan aliran tunainya bagi tahun berakhir pada tarikh tersebut. Dana Insurans Deposit Islam serta Dana-dana Perlindungan Takaful disenggara dan ditadbir mengikut keperluan Syariah seperti yang digariskan di dalam Akta PIDM.

Dalam melaksanakan tanggungjawabnya bagi memastikan integriti dan kesaksamaan penyata kewangan, pihak Pengurusan menyenggara sistem kawalan dan amalan kewangan dan pengurusan. Kepatuhan kepada sistem kawalan dan amalan disahkan oleh fungsi audit dalaman yang bebas yang direka untuk memberi jaminan yang munasabah bahawa transaksi telah diluluskan dengan sewajarnya, aset adalah dilindungi dan rekod disenggarakan dengan teratur mengikut Akta PIDM serta Akta Badan Berkanun (Akaun dan Laporan Tahunan) 1980.

Penyata kewangan ini telah diaudit dengan sewajarnya oleh Ketua Audit Negara Malaysia dan hasil pengauditan telah diambil maklum dengan sewajarnya oleh pihak Pengurusan. Juruaudit mempunyai akses kepada semua dokumen dan rekod PIDM semasa melaksanakan audit. Juruaudit juga mempunyai akses kepada Jawatankuasa Audit Lembaga Pengarah yang menyelia tanggungjawab pihak Pengurusan dalam menyenggara sistem kawalan dan kualiti pelaporan kewangan yang mencukupi serta mengesyorkan penyata kewangan ini kepada Lembaga Pengarah.

Penyata kewangan telah dipertimbangkan dan diluluskan oleh Lembaga Pengarah melalui resolusi yang telah diluluskan pada 26 Februari 2025.

Kami, Rafiz Azuan bin Abdullah dan Wan Ahmad Ikram bin Wan Ahmad Lotfi, dua pegawai utama yang bertanggungjawab bagi pengurusan kewangan PIDM, dengan sesungguhnya dan tulus ikhlas mengaku bahawa penyata kewangan yang dibentangkan, dengan sebaik-baik pengetahuan dan kepercayaan kami adalah betul dan kami membuat pengakuan ini dengan berhemat dan penuh kepercayaan bahawa ia adalah benar dan menurut peruntukan Akta Akuan Berkanun 1960.

Ditandatangani dan diakui sesungguhnya oleh penama yang dinyatakan di atas di Kuala Lumpur pada 26 Februari 2025



Rafiz Azuan bin Abdullah
Ketua Pegawai Eksekutif



Di hadapan saya
Pesuruhjaya Sumpah




Wan Ahmad Ikram bin Wan Ahmad Lotfi
Naib Presiden Eksekutif
CA (M) 24850

Level 25, Menara Hong Leong,
No. 6, Jalan Damanlela Bukit Damansara
50490 Kuala Lumpur.

Sijil Ketua Audit Negara



SIJIL KETUA AUDIT NEGARA MENGENAI PENYATA KEWANGAN PERBADANAN INSURANS DEPOSIT MALAYSIA BAGI TAHUN BERAKHIR 31 DISEMBER 2024

Sijil Mengenai Pengauditan Penyata Kewangan

Pendapat

Saya telah mengaudit Penyata Kewangan Perbadanan Insurans Deposit Malaysia. Penyata kewangan tersebut merangkumi Penyata Kedudukan Kewangan pada 31 Disember 2024 Perbadanan Insurans Deposit Malaysia dan Penyata Keuntungan atau Kerugian dan Pendapatan Komprehensif Lain, Penyata Perubahan Dalam Kumpulan Dana dan Rizab serta Penyata Aliran Tunai bagi tahun berakhir pada tarikh tersebut dan nota kepada penyata kewangan termasuklah ringkasan polisi perakaunan yang material seperti yang dinyatakan pada muka surat 1 hingga 97.

Pada pendapat saya, penyata kewangan ini memberikan gambaran yang benar dan saksama mengenai kedudukan kewangan Perbadanan Insurans Deposit Malaysia pada 31 Disember 2024 dan prestasi kewangan serta aliran tunai bagi tahun berakhir pada tarikh tersebut selaras dengan Piawaian Pelaporan Kewangan Malaysia (MFRS), Piawaian Pelaporan Kewangan Antarabangsa (IFRS) dan keperluan Akta Perbadanan Insurans Deposit Malaysia 2011 [Akta 720].

Asas Kepada Pendapat

Pengauditan telah dilaksanakan berdasarkan Akta Audit 1957 dan International Standards of Supreme Audit Institutions. Tanggungjawab saya dikehendaki selanjutnya di perenggan Tanggungjawab Juruaudit Terhadap Pengauditan Penyata Kewangan dalam sijil ini. Saya percaya bahawa bukti audit yang diperoleh adalah mencukupi dan bersesuaian untuk dijadikan asas kepada pendapat saya.

Sijil Ketua Audit Negara

Kebebasan dan Tanggungjawab Etika Lain

Saya adalah bebas daripada Perbadanan Insurans Deposit Malaysia dan telah memenuhi tanggungjawab etika lain berdasarkan International Standards of Supreme Audit Institutions.

Maklumat Lain Selain Daripada Penyata Kewangan dan Sijil Juruaudit Mengenainya

Lembaga Pengarah, Perbadanan Insurans Deposit Malaysia bertanggungjawab terhadap maklumat lain dalam Laporan Tahunan. Pendapat saya terhadap Penyata Kewangan Perbadanan Insurans Deposit Malaysia tidak meliputi maklumat lain selain daripada penyata kewangan dan Sijil Juruaudit mengenainya dan saya tidak menyatakan sebarang bentuk kesimpulan jaminan mengenainya.

Tanggungjawab Lembaga Pengarah Terhadap Penyata Kewangan

Lembaga Pengarah bertanggungjawab terhadap penyediaan Penyata Kewangan Perbadanan Insurans Deposit Malaysia yang memberi gambaran benar dan saksama selaras dengan Piawaian Pelaporan Kewangan Malaysia (MFRS), Piawaian Pelaporan Kewangan Antarabangsa (IFRS) dan keperluan Akta Perbadanan Insurans Deposit Malaysia 2011 [Akta 720]. Lembaga Pengarah juga bertanggungjawab terhadap penetapan kawalan dalaman yang perlu bagi membolehkan penyediaan Penyata Kewangan Perbadanan Insurans Deposit Malaysia yang bebas daripada salah nyata yang ketara, sama ada disebabkan fraud atau kesilapan.

Semasa penyediaan Penyata Kewangan Perbadanan Insurans Deposit Malaysia, Lembaga Pengarah bertanggungjawab untuk menilai keupayaan Perbadanan Insurans Deposit Malaysia untuk beroperasi sebagai satu usaha berterusan, mendedahkannya jika berkaitan serta menggunakannya sebagai asas perakaunan.

Tanggungjawab Juruaudit Terhadap Pengauditan Penyata Kewangan

Objektif saya adalah untuk memperoleh keyakinan yang munasabah sama ada Penyata Kewangan Perbadanan Insurans Deposit Malaysia secara keseluruhannya adalah bebas daripada salah nyata yang ketara, sama ada disebabkan fraud atau kesilapan, dan mengeluarkan Sijil Juruaudit yang merangkumi pendapat saya. Jaminan yang munasabah adalah satu tahap jaminan yang tinggi, tetapi bukan satu jaminan bahawa audit yang dijalankan mengikut International Standards of Supreme Audit Institutions akan sentiasa mengesan salah nyata yang ketara apabila ia wujud. Salah nyata boleh wujud daripada fraud atau kesilapan dan dianggap ketara sama ada secara individu atau agregat sekiranya boleh dijangkakan dengan munasabah untuk mempengaruhi keputusan ekonomi yang dibuat oleh pengguna berdasarkan penyata kewangan ini.

Sijil Ketua Audit Negara

Sebagai sebahagian daripada pengauditan mengikut International Standards of Supreme Audit Institutions, saya menggunakan pertimbangan profesional dan mengekalkan keraguan profesional sepanjang pengauditan. Saya juga:

- a. mengenal pasti dan menilai risiko salah nyata ketara dalam Penyata Kewangan Perbadanan Insurans Deposit Malaysia, sama ada disebabkan fraud atau kesilapan, merangka dan melaksanakan prosedur audit yang responsif terhadap risiko berkenaan serta mendapatkan bukti audit yang mencukupi dan bersesuaian untuk memberikan asas kepada pendapat saya. Risiko untuk tidak mengesan salah nyata ketara akibat daripada fraud adalah lebih tinggi daripada kesilapan kerana fraud mungkin melibatkan pakatan, pemalsuan, ketinggalan yang disengajakan, representasi yang salah, atau mengatasi kawalan dalaman;
- b. memahami kawalan dalaman yang relevan untuk merangka prosedur audit yang bersesuaian tetapi bukan untuk menyatakan pendapat mengenai keberkesanan kawalan dalaman Perbadanan Insurans Deposit Malaysia;
- c. menilai kesesuaian dasar perakaunan yang diguna pakai, kemunasabahan anggaran perakaunan dan pendedahan yang berkaitan oleh Lembaga Pengarah;
- d. membuat kesimpulan terhadap kesesuaian penggunaan asas perakaunan untuk usaha berterusan oleh Lembaga Pengarah dan berdasarkan bukti audit yang diperoleh, sama ada wujudnya ketidakpastian ketara yang berkaitan dengan peristiwa atau keadaan yang mungkin menimbulkan keraguan yang signifikan terhadap keupayaan Perbadanan Insurans Deposit Malaysia sebagai satu usaha berterusan. Jika saya membuat kesimpulan bahawa ketidakpastian ketara wujud, saya perlu melaporkan dalam Sijil Juruaudit terhadap pendedahan yang berkaitan dalam Penyata Kewangan Perbadanan Insurans Deposit Malaysia atau, jika pendedahan tersebut tidak mencukupi, pendapat saya akan diubah. Kesimpulan saya dibuat berdasarkan bukti audit yang diperoleh sehingga tarikh Sijil Juruaudit. Bagaimanapun, peristiwa atau keadaan pada masa hadapan berkemungkinan menyebabkan Perbadanan Insurans Deposit Malaysia tidak lagi berupaya meneruskan operasi secara usaha berterusan; dan
- e. menilai persembahan secara keseluruhan, struktur dan kandungan Penyata Kewangan Perbadanan Insurans Deposit Malaysia, termasuk pendedahannya, dan sama ada penyata kewangan tersebut telah melaporkan asas-asas urus niaga dan peristiwa-peristiwa yang memberikan gambaran saksama.


Lembaga Pengarah telah dimaklumkan, antaranya mengenai skop dan tempoh pengauditan yang dirancang serta penemuan audit yang signifikan termasuk kelemahan kawalan dalaman yang dikenal pasti semasa pengauditan.

Sijil Ketua Audit Negara

Saya juga telah memaklumkan Lembaga Pengarah bahawa saya telah mematuhi keperluan etika yang berkaitan dengan kebebasan, dan telah memaklumkan semua hubungan dan hal-hal lain yang berkemungkinan menjejaskan kebebasan dan langkah pencegahan yang bersesuaian, sekiranya berkaitan.

Hal-hal Lain

Sijil ini dibuat untuk Lembaga Pengarah, Perbadanan Insurans Deposit Malaysia berdasarkan keperluan Akta Perbadanan Insurans Deposit Malaysia 2011 [Akta 720] dan bukan untuk tujuan lain. Saya tidak bertanggungjawab terhadap pihak lain bagi kandungan sijil ini.



(DATO' SERI WAN SURAYA BINTI WAN MOHD RADZI)
KETUA AUDIT NEGARA
MALAYSIA

PUTRAJAYA
14 MAC 2025



Penyata Kedudukan Kewangan

Pada 31 Disember

	Nota	2024 RM'000	2023 RM'000
ASET			
Tunai dan kesetaraan tunai	4a	108,604	103,144
Pelaburan	5	7,152,989	6,410,229
Aset lain	6	77,441	68,190
Pelaburan dalam subsidiari-subsidiari	7	—*	—*
Hartanah dan peralatan	8	32,215	30,866
Aset berkaitan hak penggunaan	9	8,951	8,699
Jumlah Aset		7,380,200	6,621,128
LIABILITI			
Akaun belum bayar	11	14,303	13,518
Liabiliti pajakan	10	9,960	9,525
Jumlah Liabiliti		24,263	23,043
KUMPULAN DANA DAN RIZAB			
Kumpulan Dana Insurans Deposit <i>Lebihan terkumpul</i>	12a	4,914,973	4,332,216
Kumpulan Dana Perlindungan Manfaat Takaful dan Insurans <i>Lebihan terkumpul</i>	12b	2,440,964	2,265,869
Jumlah Kumpulan Dana dan Rizab		7,355,937	6,598,085
Jumlah Liabiliti, Kumpulan Dana dan Rizab		7,380,200	6,621,128

* Amaun tersebut adalah di bawah ambang nilai bundaran. Rujuk Nota 7 untuk butiran lanjut.

Penyata Keuntungan atau Kerugian dan Pendapatan Komprehensif Lain

Bagi Tahun Kewangan Berakhir 31 Disember

	Nota	2024 RM'000	2023 RM'000
Hasil premium dan levi	13	625,530	643,390
Pendapatan pelaburan dan pulangan daripada kesetaraan tunai dan sekuriti pelaburan	14	252,612	198,936
Pendapatan lain		43	63
Jumlah pendapatan		878,185	842,389
Perbelanjaan pengurusan modal insan	15	82,118	77,934
Perbelanjaan operasi dan pentadbiran	16	24,645	22,655
Perbelanjaan berkaitan inisiatif	17	13,077	11,035
Jumlah perbelanjaan		119,840	111,624
Lebih bersih bagi tahun semasa		758,345	730,765
Pendapatan komprehensif lain			
Pengukuran semula Liabiliti Rancangan Persaraan Jangka Panjang	11ii	(493)	(141)
Jumlah pendapatan komprehensif bagi tahun semasa	21	757,852	730,624

Nota-nota yang dilampirkan adalah sebahagian daripada penyata kewangan

Penyata Perubahan dalam Kumpulan Dana dan Rizab

Bagi Tahun Kewangan Berakhir 31 Disember

Kumpulan Dana Insurans Deposit

	Nota	Dana Insurans Deposit Konvensional RM'000	Dana Insurans Deposit Islam RM'000	Jumlah Kumpulan Dana dan Rizab RM'000
--	------	---	------------------------------------	---------------------------------------

Lebihan terkumpul

Pada 1 Januari 2023	12a	2,991,960	773,468	3,765,428
Jumlah pendapatan komprehensif bagi tahun semasa		404,297	162,491	566,788
Pada 31 Disember 2023	12a	3,396,257	935,959	4,332,216

Pada 1 Januari 2024	12a	3,396,257	935,959	4,332,216
Jumlah pendapatan komprehensif bagi tahun semasa		405,749	177,008	582,757
Pada 31 Disember 2024	12a	3,802,006	1,112,967	4,914,973

Kumpulan Dana Perlindungan Manfaat Takaful dan Insurans

	Nota	Dana Perlindungan Insurans Am RM'000	Dana Perlindungan Insurans Hayat RM'000	Dana Perlindungan Takaful Am RM'000	Dana Perlindungan Takaful Keluarga RM'000	Jumlah Kumpulan Dana dan Rizab RM'000
--	------	--------------------------------------	---	-------------------------------------	---	---------------------------------------

Lebihan terkumpul

Pada 1 Januari 2023	12b	1,386,739	580,767	39,099	95,428	2,102,033
Jumlah pendapatan komprehensif bagi tahun semasa		43,150	96,681	7,108	16,897	163,836
Pada 31 Disember 2023	12b	1,429,889	677,448	46,207	112,325	2,265,869

Pada 1 Januari 2024	12b	1,429,889	677,448	46,207	112,325	2,265,869
Jumlah pendapatan komprehensif bagi tahun semasa		51,962	94,510	8,723	19,900	175,095
Pada 31 Disember 2024	12b	1,481,851	771,958	54,930	132,225	2,440,964

Nota-nota yang dilampirkan adalah sebahagian daripada penyata kewangan

Penyata Aliran Tunai

Bagi Tahun Kewangan Berakhir 31 Disember

	Nota	2024 RM'000	2023 RM'000
ALIRAN TUNAI DARIPADA AKTIVITI OPERASI			
Penerimaan premium dan levi daripada institusi ahli		625,530	643,390
Pembayaran operasi semasa kepada pembekal dan kakitangan		(108,721)	(104,136)
Penerimaan pendapatan pelaburan dan pulangan		279,317	248,135
Aliran tunai bersih dijana daripada aktiviti operasi		796,126	787,389
ALIRAN TUNAI DARIPADA AKTIVITI PELABURAN			
Hasil daripada kematangan sekuriti pelaburan		1,194,280	2,365,560
Pembelian sekuriti pelaburan		(1,972,971)	(3,106,407)
Hasil daripada pelupusan hartanah dan peralatan		4	65
Pembelian hartanah dan peralatan		(6,908)	(7,434)
Aliran tunai bersih digunakan dalam aktiviti pelaburan		(785,595)	(748,216)
ALIRAN TUNAI DARIPADA AKTIVITI KEWANGAN			
Pembayaran balik prinsipal liabiliti pajakan	10	(4,657)	(4,195)
Kos kewangan pajakan	9b	(414)	(397)
Aliran tunai bersih digunakan dalam aktiviti kewangan		(5,071)	(4,592)
Peningkatan bersih dalam tunai dan kesetaraan tunai			
Tunai dan kesetaraan tunai pada awal tahun		103,144	68,563
Tunai dan kesetaraan tunai pada akhir tahun	4a	108,604	103,144

Nota: Penyata Aliran Tunai yang disediakan dengan menggunakan kaedah tidak langsung dibentangkan dalam Nota 4(b) kepada penyata kewangan.

Nota kepada Penyata Kewangan

31 Disember 2024

1. Aktiviti Utama

Perbadanan Insurans Deposit Malaysia ("PIDM") ialah sebuah badan berkanun yang ditubuhkan untuk mentadbir Sistem Insurans Deposit (*Deposit Insurance System – "DIS"*) dan Sistem Perlindungan Manfaat Takaful dan Insurans (*Takaful and Insurance Benefits Protection System – "TIPS"*). PIDM tertakluk kepada peruntukan Akta Perbadanan Insurans Deposit Malaysia 2011 (seperti yang dipinda) ("Akta PIDM").

DIS menyediakan perlindungan terhadap kehilangan sebahagian atau kesemua deposit yang ditanggung oleh bank ahli manakala TIPS menyediakan perlindungan terhadap kehilangan sebahagian atau kesemua manfaat takaful atau insurans yang ditanggung oleh ahli penginsurans. Selain itu, PIDM juga menyediakan insentif bagi pengurusan risiko yang utuh serta menggalak dan menyumbang kepada kestabilan sistem kewangan. PIDM ialah badan resolusi bagi semua institusi ahli dan mempunyai kuasa intervensi dan resolusi kegagalan yang luas. PIDM juga melaksanakan penilaian dan pemantauan risiko terhadap semua institusi ahli dan bekerja rapat dengan badan kawal selia untuk mengetengahkan dan menangani sebarang perkara berbangkit perihal urusan dan hal ehwal institusi ahli.

Akta PIDM menyediakan perlindungan berasingan bagi:

- i. Deposit Islam dan konvensional; dan
- ii. Manfaat dilindungi yang berkaitan dengan insurans am, insurans hayat, takaful am dan takaful keluarga.

Bagi memastikan tadbir urus yang baik dan mematuhi keperluan Syariah, PIDM menyenggara dan mentadbir dua Dana Perlindungan berasingan bagi deposit Islam dan konvensional yang dikenali sebagai Kumpulan Dana Insurans Deposit (*Deposit Insurance Funds – "DIFs"*) serta empat Dana Perlindungan berasingan bagi setiap segmen urusan dalam TIPS yang dikenali sebagai Kumpulan Dana Perlindungan Manfaat Takaful dan Insurans (*Takaful and Insurance Benefits Protection Funds – "TIPFs"*). Tiada percampuran dana di antara Dana Perlindungan berasingan tersebut.

Tiada sebarang perubahan ketara berlaku terhadap aktiviti utama sepanjang tahun kewangan semasa.

Alamat pejabat PIDM ialah Aras 9, Bangunan AICB, 10, Jalan Dato' Onn, 50480, Kuala Lumpur.

Lembaga Pengarah telah meluluskan penyata kewangan ini melalui resolusinya pada 26 Februari 2025.

2. Polisi Perakaunan

2.1 Asas penyediaan

Penyata kewangan PIDM telah disediakan mengikut Akta PIDM dan Piawaian Pelaporan Kewangan Malaysia (*Malaysian Financial Reporting Standards – "MFRS"*) yang berkaitan. Penyata kewangan ini juga mematuhi Piawaian Laporan Kewangan Antarabangsa (*International Financial Reporting Standards – "IFRS"*) yang dikeluarkan oleh Lembaga Piawaian Perakaunan Antarabangsa (*International Accounting Standards Board – "IASB"*).

Asas-asas pengukuran yang diguna pakai, dan polisi perakaunan yang digunakan bagi penyediaan penyata kewangan diterangkan di dalam Nota 2.2. Penilaian dan anggaran perakaunan ketara diterangkan di dalam Nota 3.

Penyata kewangan ini merangkumi aktiviti berhubung pentadbiran kedua-dua DIFs dan TIPFs oleh PIDM. Kumpulan Dana Perlindungan Islam disenggara dan ditadbir menurut keperluan Syariah dan mematuhi Akta PIDM.

PIDM membentangkan Penyata Kedudukan Kewangan mengikut urutan kecairan. Aset kewangan dan liabiliti kewangan diimbangi dan amaun bersih dilaporkan di dalam Penyata Kedudukan Kewangan hanya apabila terdapat hak yang boleh dikuatkuasakan untuk mengimbangi jumlah yang diiktirafkan serta terdapat tujuan untuk menyelesaikannya pada asas bersih, atau merealisasikan aset dan menyelesaikan liabiliti secara serentak. Pendapatan dan perbelanjaan tidak akan diimbangi dalam Penyata Keuntungan atau Kerugian dan Pendapatan Komprehensif Lain melainkan jika dikehendaki atau dibenarkan oleh mana-mana piawaian perakaunan atau tafsiran, dan seperti yang dinyatakan secara khusus di dalam polisi perakaunan PIDM.

2. Polisi Perakaunan (Sambungan)

2.1 Asas penyediaan (sambungan)

Penyata kewangan dibentangkan dalam Ringgit Malaysia ("RM") dan semua nilai dibundarkan kepada ribu yang terdekat ("RM'000"), kecuali jika dinyatakan sebaliknya.

2.2 Ringkasan polisi perakaunan

(a) Instrumen kewangan

Instrumen kewangan diiktiraf di dalam Penyata Kedudukan Kewangan apabila PIDM menjadi pihak yang terikat kepada peruntukan kontrak instrumen kewangan tersebut.

Kaedah pengukuran

Kos terlunas dan kadar efektif bagi faedah atau kadar pulangan

Kos terlunas ialah amaun di mana aset kewangan atau liabiliti kewangan diukur ketika pengiktirafan awal, yang telah ditolak pembayaran balik prinsipal, serta dicampur atau ditolak pelunasan terkumpul yang dikira menggunakan kaedah kadar efektif bagi faedah atau pulangan untuk perbezaan di antara amaun permulaan dan amaun kematangan. Juga, bagi aset kewangan, ianya diselaraskan bagi sebarang peruntukan kerugian. Amaun bawaan kasar suatu aset kewangan adalah kos terlunas suatu aset kewangan sebelum diselaraskan bagi sebarang peruntukan kerugian.

Kaedah kadar efektif bagi faedah atau kadar pulangan ialah satu kaedah untuk mengira kos terlunas suatu instrumen hutang dan memperuntukkan pendapatan faedah atau pulangan sepanjang tempoh yang berkaitan. Kadar efektif bagi faedah atau kadar pulangan ialah kadar sebenar yang mendiskaun penerimaan atau pembayaran tunai masa hadapan sepanjang jangkaan tempoh hayat aset kewangan atau liabiliti kewangan terhadap amaun bawaan kasar suatu aset kewangan (iaitu kos terlunasnya sebelum sebarang peruntukan penjejasan nilai) atau terhadap kos terlunas suatu liabiliti kewangan. Pengiraan tersebut tidak mengambil kira jangkaan kerugian kredit, dan termasuk kos urus niaga, premium atau diskaun dan yuran serta perkara lain yang dibayar atau diterima yang ketara terhadap kadar efektif bagi faedah atau kadar pulangan, seperti yuran permulaan. Bagi aset kewangan yang dibeli atau asalnya terjejas kredit ("POCI") iaitu aset kewangan yang terjejas kredit ketika pengiktirafan awal, PIDM mengira kadar efektif bagi faedah atau kadar pulangan yang diselaraskan kredit, yang berdasarkan kos terlunas aset kewangan tersebut dan bukan amaun bawaan kasarnya, dan yang telah mengambil kira impak jangkaan kerugian kredit bagi anggaran aliran tunai masa hadapan.

Pendapatan faedah atau pulangan yang diperoleh

Pendapatan faedah atau pulangan yang diperoleh dikira berdasarkan kadar efektif bagi faedah atau pulangan terhadap amaun bawaan kasar aset kewangan, kecuali bagi:

- aset kewangan POCI, yang mana kadar efektif asal bagi faedah atau pulangan yang telah diselaras kredit digunakan terhadap kos terlunas aset kewangan; atau
- aset kewangan yang bukan POCI tetapi kemudiannya menjadi terjejas kredit [atau dikenali sebagai Peringkat 3 (rujuk kepada Penjejasan nilai aset kewangan)], di mana pendapatan faedah atau pulangan yang diperoleh dikira berdasarkan kadar efektif bagi faedah atau pulangan terhadap kos terlunas berkenaan (iaitu selepas ditolak peruntukan bagi jangkaan kerugian kredit).

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Nilai saksama instrumen kewangan

Nilai saksama ialah harga yang akan diterima untuk menjual suatu aset kewangan atau dibayar untuk memindahkan liabiliti kewangan dalam urus niaga teratur antara peserta pasaran pada tarikh pengukuran nilai. Pengukuran nilai saksama adalah berdasarkan anggapan bahawa urus niaga penjualan aset kewangan atau pemindahan liabiliti kewangan tersebut berlaku sama ada:

- dalam pasaran utama bagi aset kewangan atau liabiliti kewangan; atau
- jika tiada pasaran utama, dalam pasaran yang paling berfaedah bagi aset kewangan atau liabiliti kewangan tersebut.

Pasaran utama atau yang paling berfaedah tersebut hendaklah boleh diakses oleh PIDM.

Nilai saksama bagi suatu aset kewangan atau liabiliti kewangan dikira dengan menggunakan andaian yang diguna oleh peserta pasaran bagi menetapkan harga aset kewangan atau liabiliti kewangan tersebut, dengan anggapan bahawa peserta pasaran akan bertindak berdasarkan kepentingan ekonomi yang terbaik bagi mereka.

PIDM menggunakan teknik penilaian yang bersesuaian dengan keadaan yang mana data mencukupi boleh diperolehi untuk mengukur nilai saksama, dengan memaksimumkan input boleh diperhatikan yang relevan dan meminimumkan penggunaan input yang tidak boleh diperhatikan.

Semua nilai saksama aset kewangan dan liabiliti kewangan yang diukur atau dinyatakan di dalam penyata kewangan dikategorikan menurut hierarki nilai saksama yang dinyatakan di bawah, berdasarkan input tahap terendah yang penting bagi pengukuran nilai saksama secara keseluruhan:

Tahap 1 — Sebut harga pasaran yang tidak diubah bagi aset kewangan atau liabiliti kewangan yang serupa, yang diperolehi dari pasaran aktif.

Tahap 2 — Teknik penilaian di mana input paras terendah yang penting bagi pengukuran nilai saksama boleh diperhatikan secara langsung atau tidak langsung.

Tahap 3 — Teknik penilaian di mana input paras terendah yang penting bagi pengukuran nilai saksama tidak boleh diperhatikan.

PIDM menyediakan maklumat nilai saksama mengenai pelaburannya adalah bagi tujuan pendedahan pelaporan.

Bagi aset dan liabiliti kewangan yang diiktiraf di dalam penyata kewangan secara berulang, PIDM akan menentukan sama ada pemindahan berlaku antara Tahap dalam hierarki dengan menilai semula kategori yang digunakan (berdasarkan input paras terendah yang penting bagi pengukuran nilai saksama secara keseluruhan) pada akhir setiap tempoh pelaporan.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Pengiktirafan dan pengukuran awal

Aset kewangan dan liabiliti kewangan pada asalnya diukur pada nilai saksama. Kos langsung transaksi terhadap perolehan atau terbitan aset kewangan dan liabiliti kewangan (selain daripada aset kewangan dan liabiliti kewangan pada nilai saksama melalui keuntungan atau kerugian) adalah ditambah kepada atau ditolak daripada nilai saksama aset kewangan dan liabiliti kewangan tersebut, sekiranya perlu, ketika pengiktirafan awal. Kos langsung transaksi terhadap perolehan aset kewangan dan liabiliti kewangan pada nilai saksama melalui keuntungan atau kerugian diiktiraf terus di dalam keuntungan atau kerugian.

Semua kaedah biasa pembelian atau penjualan aset kewangan diiktiraf dan dinyahiktiraf berdasarkan tarikh dagangan, iaitu tarikh apabila PIDM terikat untuk membeli atau menjual aset tersebut. Kaedah pembelian atau penjualan biasa merupakan pembelian atau penjualan aset kewangan yang memerlukan penyerahan aset dalam tempoh yang ditentukan oleh peraturan atau konvensyen pasaran.

Klasifikasi dan pengukuran seterusnya

Semua aset kewangan yang diiktiraf diukur seterusnya secara keseluruhan sama ada pada kos terlunas atau nilai saksama, bergantung kepada klasifikasi aset kewangan tersebut.

Semua liabiliti kewangan diklasifikasi dan diukur seterusnya pada kos terlunas, melainkan ia dinyatakan sebaliknya.

Dalam menentukan klasifikasi aset kewangan, PIDM mempertimbangkan syarat-syarat berikut:

- model urusniaga PIDM bagi mengurus aset kewangan tersebut; dan
- ciri-ciri aliran tunai aset kewangan tersebut.

Model perniagaan

Model perniagaan menunjukkan bagaimana PIDM mengurus aset kewangannya untuk menghasilkan aliran tunai. Iaitu, sama ada objektif PIDM adalah hanya untuk mengumpul aliran tunai berkontrak daripada aset atau untuk mengumpul kedua-dua aliran tunai berkontrak dan aliran tunai daripada penjualan aset. Sekiranya kedua-duanya tidak diguna pakai (contohnya aset kewangan yang dipegang bagi tujuan dagangan), aset kewangan tersebut diklasifikasikan sebagai sebahagian daripada modal perniagaan 'lain' dan diukur pada nilai saksama melalui keuntungan atau kerugian. Model perniagaan PIDM tidak dinilai mengikut instrumen, tetapi pada peringkat tinggi atau peringkat portfolio beragregat dan berpandukan faktor-faktor seperti:

- bagaimana prestasi model perniagaan dan aset kewangan yang dipegang dalam model perniagaan tersebut dinilai dan dilaporkan kepada kakitangan pengurusan utama PIDM; dan
- risiko-risiko yang menjejaskan prestasi model perniagaan tersebut (dan aset kewangan yang dipegang dalam model perniagaan tersebut) dan, khususnya, kaedah risiko-risiko ini diurus.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Model perniagaan (sambungan)

Penilaian model perniagaan adalah berdasarkan senario munasabah yang dijangkakan tanpa mengambil kira senario 'kes terburuk' atau 'kes tekanan'. Sekiranya aliran tunai selepas pengiktirafan awal direalisasikan dengan cara yang berbeza daripada jangkaan asal, PIDM tidak mengubah klasifikasi aset kewangan selebihnya yang dipegang dalam model perniagaan tersebut, tetapi sebaliknya memasukkan maklumat tersebut apabila menilai aset kewangan terbitan baru atau yang baru dibeli, bagi tempoh hadapan. Klasifikasi semula diambil kira dari bermulanya perubahan pertama tempoh pelaporan. Perubahan-perubahan ini dijangka jarang berlaku. Tiada perubahan ini berlaku dalam tempoh pelaporan.

Ujian 'hanya pembayaran prinsipal dan faedah atau pulangan' (Solely payments of principal and interest or return – "SPPI")

Sebagai langkah kedua proses klasifikasi, PIDM menilai terma-terma kontrak aset kewangan untuk mengenal pasti sama ada ia memenuhi ujian SPPI.

'Prinsipal' untuk tujuan ujian ini ditakrifkan sebagai nilai saksama aset kewangan pada peringkat pengiktirafan awal dan boleh berubah sepanjang hayat aset kewangan (contohnya sekiranya pembayaran semula prinsipal atau pelunasan premium atau diskaun dibuat).

Dalam membuat penilaian ini, PIDM mempertimbangkan sama ada aliran tunai berkontrak adalah selaras dengan aturan peminjaman asas iaitu faedah atau pulangan hanya termasuk pertimbangan untuk nilai tunai hadapan, risiko kredit, risiko peminjaman asas lain dan margin keuntungan, yang selaras dengan aturan peminjaman asas. Sekiranya terma kontrak memperkenalkan pendedahan kepada risiko atau turun naik yang tidak konsisten dengan aturan peminjaman asas, aset kewangan berkenaan diklasifikasikan dan diukur pada nilai saksama melalui keuntungan atau kerugian.

Aset kewangan yang terbabat dengan derivatif adalah dikira secara keseluruhan apabila menentukan sama ada aliran tunainya adalah semata-mata pembayaran prinsipal dan faedah atau pulangan.

Butiran klasifikasi dan pengukuran aset kewangan dan liabiliti kewangan PIDM diterangkan di bawah.

Aset kewangan

(i) Tunai dan kesetaraan tunai

Tunai dan kesetaraan tunai merangkumi tunai di tangan, deposit boleh panggil di bank dan pelaburan mudah tunai jangka pendek yang sedia untuk ditukarkan kepada amaun tunai yang diketahui dan tertakluk kepada risiko perubahan nilai yang rendah. Ini termasuk pelaburan jangka pendek dalam instrumen pasaran wang serta pelaburan jangka pendek dengan tempoh matang kurang daripada 90 hari dari tarikh pembelian. Tunai dan kesetaraan tunai dibawa pada kos terlunas di dalam Penyata Kedudukan Kewangan.

Penyata Aliran Tunai disediakan menggunakan kaedah langsung. Penyata Aliran Tunai yang disediakan dengan menggunakan kaedah tidak langsung juga dibentangkan dalam Nota 4(b) kepada penyata kewangan.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Aset kewangan (sambungan)

(ii) Sekuriti pelaburan

Instrumen hutang yang memenuhi syarat-syarat berikut diukur seterusnya pada kos terlunas:

- aset kewangan yang dipegang dalam model perniagaan dengan objektif untuk mengumpul aliran tunai berkontrak; dan
- terma kontrak aset kewangan yang menimbulkan aliran tunai pada tarikh tertentu, yang semata-mata untuk pembayaran prinsipal dan faedah atau pulangan (iaitu melepasi `ujian SPPI') ke atas amaun prinsipal tertunggak.

Instrumen hutang yang memenuhi syarat-syarat berikut diukur seterusnya pada nilai saksama melalui pendapatan komprehensif lain (*fair value through other comprehensive income* - "FVTOCI"):

- aset kewangan yang dipegang dalam model perniagaan yang objektifnya tercapai melalui pengumpulan aliran tunai berkontrak dan penjualan aset kewangan tersebut; dan
- terma-terma kontrak aset kewangan tersebut juga menimbulkan aliran tunai pada tarikh tertentu, yang semata-mata untuk pembayaran prinsipal dan faedah atau pulangan ke atas amaun prinsipal tertunggak.

Sekuriti pelaburan PIDM merangkumi Sekuriti Kerajaan Malaysia yang boleh dipasarkan, Terbitan Pelaburan Kerajaan dan Sekuriti Hutang Swasta. PIDM melabur dalam sekuriti denominasi Ringgit Malaysia jangka pendek dan sederhana yang dipegang sehingga tempoh matang bagi mengumpul aliran tunai berkontrak dan bukan untuk didagangkan. Aliran tunai berkontrak bagi sekuriti pelaburan tersebut adalah hanya untuk pembayaran prinsipal dan faedah atau pulangan ke atas amaun prinsipal tertunggak. Oleh yang demikian, sekuriti pelaburan ini diukur pada kos terlunas.

(iii) Akaun belum terima lain

Akaun belum terima lain merangkumi aset kewangan yang dipegang dengan objektif untuk mengumpul aliran tunai berkontrak, di mana aliran tunai berkontrak tersebut adalah hanya untuk pembayaran prinsipal dan faedah atau pulangan ke atas amaun prinsipal tertunggak dan dibawa pada kos terlunas dalam Penyata Kedudukan Kewangan.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Liabiliti kewangan

Melainkan dinyatakan sebaliknya, PIDM mengukur liabiliti kewangannya pada kos terlunas, yang merupakan nilai saksama pertimbangan yang dibayar pada masa hadapan bagi barangan dan perkhidmatan yang diterima.

Penyahiktirafan

(i) Aset kewangan

Aset kewangan akan dinyahiktiraf apabila:

- hak kontrak untuk menerima aliran tunai daripada aset tersebut telah tamat; atau
- PIDM telah memindahkan haknya untuk menerima aliran tunai daripada aset tersebut atau telah mengambil alih tanggungjawab untuk membayar aliran tunai yang diterima sepenuhnya tanpa kelewatan ketara kepada pihak ketiga di bawah perjanjian '*pass-through*', dan sama ada:
 - PIDM telah memindahkan sebahagian besar risiko dan ganjaran aset tersebut; atau
 - PIDM tidak memindahkan dan tidak juga mengekalkan semua risiko dan ganjaran aset tersebut, tetapi telah memindahkan kawalan ke atas aset tersebut.

Apabila PIDM telah memindahkan haknya untuk menerima aliran tunai daripada aset atau telah memeterai perjanjian '*pass-through*', dan tidak memindahkan atau tidak mahu mengekalkan semua risiko dan ganjaran aset atau tidak memindahkan kawalan aset itu, aset tersebut akan masih diiktiraf oleh PIDM selagi ada tahap penglibatan berterusan PIDM pada aset tersebut. Dalam kes itu, PIDM juga mengiktiraf liabiliti yang berkaitan. Aset dan liabiliti berkaitan yang telah dipindahkan tersebut akan diukur pada asas yang mencerminkan hak dan obligasi PIDM yang masih dikekalkan.

Apabila aset kewangan yang diukur pada kos terlunas dinyahiktirafkan, perbezaan di antara nilai bawaan aset dan jumlah penerimaan yang diterima serta belum terima adalah diiktiraf dalam keuntungan atau kerugian. Di samping itu, apabila suatu pelaburan dalam instrumen hutang yang diklasifikasi sebagai FVTOCI dinyahiktirafkan, keuntungan atau kerugian yang sebelum ini terkumpul dalam rizab penilaian semula pelaburan, akan diklasifikasikan semula kepada keuntungan atau kerugian.

(ii) Liabiliti kewangan

Penyahiktirafan liabiliti kewangan akan dilakukan apabila obligasi di bawah liabiliti tersebut telah dibatalkan atau ditamatkan atau luput. Jika suatu liabiliti kewangan sedia ada digantikan oleh liabiliti lain daripada pemberi pinjaman yang sama, tetapi atas terma yang nyata berbeza atau terma liabiliti sedia ada diubah dengan ketara, pertukaran atau perubahan tersebut dianggap sebagai penyahiktirafan ke atas liabiliti asal dan pengiktirafan liabiliti baharu berlaku. Perbezaan antara nilai bawaan liabiliti kewangan asal dan pertimbangan yang dibayar diiktiraf dalam keuntungan atau kerugian.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Penjejasan nilai aset kewangan

PIDM mengiktiraf suatu peruntukan kerugian kredit (*Expected credit loss* – "ECL") ke atas aset kewangannya yang diukur pada kos terlunas atau pada FVTOCI. Amaun kerugian kredit yang dijangkakan dikemas kini pada setiap tarikh pelaporan untuk mencerminkan perubahan risiko kredit sejak pengiktirafan awal instrumen hutang.

Bagi semua aset kewangan yang tertakluk kepada keperluan penjejasan nilai, PIDM mengiktiraf ECL jangka hayat apabila terdapat peningkatan ketara dalam risiko kredit berbanding pengiktirafan awal. Walau bagaimanapun, sekiranya risiko kredit ke atas instrumen kewangan tidak meningkat dengan ketara sejak pengiktirafan awal, PIDM mengukur peruntukan kerugian bagi instrumen kewangan tersebut pada amaun yang sama dengan ECL selama 12 bulan.

ECL jangka hayat merupakan kerugian kredit yang dijangkakan daripada kesemua kebarangkalian kegagalan sesuatu instrumen kewangan, dalam tempoh hayatnya. Sebaliknya, ECL 12 bulan merupakan sebahagian daripada ECL jangka hayat yang mencerminkan kebarangkalian peristiwa kegagalan suatu instrumen kewangan dalam tempoh 12 bulan selepas tarikh pelaporan.

Perubahan dalam kualiti kredit sejak pengiktirafan awal

Peringkat 1	Peringkat 2	Peringkat 3
(Pengiktirafan awal)	(Peningkatan ketara dalam risiko kredit sejak pengiktirafan awal)	(Aset terjejas kredit)
Kerugian kredit 12 bulan yang dijangkakan	Jangka hayat kerugian kredit yang dijangkakan	Jangka hayat kerugian kredit yang dijangkakan

(i) Peningkatan ketara dalam risiko kredit

Dalam menilai sama ada risiko kredit ke atas instrumen kewangan telah meningkat dengan ketara sejak pengiktirafan awal, PIDM membandingkan risiko kegagalan berlaku bagi suatu instrumen kewangan pada tarikh pelaporan dengan risiko kegagalan berlaku bagi instrumen kewangan tersebut pada tarikh pengiktirafan awal. Dalam melaksanakan penilaian ini, PIDM mempertimbangkan kedua-dua maklumat kuantitatif dan kualitatif yang munasabah dan boleh disokong, termasuk pengalaman sejarah dan maklumat berpandangan ke hadapan yang tersedia tanpa kos atau usaha yang tidak wajar. Maklumat berpandangan ke hadapan yang dipertimbangkan termasuk yang diperolehi daripada laporan pakar ekonomi, penganalisa kewangan, badan-badan kerajaan serta pertimbangan pelbagai sumber luaran maklumat ekonomi sebenar dan ramalan.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Penjelasan nilai aset kewangan (sambungan)

(i) Peningkatan ketara dalam risiko kredit (sambungan)

Secara khusus, maklumat berikut diambil kira apabila menilai sama ada risiko kredit telah meningkat dengan ketara sejak pengiktirafan awal:

- kemerosotan ketara yang sebenar atau yang dijangkakan dalam penarafan kredit luaran atau penilaian kredit oleh agensi penarafan yang diiktiraf, bagi instrumen kewangan tersebut;
- kemerosotan ketara dalam petunjuk pasaran luaran risiko kredit bagi instrumen kewangan tertentu, contohnya, peningkatan ketara dalam penyebaran kredit, harga swap mungkir kredit bagi peminjam, atau tempoh masa atau tahap yang mana nilai saksama suatu aset kewangan adalah rendah daripada kos terlunasnya;
- perubahan sedia ada atau yang diramalkan dalam keadaan perniagaan, kewangan atau ekonomi yang dijangka akan menyebabkan pengurangan ketara dalam keupayaan peminjam untuk memenuhi obligasi hutangnya;
- kemerosotan ketara yang sebenar atau dijangkakan dalam hasil operasi peminjam;
- peningkatan ketara dalam risiko kredit ke atas instrumen kewangan lain peminjam yang sama;
- toleransi atau penstrukturan semula sebenar atau yang dijangkakan; dan
- perubahan buruk ketara yang sebenar atau dijangkakan dalam persekitaran kawal selia, ekonomi, atau operasi peminjam yang menyebabkan pengurangan ketara dalam keupayaan peminjam untuk memenuhi obligasi hutangnya.

Walau bagaimanapun, PIDM menganggap bahawa risiko kredit ke atas suatu aset kewangan telah meningkat dengan ketara sejak pengiktirafan awal apabila pembayaran kontrak melebihi 30 hari lampau tempoh, kecuali PIDM mempunyai maklumat yang munasabah dan boleh dipercayai yang menunjukkan sebaliknya.

Walaupun demikian, PIDM mengandaikan bahawa risiko kredit ke atas instrumen kewangan tidak meningkat dengan ketara sejak pengiktirafan awal sekiranya instrumen kewangan ditetapkan untuk mempunyai risiko kredit yang rendah pada tarikh pelaporan. Suatu instrumen kewangan ditetapkan untuk mempunyai risiko kredit yang rendah sekiranya:

- instrumen kewangan tersebut mempunyai risiko kegagalan yang rendah;
- peminjam mempunyai keupayaan kukuh untuk memenuhi obligasi aliran tunai berkontrak dalam tempoh terdekat; dan
- perubahan buruk dalam keadaan ekonomi dan perniagaan dalam tempoh yang lebih panjang, berkemungkinan tetapi tidak semestinya mengurangkan keupayaan peminjam untuk memenuhi obligasi aliran tunai berkontraknya.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Penjelasan nilai aset kewangan (sambungan)

(i) Peningkatan ketara dalam risiko kredit (sambungan)

PIDM menganggap suatu aset kewangan mempunyai risiko kredit yang rendah apabila aset tersebut mempunyai penarafan kredit luaran 'gred pelaburan' menurut takrifan yang difahami di peringkat global atau sekiranya tiada penarafan luaran, aset tersebut mempunyai penarafan dalaman sebagai 'baik' atau 'berbayar' ('*performing*'). Baik atau berbayar bermaksud bahawa pihak yang terlibat mempunyai kedudukan kewangan yang kukuh dan tiada amaun tidak berbayar sebelum ini.

PIDM sentiasa memantau keberkesanan kriteria yang digunakan untuk mengenal pasti sama ada terdapat peningkatan ketara dalam risiko kredit, serta menyemak kriteria tersebut sekiranya perlu bagi memastikan kriteria tersebut berupaya mengenal pasti peningkatan ketara dalam risiko kredit sebelum amaun tersebut lewat tempoh bayarannya.

(ii) Definisi kegagalan

PIDM menganggap perkara berikut sebagai peristiwa kegagalan bagi tujuan pengurusan risiko kredit dalaman, berdasarkan pengalaman sejarah yang menunjukkan bahawa aset kewangan yang memenuhi salah satu daripada kriteria berikut secara umumnya tidak boleh diperolehi semula:

- apabila terdapat pelanggaran perjanjian kewangan oleh pihak yang terlibat; atau
- maklumat yang dibangunkan secara dalaman atau diperolehi dari sumber luaran menunjukkan bahawa pihak berkenaan tidak mungkin membayar pemiutangnya, termasuk PIDM, secara penuh (tanpa mengambil kira sebarang cagaran yang dipegang oleh PIDM).

Walau bagaimanapun, PIDM menganggap kegagalan telah berlaku apabila pembayaran berkenaan suatu aset kewangan melebihi 90 hari lampau tempoh, kecuali apabila PIDM mempunyai maklumat yang munasabah dan boleh dipercayai untuk menunjukkan bahawa kriteria kegagalan yang memberi tempoh lebih lama adalah lebih sesuai untuk digunakan.

(iii) Aset kewangan terjejas kredit

Aset kewangan dianggap terjejas kredit apabila satu atau lebih peristiwa yang mempunyai kesan buruk terhadap anggaran aliran tunai masa depan aset kewangan berkenaan, telah berlaku. Bukti bahawa suatu aset kewangan terjejas kredit termasuk data yang dapat diperhatikan mengenai peristiwa-peristiwa berikut:

- kesukaran kewangan ketara yang dihadapi oleh penerbit atau peminjam;
- pelanggaran kontrak, seperti peristiwa mungkir atau kelewatan tempoh bayaran yang ketara;
- pemberi pinjaman kepada pihak yang terlibat memberi konsesi peminjam yang dalam kebiasaannya tidak akan diberikan, atas sebab kemerosotan ekonomi atau kesukaran kewangan peminjam dalam memenuhi tuntutan kontrak;
- peminjam berkemungkinan akan menghadapi kebangkrutan atau akan melalui pengaturan semula kewangan yang lain; atau
- kehilangan pasaran yang aktif bagi aset kewangan tersebut disebabkan oleh kesukaran kewangan.

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Penjelasan nilai aset kewangan (sambungan)

(iv) Hapus kira

PIDM menghapus kira suatu aset kewangan apabila terdapat maklumat yang menunjukkan bahawa penghutang berada dalam kesukaran kewangan yang teruk dan tiada prospek pemulihan yang realistik, contohnya, apabila penghutang diletakkan di bawah proses pembubaran atau telah menghadapi prosiding kebangkrutan. Aset kewangan yang dihapus kira mungkin tertakluk kepada aktiviti penguatkuasaan di bawah prosedur pemulihan PIDM, dengan mengambil kira nasihat perundangan sekiranya wajar. Sebarang pemulihan yang dibuat adalah diiktiraf dalam keuntungan atau kerugian.

(v) Pengukuran dan pengiktirafan peruntukan kerugian kredit

Pengukuran ECL merupakan fungsi kebarangkalian kegagalan, kerugian akibat kegagalan (iaitu tahap kerugian sekiranya berlaku kegagalan) dan pendedahan semasa kegagalan, seperti yang diterangkan di bawah:

- PD Kebarangkalian kegagalan (*Probability of Default*) merupakan anggaran kemungkinan kegagalan entiti yang mungkir terhadap obligasi/pembayaran balik dalam tempoh yang ditetapkan (iaitu lebih dari 12 bulan atau sepanjang jangka hayat instrumen kewangan).
- EAD Pendedahan semasa kegagalan (*Exposure at Default*) merupakan anggaran pendedahan pada tarikh kegagalan masa hadapan, dengan mengambil kira perubahan yang dijangkakan dalam pendedahan selepas tarikh pelaporan, termasuk pembayaran balik prinsipal dan faedah atau pulangan, sama ada kontrak berjadual atau sebaliknya, pengurangan yang dijangkakan kepada komitmen kemudahan, dan faedah atau pulangan terakru daripada pembayaran yang tidak dibuat.
- LGD Kerugian akibat kegagalan (*Loss Given Default*) merupakan anggaran kerugian yang timbul akibat kegagalan yang berlaku dalam tempoh yang dinyatakan. Ia adalah berdasarkan perbezaan antara aliran tunai berkontrak yang perlu dibayar dan yang perlu diterima oleh pemberi pinjaman, termasuk daripada realisasi apa-apa cagaran atau pemulihan aset. Ia biasanya dinyatakan sebagai peratusan daripada EAD.

Penilaian PD dan LGD adalah berdasarkan data sejarah yang diselaraskan dengan maklumat berpandangan ke hadapan seperti yang diterangkan di atas, khususnya input makroekonomi seperti ukuran pertumbuhan Keluaran Dalam Negara Kasar ("KDNK"), yang telah dinilai mempunyai korelasi tertinggi kepada penarafan kredit.

Apabila menganggarkan ECL, khususnya instrumen hutang, PIDM mempertimbangkan beberapa senario di mana setiap senario dikaitkan dengan PD yang berbeza yang digunakan untuk mengukur ECL. Senario yang dipertimbangkan untuk tempoh pelaporan dan wajaran senario ditentukan berdasarkan analisis statistik dan pertimbangan pakar, dengan mengambil kira pelbagai perwakilan hasil daripada setiap senario yang dipilih, serta keadaan persekitaran operasi pada tarikh pelaporan. Sekurang-kurangnya dua senario akan dipertimbangkan dalam menganggarkan ECL pada bila-bila masa. Senarai senario dan andaian utama, yang diambil kira oleh PIDM adalah seperti berikut:

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Penjelasan nilai aset kewangan (sambungan)

(v) Pengukuran dan pengiktirafan peruntukan kerugian kredit (sambungan)

Tahun kewangan berakhir 31 Disember 2024¹

Senario	Deskripsi – Senario Ekonomi Tempatan
Garis Dasar	Persekitaran ekonomi dan jangkaan pertumbuhan hampir dengan sejarah keadaan dan kadar pertumbuhan. Pertumbuhan KDNK Malaysia antara 4.0% dan 5.5%.
Negatif Sederhana	Keadaan ekonomi dan/atau jangkaan pertumbuhan adalah lebih lemah daripada norma jangka panjang. Pertumbuhan KDNK Malaysia antara 0.6% dan 4.0%.
Negatif	Keadaan ekonomi dan/atau jangkaan pertumbuhan adalah tidak berubah atau negatif. KDNK Malaysia dijangka antara 0.6% dan -4.0%.
Kemerosotan Teruk	Keadaan ekonomi dan/atau jangkaan pertumbuhan adalah lebih lemah daripada norma jangka panjang. KDNK Malaysia dijangka lebih besar daripada -4.0% penguncupan.

Tahun kewangan berakhir 31 Disember 2023²

Senario	Deskripsi – Senario Ekonomi Tempatan
Garis Dasar	Keadaan dan/atau pertumbuhan ekonomi dijangka serupa dengan keadaan dan pertumbuhan sejarah. Pertumbuhan KDNK Malaysia antara 4.0% dan 5.6%.
Negatif Sederhana	Keadaan dan/atau pertumbuhan ekonomi dijangka lebih lemah daripada norma jangka panjang. Pertumbuhan KDNK Malaysia adalah kurang daripada 4.0%.
Negatif	Keadaan dan/atau pertumbuhan ekonomi dijangka pada tahap rata atau negatif. KDNK Malaysia dijangka menguncup tidak lebih daripada -4.0%.
Kemerosotan Teruk	Keadaan dan/atau pertumbuhan ekonomi dijangka jauh lebih lemah daripada norma jangka panjang. KDNK Malaysia dijangka menguncup lebih daripada -4.0%.

Sekiranya PIDM telah mengukur peruntukan kerugian bagi suatu instrumen kewangan pada amaun yang sama dengan ECL jangka hayat dalam tempoh pelaporan terdahulu, tetapi menentukan pada tarikh tempoh pelaporan semasa bahawa syarat-syarat bagi ECL jangka hayat tidak lagi dipenuhi, PIDM mengukur peruntukan kerugian pada amaun yang sama dengan ECL 12 bulan pada tarikh pelaporan semasa.

¹ Sumber kategori senario dan kadar pertumbuhan KDNK adalah diambil dari Rating Agency Malaysia (RAM) MFRS9 SaaS version 5.0.3 – November 2024

² Sumber kategori senario dan kadar pertumbuhan KDNK adalah diambil dari Rating Agency Malaysia (RAM) MFRS9 SaaS version 4.0.13 – November 2023

2. Polisi Perakaunan (Sambungan)

2.2 Ringkasan polisi perakaunan (sambungan)

(a) Instrumen kewangan (sambungan)

Penjelasan nilai aset kewangan (sambungan)

(v) Pengukuran dan pengiktirafan peruntukan kerugian kredit (sambungan)

PIDM mengiktiraf penjelasan nilai pendapatan atau kerugian dalam keuntungan atau kerugian bagi semua instrumen kewangan dengan pelarasan yang sesuai dengan amaun bawaannya melalui akaun peruntukan kerugian, kecuali bagi pelaburan dalam instrumen hutang yang diukur pada FVTOCI, di mana peruntukan kerugian diiktiraf dalam pendapatan komprehensif lain dan terkumpul dalam rizab penilaian semula pelaburan, dan tidak mengurangkan amaun bawaan aset kewangan dalam Penyata Kedudukan Kewangan.

(b) Pelaburan dalam subsidiari-subsidiari

Pelaburan dalam subsidiari-subsidiari diukur dalam Penyata Kedudukan Kewangan PIDM pada nilai kos setelah mengambil kira sebarang kerugian penjelasan nilai, melainkan pelaburan tersebut dipegang untuk jualan.

Selaras dengan seksyen 35 Akta PIDM, keputusan kewangan subsidiari-subsidiari tidak digabungkan dengan penyata kewangan PIDM. Subsidiari-subsidiari ini telah diperbadankan untuk bertindak sebagai entiti bertujuan khas bagi membolehkan PIDM melaksanakan aktiviti-aktiviti intervensi dan resolusi kegagalan yang khusus dan bukannya untuk tujuan pelaburan. Entiti bertujuan khas ini adalah menepati definisi 'entiti berstruktur' sebagaimana yang ditakrif di dalam MFRS 12 *Disclosure of Interests in Other Entities* ("MFRS 12").

Tambahan lagi, selaras dengan keperluan MFRS 10 *Consolidated Financial Statements* ("MFRS 10"), PIDM tidak menyediakan penyata kewangan yang digabungkan kerana PIDM tidak memenuhi kesemua 'kawalan' ke atas subsidiari-subsidiarinya, sebagaimana yang ditakrif di dalam MFRS 10. Ini kerana PIDM, sebagai sebuah entiti, mempunyai pendedahan kewangan serta hak yang terhad kepada pulangan serba berubah daripada pelaburannya di dalam subsidiari-subsidiari tersebut. Sebaliknya, pendedahan kewangan serta hak kepada pulangan serba berubah tersebut adalah dihubungkan secara langsung kepada Kumpulan Dana Perlindungan yang berkenaan.

Menggabungkan penyata kewangan PIDM bersama-sama dengan subsidiari-subsidiari ini tidak akan memberikan maklumat yang bermakna dan gambaran yang benar serta saksama tentang kedudukan kewangan dan prestasi PIDM, kerana pendedahan kewangan dan akibat daripada sebarang intervensi dan resolusi kegagalan bagi mana-mana ahli institusi hanya akan memberi kesan secara langsung kepada Dana Perlindungan yang berkaitan sahaja. Perkara ini dibincangkan secara lanjut di Nota 3.1(a).

(c) Hartanah dan peralatan, dan susut nilai

Semua butiran hartanah dan peralatan pada awalnya dinyatakan pada nilai kos. Kos tambahan berikutnya akan dimasukkan ke dalam nilai bawaan atau dianggap sebagai aset yang lain, mengikut kesesuaian, hanya apabila kebarangkalian manfaat ekonomi masa hadapan yang dikaitkan dengannya diperoleh oleh PIDM dan penilaian kos butiran tersebut boleh dipercayai. Amaun bawaan bagi bahagian atau komponen aset yang diganti akan dinyahiktiraf. Semua kos pembaikan dan penyelenggaraan yang lain akan diakaunkan di dalam Penyata Keuntungan atau Kerugian bagi tahun kewangan yang mana kos tersebut berlaku.

Selepas pengiktirafan awal, hartanah dan peralatan dinyatakan pada kos selepas mengambil kira susut nilai dan sebarang kerugian penjelasan nilai terkumpul.

2. Polisi Perakaunan (Sambungan)

2.2 Ringkasan polisi perakaunan (sambungan)

(c) Hartanah dan peralatan, dan susut nilai (sambungan)

Susut nilai dikira mengikut kaedah garis lurus bagi mengurangkan kos setiap aset kepada nilai sisanya sepanjang anggaran hayat kegunaan aset tersebut, mengikut kadar tahunan seperti berikut:

Bangunan di atas tanah pegangan bebas	2.00%
Perabot dan kelengkapan	20.00%
Kenderaan motor	20.00%
Ubah suai pejabat	20.00%
Peralatan pejabat dan sistem komputer	33.33%

Tanah pegangan bebas mempunyai jangka hayat tidak terhad maka dengan itu ianya tidak disusutnilaikan. PIDM telah mempermodalkan tanah dan amaun tanah dipermodalkan adalah mengikut pengiktirafan awal menggunakan harga belian di samping kos-kos lain yang berkaitan yang dibelanjakan bagi membawa tanah tersebut kepada keadaannya pada masa sekarang.

Hartanah dan peralatan masih dalam pembinaan tidak disusut nilai sehingga aset tersebut sedia untuk diguna.

Nilai sisa, jangka hayat dan kaedah susut nilai dikaji semula pada setiap akhir tahun kewangan bagi memastikan amaun, kaedah dan tahun disusut nilai adalah selaras dengan anggaran sebelumnya serta corak penggunaan manfaat ekonomi hartanah dan peralatan tersebut. Hartanah dan peralatan tidak lagi diiktiraf setelah dilupuskan atau tiada manfaat ekonomi masa hadapan diperolehi daripada penggunaan atau pelupusannya. Perbezaan antara hasil pelupusan bersih, jika ada, dan nilai bawaan bersih diiktiraf di dalam Penyata Keuntungan atau Kerugian.

(d) Penjejasan nilai aset bukan kewangan

Pada setiap tarikh Penyata Kedudukan Kewangan, PIDM mengkaji amaun bawaan aset bukan kewangannya, bagi menentukan sama ada terdapat sebarang petunjuk penjejasan nilai. Jika terdapat petunjuk tersebut, amaun yang boleh diperolehi semula dianggarkan bagi menentukan jumlah kerugian penjejasan nilai.

Bagi tujuan ujian penjejasan nilai aset-aset ini, amaun yang boleh diperolehi semula dianggarkan ke atas penilaian individu setiap aset. Amaun yang boleh diperolehi semula ialah amaun yang lebih tinggi antara nilai saksama aset tersebut setelah dikurangkan kos jualan dan nilai guna sesuatu aset. Dalam menentukan nilai guna, anggaran aliran tunai hadapan didiskaunkan ke nilai kini menggunakan kadar diskaun yang menggambarkan penilaian pasaran semasa terhadap nilai tunai hadapan dan risiko aset tersebut. Apabila amaun bawaan untuk sesuatu aset melebihi amaun yang boleh diperolehi semula, aset tersebut dianggap terjejas dan nilai bawaannya akan dikurangkan kepada amaun yang boleh diperolehi semula.

Kerugian penjejasan nilai diiktiraf di dalam Penyata Keuntungan atau Kerugian dalam tahun yang sama ia berlaku, melainkan aset itu dibawa pada amaun yang dinilai semula, yang mana penjejasan nilai tersebut hendaklah diakaunkan sebagai penilaian semula yang dikurangkan setakat mana akaun amaun kerugian penjejasan nilai itu tidak melebihi amaun yang diambil kira dalam rizab penilaian semula aset bagi aset tersebut.

Kerugian penjejasan nilai bagi aset akan dibalikkan semula jika, dan hanya jika, terdapat perubahan antara anggaran yang digunakan untuk menilai amaun yang boleh diperolehi semula dengan anggaran susut nilai yang diiktiraf sebelumnya. Selain daripada aset muhibah, nilai bawaan aset boleh dinaikkan kepada amaun yang boleh diperolehi semula, selagi amaun tersebut tidak melebihi nilai bawaan yang sepatutnya ditentukan (nilai selepas ditolak pelunasan dan susut nilai) sekiranya tiada kerugian penjejasan nilai bagi aset tersebut telah diiktiraf pada tahun sebelumnya. Suatu pembalikan semula kerugian penjejasan nilai bagi aset selain daripada aset muhibah akan diiktiraf dalam Penyata Keuntungan atau Kerugian, melainkan aset tersebut direkodkan pada amaun dinilai semula, yang mana, dalam situasi ini, pembalikan semula tersebut harus diakaunkan sebagai penambahan penilaian semula.

2. Polisi Perakaunan (Sambungan)

2.2 Ringkasan polisi perakaunan (sambungan)

(e) Pengiktirafan pendapatan dan perbelanjaan

Semua pendapatan dan perbelanjaan operasi berkaitan dengan DIS dan TIPS diiktiraf mengikut asas akrual. Akta PIDM memberi kuasa kepada PIDM untuk mengkredit semua pendapatan operasi secara langsung kepada, dan caj semua perbelanjaan terhadap Dana Perlindungan atau Kumpulan Dana yang berkaitan.

1. Pendapatan

Pendapatan premium dan levi yang diiktiraf dalam sesuatu tahun kewangan ditaksir berdasarkan premium dan levi yang ditaksirkan semasa tahun kewangan tersebut.

Pendapatan pelaburan termasuk pendapatan daripada penempatan dalam deposit pasaran wang jangka pendek diiktiraf mengikut asas pembahagian masa yang menggambarkan pulangan efektif aset tersebut.

2. Perbelanjaan

Perbelanjaan yang berkaitan secara langsung kepada Dana Perlindungan atau Kumpulan Dana tertentu dicaj kepada Dana Perlindungan atau Kumpulan Dana tersebut.

Perbelanjaan yang tidak boleh dicaj secara langsung kepada Dana Perlindungan atau Kumpulan Dana akan diagih berdasarkan ketetapan Perintah Perbadanan Insurans Deposit Malaysia (Pengagihan Perbelanjaan, Kos atau Kerugian) (Pindaan) 2017.

Perbelanjaan yang tidak boleh dicaj secara langsung kepada Dana Perlindungan atau Kumpulan Dana yang khusus boleh dikategorikan kepada dua kategori seperti berikut:

- (i) *Perbelanjaan yang boleh dikaitkan kepada sama ada DIS atau TIPS tetapi merupakan perbelanjaan tidak langsung bagi sistem masing-masing.* Pengagihan bagi kategori perbelanjaan ini adalah berdasarkan nisbah jumlah pendapatan yang diperolehi (tidak termasuk pendapatan lain) untuk sistem masing-masing pada tahun kewangan tahun sebelumnya seperti perbelanjaan, kos atau kerugian yang diagihkan. Bagi tahun kewangan 2024, perbelanjaan telah diagihkan kepada sistem masing-masing berdasarkan nisbah jumlah pendapatan yang diperolehi (tidak termasuk pendapatan lain) untuk sistem masing-masing dalam tahun kewangan berakhir 31 Disember 2023. Kadar peruntukan yang digunakan dalam tahun tersebut adalah seperti berikut:

Tahun	DIS		TIPS			
	Konvensional	Islam	Insurans Am	Insurans Hayat	Takaful Am	Takaful Keluarga
2024	71.39%	28.61%	26.41%	58.72%	4.34%	10.53%
	100%		100%			
2023	71.61%	28.39%	26.98%	55.99%	4.55%	12.48%
	100%		100%			

2. Polisi Perakaunan (Sambungan)

2.2 Ringkasan polisi perakaunan (sambungan)

(e) Pengiktirafan pendapatan dan perbelanjaan (sambungan)

2. Perbelanjaan (sambungan)

- (ii) *Perbelanjaan yang merupakan kos tidak langsung untuk mentadbir kedua-dua DIS dan TIPS.* Perbelanjaan yang tidak boleh dirujuk secara khusus kepada mana-mana DIS atau TIPS, perlu diperuntukkan berdasarkan nisbah jumlah pendapatan yang diperolehi (tidak termasuk pendapatan lain) bagi setiap Kumpulan Dana Perlindungan di dalam DIS dan TIPS pada tahun sebelumnya seperti perbelanjaan, kos atau kerugian yang diagihkan. Bagi tahun kewangan 2024, perbelanjaan sebegini telah dicajkan kepada Dana Perlindungan masing-masing berdasarkan nisbah jumlah pendapatan yang diperolehi (tidak termasuk pendapatan lain) bagi setiap Dana Perlindungan dalam tahun kewangan berakhir 31 Disember 2023. Asas pengagihan yang digunakan adalah seperti berikut:

Tahun	Jumlah	DIS		TIPS			
		Konvensional	Islam	Insurans Am	Insurans Hayat	Takaful Am	Takaful Keluarga
2024	100%	55.60%	22.28%	5.84%	12.99%	0.96%	2.33%
2023	100%	57.90%	22.95%	5.17%	10.72%	0.87%	2.39%

(f) Manfaat kakitangan

(i) Manfaat jangka pendek

Upah, gaji, bonus, caruman keselamatan sosial dan manfaat lain seperti faedah kesihatan dan elaun diiktiraf sebagai perbelanjaan dalam tahun yang mana perkhidmatan yang berkaitan diberikan oleh kakitangan PIDM. Cuti berganjaran terkumpul jangka pendek seperti cuti tahunan diiktiraf apabila perkhidmatan diberikan oleh kakitangan. Ia boleh dikumpul dan ditokok tambah atas kelayakan masa hadapan. Cuti berganjaran jangka pendek yang tidak boleh dikumpul seperti cuti sakit diiktiraf pada masa ketidakhadiran berlaku.

(ii) Manfaat pasca-pekerjaan

1. Rancangan caruman tetap

Rancangan caruman tetap ialah manfaat yang diberikan selepas tamat perkhidmatan yang mana PIDM membayar caruman tetap ke dalam dana atau kepada sebuah entiti berasingan. PIDM tidak mempunyai obligasi untuk membuat caruman tambahan sekiranya dana tersebut tidak mempunyai aset yang cukup untuk membayar manfaat kakitangan berdasarkan perkhidmatan kakitangan pada tahun kewangan semasa atau sebelumnya. Caruman itu diiktiraf sebagai perbelanjaan di dalam Penyata Keuntungan atau Kerugian apabila ia berlaku. Sebagaimana yang dikehendaki oleh undang-undang, PIDM membuat caruman kepada skim pensen berkanun nasional, iaitu Kumpulan Wang Simpanan Pekerja dan Pertubuhan Keselamatan Sosial.

2. Polisi Perakaunan (Sambungan)

2.2 Ringkasan polisi perakaunan (sambungan)

(f) Manfaat kakitangan (sambungan)

(ii) Manfaat pasca-pekerjaan (sambungan)

2. Rancangan manfaat ditentukan

PIDM melaksanakan satu rancangan manfaat ditentukan tanpa pendanaan yang dikenali sebagai Rancangan Persaraan Jangka Panjang (*Long Term Retirement Plan – "LTRP"*) dilaksanakan berkuat kuasa pada 1 Januari 2016. LTRP memberi manfaat kepada pekerja yang berbentuk satu tahap jaminan pembayaran persaraan secara sekaligus akan diberikan berdasar gaji akhir pekerja. Pembayaran manfaat LTRP bergantung kepada tempoh perkhidmatan dan gaji pada tahun terakhir persaraan.

Peruntukan bagi LTRP yang diiktirafkan di dalam kedudukan penyata kewangan adalah nilai kini obligasi LTRP pada akhir tempoh pelaporan, termasuk pelarasan bagi untung/rugi aktuari dan mana-mana kos perkhidmatan lampau yang tidak diiktiraf.

PIDM akan menentukan perbelanjaan faedah bagi LTRP pada tempoh tersebut dengan mengguna pakai kadar diskaun untuk mengukur obligasi LTRP pada permulaan tempoh tahunan kepada LTRP yang seterusnya. Perbelanjaan faedah dan perbelanjaan lain berkaitan dengan LTRP akan dinyatakan di dalam Penyata Keuntungan atau Kerugian.

(g) Mata wang asing

(i) Mata wang yang digunakan dan dinyatakan

Penyata kewangan PIDM dinyatakan dalam Ringgit Malaysia ("RM"), yang merupakan mata wang utama bagi persekitaran ekonomi yang mana PIDM beroperasi (mata wang fungsian).

(ii) Urus niaga mata wang asing

Bagi penyediaan penyata kewangan PIDM, urus niaga dalam mata wang asing selain daripada mata wang fungsian PIDM akan direkodkan dalam mata wang fungsian dengan kadar tukaran yang digunakan semasa tarikh urus niaga. Pada setiap tarikh Penyata Kedudukan Kewangan, butiran kewangan dalam mata wang asing akan ditukar mengikut kadar tukaran semasa tarikh Penyata Kedudukan Kewangan. Butiran bukan kewangan yang dibawa pada nilai saksama dalam mata wang asing akan ditukar pada kadar tukaran yang digunakan pada tarikh nilai saksamanya ditentukan. Butiran bukan kewangan yang diukur mengikut kos sejarah dalam mata wang asing tidak ditukarkan.

Perbezaan tukaran asing akibat daripada penyelesaian dan penukaran butiran kewangan akan diambil kira di dalam Penyata Keuntungan atau Kerugian untuk tempoh berkaitan. Perbezaan tukaran asing bagi penukaran butiran bukan kewangan yang dibawa pada nilai saksama diambil kira di dalam Penyata Keuntungan atau Kerugian untuk tempoh berkaitan kecuali bagi perbezaan disebabkan penukaran butiran bukan kewangan yang mana keuntungan atau kerugian diiktiraf terus ke dalam Dana dan Rizab.

2. Polisi Perakaunan (Sambungan)

2.2 Ringkasan polisi perakaunan (sambungan)

(h) PIDM sebagai pihak pemajak

PIDM menilai sama ada suatu kontrak merupakan pajakan atau mengandungi terma pajakan, dari permulaan kontrak tersebut. PIDM mengiktiraf aset berkaitan hak penggunaan dan liabiliti pajakan yang sepadan bagi semua perjanjian pajakan di mana ia adalah pemajak. Kecuali pajakan jangka pendek (ditakrifkan sebagai pajakan dengan tempoh pajakan selama 12 bulan atau kurang) dan pajakan aset bernilai rendah, di mana PIDM mengiktiraf pembayaran pajakan tersebut sebagai perbelanjaan operasi mengikut kaedah garis lurus sepanjang tempoh pajakan, melainkan terdapat kaedah sistematik lain yang lebih sesuai bagi corak masa di mana manfaat ekonomi aset pajakan itu digunakan.

Liabiliti pajakan di peringkat awalnya diukur pada nilai semasa bagi pembayaran pajakan yang belum berbayar pada tarikh permulaan, yang didiskaunkan dengan menggunakan kadar tersirat bagi pajakan tersebut. Jika kadar ini tidak dapat ditentukan dengan tepat, PIDM menggunakan kadar peminjaman tambahannya.

Pembayaran pajakan yang termasuk dalam pengukuran liabiliti pajakan terdiri daripada:

- pembayaran pajakan tetap (termasuk isi kandungannya adalah pembayaran tetap), selepas ditolak sebarang insentif pajakan;
- pembayaran pajakan boleh ubah yang bergantung kepada suatu indeks atau kadar, yang pada mulanya diukur dengan menggunakan indeks atau kadar berkenaan pada tarikh permulaan;
- amaun yang dijangka dibayar oleh pemajak di bawah jaminan nilai sisa;
- harga laksana opsyen pembelian, sekiranya pemajak adalah munasabah pasti untuk melaksanakan opsyen tersebut; dan
- pembayaran penalti bagi penamatan pajakan, sekiranya terma pajakan berkenaan ada mencerminkan suatu opsyen bagi menamatkan pajakan tersebut.

Liabiliti pajakan dibentangkan secara berasingan dalam Penyata Kedudukan Kewangan.

Liabiliti pajakan seterusnya diukur dengan menaikkan amaun bawaan untuk mencerminkan faedah atau pulangan ke atas liabiliti pajakan (menggunakan kaedah kadar efektif bagi faedah atau pulangan) dan dengan mengurangkan amaun bawaan untuk mencerminkan pembayaran pajakan yang dibuat.

PIDM mengukur semula liabiliti pajakan (dan membuat penyesuaian yang sepadan dengan aset berkaitan hak penggunaan) apabila:

- terma pajakan telah berubah atau terdapat perubahan dalam penilaian pelaksanaan opsyen pembelian, di mana liabiliti pajakan diukur semula dengan mendiskaunkan pembayaran pajakan yang disemak dengan menggunakan kadar diskaun yang disemak semula;
- pembayaran pajakan berubah disebabkan perubahan dalam indeks atau kadar atau perubahan dalam jangkaan pembayaran di bawah jaminan nilai sisa, di mana liabiliti pajakan diukur semula dengan mendiskaunkan pembayaran pajakan yang disemak dengan menggunakan kadar diskaun awal (kecuali perubahan pembayaran pajakan adalah disebabkan oleh perubahan dalam kadar faedah atau pulangan terapan, di mana kadar diskaun yang disemak semula akan digunakan); atau
- kontrak pajakan diubahsuai dan pengubahsuaian pajakan tersebut tidak diambil kira sebagai pajakan berasingan. Dalam hal ini, liabiliti pajakan diukur semula dengan mendiskaunkan pembayaran pajakan yang disemak dengan menggunakan kadar diskaun yang disemak semula.

2. Polisi Perakaunan (Sambungan)

2.2 Ringkasan polisi perakaunan (sambungan)

(h) PIDM sebagai pihak pemajak (sambungan)

Aset berkaitan hak penggunaan terdiri daripada pengukuran awal liabiliti pajakan yang sepadan, pembayaran pajakan yang telah dibuat pada atau sebelum hari permulaan dan sebarang kos langsung permulaan. Ia kemudian diukur pada kos ditolak susut nilai terkumpul dan kerugian penjejasan nilai.

Apabila PIDM menanggung obligasi bagi kos untuk menghapus dan mengeluarkan suatu aset pajakan, atau memulihkan tapak di mana aset tersebut berada atau memulihkan aset tersebut kepada keadaan asal seperti yang diperlukan oleh terma dan syarat pajakan, suatu peruntukan perlu diiktiraf dan diukur di bawah MFRS 137 *Provisions, Contingent Liabilities and Contingent Assets* ("MFRS 137"). Kos tersebut dimasukkan dalam nilai aset berkaitan hak penggunaan yang berkenaan.

Aset berkaitan hak penggunaan adalah disusut nilai dalam jangka lebih pendek antara tempoh pajakan atau tempoh hayat aset dasar. Sekiranya suatu pajakan berpindah milik kepada pemajak atau kos aset berkaitan hak penggunaan mencerminkan bahawa PIDM dijangka untuk melaksanakan opsyen pembelian, aset berkaitan hak penggunaan tersebut akan disusut nilai berdasarkan tempoh hayat aset dasar berkenaan. Susut nilai bermula dari tarikh permulaan pajakan.

Aset berkaitan hak penggunaan dibentangkan secara berasingan di dalam Penyata Kedudukan Kewangan.

PIDM mengguna pakai MFRS 136 *Impairment of Assets* ("MFRS 136") untuk menentukan sama ada aset berkaitan hak penggunaan adalah terjejas dan mengambil kira kerugian penjejasan nilai yang dikenal pasti seperti yang dikehendaki dalam Nota 2.2(d).

Sewa boleh ubah yang tidak bergantung kepada indeks atau kadar tidak dimasukkan dalam pengukuran liabiliti pajakan dan aset berkaitan hak penggunaan. Pembayaran yang berkaitan adalah diiktiraf sebagai perbelanjaan dalam tempoh yang mana peristiwa atau keadaan yang menyebabkan pembayaran tersebut berlaku dan dimasukkan dalam perenggan "perbelanjaan operasi dan pentadbiran" di dalam Penyata Keuntungan atau Kerugian.

2.3 Pelaksanaan MFRS baharu dan yang disemak semula, Tafsiran dan Pindaan

MFRS baharu dan yang disemak semula, Tafsiran dan Pindaan

Dasar perakaunan yang diguna pakai adalah konsisten dengan dasar-dasar perakaunan tahun kewangan sebelum ini.

Berikut adalah piawaian, tafsiran dan pindaan MFRS yang telah diterbitkan oleh Lembaga Piawaian Perakaunan Malaysia (*Malaysian Accounting Standards Board* - "MASB") yang berkuatkuasa untuk tempoh tahunan bermula pada atau selepas 1 Januari 2024 dan telah diterima pakai oleh PIDM dalam penyata kewangan ini:

- *Amendments to MFRS 107 and MFRS 7: Supplier Finance Arrangements*
- *Amendments to MFRS 16: Lease Liability in a Sale and Leaseback*
- *Amendments to MFRS 101: Non-current Liabilities with Covenants*

Penggunaan pindaan-pindaan lain tidak mempunyai sebarang kesan yang material ke atas penyata kewangan PIDM.

2. Polisi Perakaunan (Sambungan)

2.3 Pelaksanaan MFRS baharu dan yang disemak semula, Tafsiran dan Pindaan (sambungan)

MFRS baharu dan yang disemak semula, Tafsiran dan Pindaan yang telah dikeluarkan tetapi belum berkuat kuasa

Berikut adalah piawaian perakaunan, pindaan dan tafsiran kepada Rangka Kerja MFRS yang telah dikeluarkan oleh MASB dan akan berkuatkuasa dalam tempoh pelaporan kewangan masa depan. PIDM berhasrat untuk menerima pakai piawaian, penambahbaikan tahunan kepada piawaian dan *IC Interpretation* tersebut, jika berkenaan, apabila ia berkuat kuasa:

Deskripsi	Berkuatkuasa untuk tempoh tahunan bermula pada atau selepas
<i>Amendments to MFRS 121: Lack of Exchangeability</i>	1 Januari 2025
<i>Amendments to MFRS 10 and MFRS 128: Sale or Contribution of Assets between an Investor and its Associate or Joint Venture</i>	Ditunda kepada tarikh yang akan diumumkan oleh MASB
<i>Annual Improvements to MFRS Accounting Standards - Volume 11 (MFRS 1, MFRS 7, MFRS 9, MFRS 10 and MFRS 107)</i>	1 Januari 2026
<i>Amendments to MFRS 9 and MFRS 7: Classification and Measurement of Financial Instruments</i>	1 Januari 2026
<i>MFRS 18: Presentation and Disclosure in Financial Statements</i>	1 Januari 2027
<i>MFRS 19: Subsidiaries without Public Accountability: Disclosures</i>	1 Januari 2027

PIDM tidak menjangkakan bahawa penggunaan Piawaian yang disenaraikan di atas akan memberi kesan yang material ke atas penyata kewangan PIDM dalam tempoh masa hadapan.

3. Penilaian dan Anggaran Perakaunan Ketara

Penyediaan penyata kewangan PIDM secara amnya tidak memerlukan pihak Pengurusan membuat penilaian, anggaran dan andaian yang mempengaruhi amaun yang dilaporkan kecuali bagi perkara yang dibincangkan di bawah serta pendedahan liabiliti luar jangka pada tarikh pelaporan. Sekiranya penilaian diperlukan, ketidakpastian tentang andaian dan anggaran yang digunakan boleh menyebabkan hasil yang akan memerlukan pelarasan ketara terhadap amaun bawaan aset atau liabiliti berkenaan pada masa hadapan.

3.1 Penilaian yang dibuat dalam mengguna pakai polisi perakaunan

Bagi proses mengguna pakai polisi perakaunan PIDM, pihak Pengurusan, selain daripada perkara yang melibatkan anggaran, telah membuat penilaian berikut yang mempunyai kesan paling ketara ke atas amaun yang diiktiraf di dalam penyata kewangan:

(a) Tiada penggabungan hasil pelaburan dalam subsidiari-subsidiari

PIDM merupakan badan resolusi bagi semua institusi ahli dengan kuasa intervensi atau resolusi kegagalan yang luas. Subsidiari-subsidiari PIDM ini telah ditubuhkan untuk bertindak sebagai entiti bertujuan khas bagi membolehkan PIDM menjalankan aktiviti-aktiviti khusus berkenaan intervensi atau resolusi kegagalan dan bukan untuk tujuan pelaburan. Entiti bertujuan khas ini menepati definisi 'entiti berstruktur' sebagaimana yang ditakrif di dalam MFRS 12.

3. Penilaian dan Anggaran Perakaunan Ketara (Sambungan)

3.1 Penilaian yang dibuat dalam mengguna pakai polisi perakaunan (sambungan)

(a) Tiada penggabungan hasil pelaburan dalam subsidiari-subsidiari (sambungan)

Menurut MFRS 10 *Consolidated Financial Statements* ("MFRS 10"), penggabungan keputusan operasi subsidiari-subsidiari dengan syarikat induk diperlukan apabila syarikat induk mempunyai 'kawalan' ke atas subsidiari-subsidiarinya. Bagi wujudnya kawalan tersebut, pelabur perlu memenuhi kriteria berikut:

- (i) kuasa ke atas pelaburan;
- (ii) pendedahan, atau hak, terhadap pulangan serba berubah daripada penglibatannya dalam pelaburan tersebut; dan
- (iii) keupayaan untuk menggunakan kuasanya ke atas pelaburan untuk mempengaruhi jumlah pulangan pelabur.

Sebarang pulangan daripada subsidiari-subsidiari tersebut adalah untuk manfaat Kumpulan Dana Perlindungan masing-masing, yang akan digunakan untuk aktiviti intervensi atau resolusi kegagalan pada masa hadapan. PIDM, sebagai sebuah entiti, mempunyai pendedahan kewangan serta hak yang terhad kepada pulangan serba berubah daripada pelaburannya di dalam subsidiari-subsidiari tersebut. Sebaliknya, pendedahan kewangan serta hak kepada pulangan serba berubah tersebut dihubungkan secara langsung kepada Kumpulan Dana Perlindungan yang berkenaan. Walaupun PIDM mempunyai hak untuk menggunakan wang dalam Kumpulan Dana Perlindungan untuk menampung apa-apa perbelanjaan yang ditanggung dalam menjalankan operasinya, perbelanjaan ini adalah terhad dan ditadbir oleh Akta PIDM.

Menggabungkan penyata kewangan PIDM bersama-sama dengan subsidiari-subsidiari ini tidak akan memberikan maklumat yang bermakna dan gambaran yang benar serta saksama tentang kedudukan kewangan dan prestasi PIDM, kerana pendedahan kewangan dan akibat daripada sebarang intervensi dan resolusi kegagalan bagi mana-mana ahli institusi hanya akan memberi kesan secara langsung kepada Dana Perlindungan yang berkaitan sahaja.

Memandangkan perkara seperti di atas, kriteria untuk mempunyai 'kawalan' seperti yang ditakrifkan dalam MFRS 10 tidak dipenuhi, justeru penyata kewangan disatukan tidak disediakan. Walau bagaimanapun, ringkasan maklumat kewangan bagi setiap subsidiari dinyatakan di Nota 7 kepada penyata kewangan.

Sekiranya berlaku sebarang aktiviti intervensi dan resolusi kegagalan di masa hadapan, PIDM akan mendedahkan maklumat berikut selaras dengan keperluan MFRS 12, yang secara khusus menangani kepentingan dalam entiti berstruktur tidak disatukan:

- jenis dan tahap kepentingan dalam entiti berstruktur yang tidak disatukan; dan
- penilaian dan sebarang perubahan dalam risiko yang berkaitan dengan kepentingan tersebut.

(b) Klasifikasi aset kewangan – penilaian model perniagaan

Klasifikasi dan pengukuran aset kewangan bergantung kepada hasil penilaian model perniagaan dan ujian SPPI (rujuk Nota 2.2(a)). PIDM menentukan model perniagaan pada tahap yang mencerminkan kaedah pengurusan aset kewangan untuk mencapai matlamat perniagaan tertentu. Penilaian ini termasuk pertimbangan yang mencerminkan semua bukti yang relevan termasuk kaedah penilaian dan pengukuran prestasi aset serta cara risiko yang berkaitan dengan aset tersebut diuruskan. PIDM terus memantau kesesuaian model perniagaan yang diguna pakai bagi aset-aset ini bagi menentukan sama ada terdapat perubahan dalam model perniagaan serta perubahan prospektif kepada klasifikasi aset tersebut. Tiada perubahan diperlukan bagi tempoh pelaporan semasa.

(c) Komitmen pajakan

PIDM telah memeterai kontrak sewaan yang tidak boleh dibatalkan bagi penggunaan ruang pejabat dan pelbagai peralatan pejabat. PIDM telah menentukan, berdasarkan penilaian terhadap terma-terma dan syarat-syarat perjanjian, tempoh pajakan yang melibatkan sebahagian besar daripada hayat aset-aset dan tidak ada opsyen pembelian termasuk di dalam kontrak. Oleh kerana tiada pemindahan risiko dan ganjaran pemilikan aset-aset ini kepada PIDM, maka kontrak-kontrak ini diambil kira sebagai pajakan.

3. Penilaian dan Anggaran Perakaunan Ketara (Sambungan)

3.2 Sumber utama ketidakpastian anggaran

Andaian utama berkenaan masa hadapan dan sumber utama ketidakpastian anggaran lain pada tarikh pelaporan yang mempunyai risiko ketara dan yang boleh menyebabkan pelarasan ketara kepada amaun bawaan aset dan liabiliti dalam tahun kewangan berikutnya dibincangkan seperti di bawah:

Kerugian penjejasan nilai ke atas aset kewangan

Pengukuran kerugian penjejasan nilai di bawah MFRS 9 *Financial Instruments* ("MFRS 9") bagi semua kategori aset kewangan memerlukan pertimbangan. Khususnya, anggaran diperlukan bagi jumlah dan tempoh aliran tunai masa hadapan dan nilai cagaran apabila menentukan kerugian penjejasan nilai dan penilaian peningkatan risiko kredit yang ketara. Anggaran ini didorong oleh beberapa faktor yang mana perubahannya boleh menyebabkan tahap peruntukan yang berbeza.

Pengiraan ECL PIDM merupakan output model yang kompleks dengan beberapa anggapan pendasar mengenai pilihan input boleh ubah dan kebergantungannya. Unsur-unsur model ECL yang dianggap sebagai pertimbangan dan anggaran perakaunan termasuk:

- penentuan kriteria bagi peningkatan dalam risiko kredit yang ketara;
- pembangunan model ECL, termasuk pelbagai rumusan dan pilihan input;
- penetapan hubungan antara senario makroekonomi dan input ekonomi yang relevan kepada kelas aset kewangan, seperti KDNK, dan kesan terhadap PD, EAD dan LGD;
- pembahagian aset kewangan apabila ECL masing-masing dinilai secara kolektif; dan
- penentuan bilangan dan wajaran relatif bagi senario berpandangan ke hadapan, untuk mendapatkan anggaran ECL.

Apabila mengukur ECL, PIDM menggunakan maklumat berpandangan hadapan yang munasabah dan disokong, yang berdasarkan kepada andaian pergerakan KDNK pada masa hadapan.

LGD merupakan anggaran kerugian yang timbul dari peristiwa kegagalan. Ia adalah berdasarkan perbezaan antara aliran tunai berkontrak yang perlu dibayar dan yang dijangka akan diterima oleh PIDM, dengan mengambil kira aliran tunai daripada cagaran dan peningkatan kredit yang penting.

PD merupakan input utama dalam mengukur ECL. PD merupakan anggaran kebarangkalian berlakunya sesuatu kegagalan sepanjang tempoh masa tertentu, di mana pengiraannya merangkumi data sejarah serta andaian dan jangkaan keadaan masa hadapan.

Nota 22(c) menyatakan sumber sensitiviti utama ECL terhadap perubahan input dan andaian utama.

Rancangan manfaat ditentukan – Rancangan Persaraan Jangka Panjang

Obligasi LTRP, dikira berdasarkan unjuran kaedah kredit unit yang ditentukan oleh aktuari bertauliah. Penilaian aktuari adalah berdasarkan kepada pelbagai andaian yang mungkin berbeza dengan perkembangan sebenar pada masa hadapan. Andaian yang diguna-pakai termasuklah penentuan kadar diskaun, kenaikan gaji pada masa hadapan, kadar pusingan pekerja, kadar kematian dan kadar kehilangan upaya. Kesemua andaian akan disemak pada setiap tarikh pelaporan.

Aset berkaitan hak penggunaan dan liabiliti pajakan

Kedudukan aset berkaitan hak penggunaan dan liabiliti pajakan PIDM bergantung kepada penilaian semasa pihak Pengurusan terhadap jumlah pembayaran pajakan bagi tempoh pajakan yang dijangka dan berdasarkan andaian terhadap kadar peminjaman tambahan yang sesuai digunakan sebagai kadar diskaun.

3. Penilaian dan Anggaran Perakaunan Ketara (Sambungan)

3.2 Sumber utama ketidakpastian anggaran (sambungan)

Aset berkaitan hak penggunaan dan liabiliti pajakan (sambungan)

Ketidakpastian mengenai amaun bawaan ini berkaitan terutamanya kepada penilaian pihak Pengurusan terhadap kepastian munasabah dalam melaksanakan pelanjutan kontrak pajakan yang boleh diperbaharui. Disebabkan oleh ketidakpastian ini, terdapat kemungkinan bahawa, pada penghujung tempoh kontrak pajakan yang tidak boleh dibatalkan pada tarikh hadapan, hasil akhir mungkin berbeza menurut keputusan sebenar pelanjutan. Pihak pengurusan telah menilai dan yakin bahawa pelanjutan untuk pembaharuan akan dilaksanakan dan telah mencerminkan andaian dalam pengukuran aset berkaitan hak penggunaan dan liabiliti pajakan. Andaian tersebut dinilai secara minimum, pada setiap tarikh pelaporan atau apabila terdapat petunjuk yang mungkin menyebabkan perubahan dalam andaian.

4. Tunai dan Kesetaraan Tunai

a. Baki pada akhir tahun kewangan

	2024		
	Jumlah RM'000	DIFs RM'000	TIPFs RM'000
Akaun-akaun perbankan operasi	3,252	2,776	476
Penempatan dalam deposit pasaran wang jangka pendek dan deposit tetap	105,352	88,857	16,495
Jumlah tunai dan kesetaraan tunai	108,604	91,633	16,971

	2023		
	Jumlah RM'000	DIFs RM'000	TIPFs RM'000
Akaun-akaun perbankan operasi	3,320	2,232	1,088
Penempatan dalam deposit pasaran wang jangka pendek dan deposit tetap	99,824	85,763	14,061
Jumlah tunai dan kesetaraan tunai	103,144	87,995	15,149

4. Tunai dan Kesetaraan Tunai (Sambungan)

b. Penyata Aliran Tunai (kaedah tidak langsung)

	2024		
	Jumlah RM'000	DIFs RM'000	TIPFs RM'000
ALIRAN TUNAI DARIPADA AKTIVITI OPERASI			
Lebihan bersih operasi bagi tahun semasa	758,345	583,141	175,204
<i>Pelarasan bagi:</i>			
Susut nilai hartanah dan peralatan	4,905	3,810	1,095
Susut nilai aset berkaitan hak penggunaan	4,840	3,770	1,070
Kos kewangan pajakan	414	322	92
Hartanah dan peralatan dihapus kira	45	35	10
Keuntungan dari pelupusan hartanah dan peralatan	(34)	(26)	(8)
Peruntukan kerugian kredit dijangka	10	8	2
Lebihan bersih diselaraskan sebelum perubahan dalam modal kerja	768,525	591,060	177,465
Perubahan dalam akaun belum bayar	785	363	422
Perubahan dalam aset lain	(9,251)	(5,767)	(3,484)
Pertambahan/pelunasan bersih bagi sekuriti pelaburan	36,067	24,844	11,223
Aliran tunai bersih dijana daripada aktiviti operasi	796,126	610,500	185,626
ALIRAN TUNAI DARIPADA AKTIVITI PELABURAN			
Hasil daripada kematangan sekuriti pelaburan	1,194,280	714,640	479,640
Pembelian sekuriti pelaburan	(1,972,971)	(1,312,161)	(660,810)
Hasil daripada pelupusan hartanah dan peralatan	4	3	1
Pembelian hartanah dan peralatan	(6,908)	(5,418)	(1,490)
Aliran tunai bersih digunakan dalam aktiviti pelaburan	(785,595)	(602,936)	(182,659)
ALIRAN TUNAI DARIPADA AKTIVITI KEWANGAN			
Pembayaran balik prinsipal liabiliti pajakan	(4,657)	(3,604)	(1,053)
Kos kewangan pajakan	(414)	(322)	(92)
Aliran tunai bersih digunakan dalam aktiviti kewangan	(5,071)	(3,926)	(1,145)
Peningkatan bersih dalam tunai dan kesetaraan tunai	5,460	3,638	1,822
Tunai dan kesetaraan tunai pada awal tahun	103,144	87,995	15,149
Tunai dan kesetaraan tunai pada akhir tahun	108,604	91,633	16,971

4. Tunai dan Kesetaraan Tunai (Sambungan)

b. Penyata Aliran Tunai (kaedah tidak langsung) (sambungan)

	2023		
	Jumlah RM'000	DIFs RM'000	TIPFs RM'000
ALIRAN TUNAI DARIPADA AKTIVITI OPERASI			
Lebihan bersih operasi bagi tahun semasa	730,765	566,902	163,863
<i>Pelarasan bagi:</i>			
Susut nilai hartanah dan peralatan	4,716	3,616	1,100
Susut nilai aset berkaitan hak penggunaan	3,942	3,187	755
Kos kewangan pajakan	397	321	76
Keuntungan dari pelupusan hartanah dan peralatan	(63)	(52)	(11)
Peruntukan kerugian kredit dijangka	10	8	2
Lebihan bersih diselaraskan sebelum perubahan dalam modal kerja	739,767	573,982	165,785
Perubahan dalam akaun belum bayar	(1,547)	(1,252)	(295)
Perubahan dalam aset lain	(16,449)	(10,458)	(5,991)
Pertambahan/pelunasan bersih bagi sekuriti pelaburan	65,618	44,126	21,492
Aliran tunai bersih dijana daripada aktiviti operasi	787,389	606,398	180,991
ALIRAN TUNAI DARIPADA AKTIVITI PELABURAN			
Hasil daripada penjualan sekuriti pelaburan	2,365,560	1,440,940	924,620
Pembelian sekuriti pelaburan	(3,106,407)	(2,007,646)	(1,098,761)
Hasil daripada pelupusan hartanah dan peralatan	65	53	12
Pembelian hartanah dan peralatan	(7,434)	(5,772)	(1,662)
Aliran tunai bersih digunakan dalam aktiviti pelaburan	(748,216)	(572,425)	(175,791)
ALIRAN TUNAI DARIPADA AKTIVITI KEWANGAN			
Pembayaran balik prinsipal liabiliti pajakan	(4,195)	(3,583)	(612)
Kos kewangan pajakan	(397)	(321)	(76)
Aliran tunai bersih digunakan dalam aktiviti kewangan	(4,592)	(3,904)	(688)
Peningkatan bersih dalam tunai dan kesetaraan tunai	34,581	30,069	4,512
Tunai dan kesetaraan tunai pada awal tahun	68,563	57,926	10,637
Tunai dan kesetaraan tunai pada akhir tahun	103,144	87,995	15,149

5. Pelaburan

	Nota	2024		
		Jumlah RM'000	DIFs RM'000	TIPFs RM'000
Sekuriti Kerajaan Malaysia dan Terbitan Pelaburan Kerajaan		5,948,395	3,969,704	1,978,691
Sekuriti Hutang Swasta		1,226,628	805,753	420,875
		7,175,023	4,775,457	2,399,566
Tambah: Pertambahan diskaun selepas pelunasan premium		(22,012)	(17,744)	(4,268)
Jumlah pelaburan pada kos yang dilunaskan		7,153,011	4,757,713	2,395,298
Tolak: Peruntukan kerugian kredit dijangka	16(i)	(22)	(16)	(6)
Jumlah pelaburan bersih		7,152,989	4,757,697	2,395,292

	Nota	2023		
		Jumlah RM'000	DIFs RM'000	TIPFs RM'000
Sekuriti Kerajaan Malaysia dan Terbitan Pelaburan Kerajaan		5,657,057	3,716,479	1,940,578
Sekuriti Hutang Swasta		790,363	493,253	297,110
		6,447,420	4,209,732	2,237,688
Tambah: Pertambahan diskaun selepas pelunasan premium		(37,173)	(24,596)	(12,577)
Jumlah pelaburan pada kos yang dilunaskan		6,410,247	4,185,136	2,225,111
Tolak: Peruntukan kerugian kredit dijangka	16(i)	(18)	(13)	(5)
Jumlah pelaburan bersih		6,410,229	4,185,123	2,225,106

Penjelasan nilai pelaburan

Tiada perubahan dalam teknik anggaran atau andaian ketara telah dibuat dalam tempoh pelaporan semasa bagi menilai peruntukan kerugian bagi aset kewangan ini.

Jangkaan peningkatan risiko kredit pelaburan

PIDM terus memantau dan menilai kesan prospek semasa dan masa hadapan bagi persekitaran ekonomi dan operasi kepada risiko kredit pelaburannya.

Nota 16(i) dan Nota 22(c) memperincikan amaun bawaan kasar, peruntukan kerugian serta asas pengukuran kerugian kredit yang dijangka bagi setiap aset kewangan tersebut mengikut gred penilaian risiko kredit masing-masing.

6. Aset Lain

	Nota	2024		
		Jumlah RM'000	DIFs RM'000	TIPFs RM'000
a. Aset kewangan				
Pendapatan pelaburan belum terima		70,734	46,726	24,008
Deposit		2,333	2,066	267
Akaun belum terima lain		6	5	1
		73,073	48,797	24,276
Tolak: Peruntukan kerugian kredit dijangka	16(i)	(6)	(5)	(1)
Jumlah sub aset kewangan		73,067	48,792	24,275
b. Aset bukan kewangan				
Prabayaran		4,161	3,055	1,106
Aset bukan kewangan lain		213	154	59
Jumlah sub aset bukan kewangan		4,374	3,209	1,165
Jumlah aset lain		77,441	52,001	25,440

	Nota	2023		
		Jumlah RM'000	DIFs RM'000	TIPFs RM'000
a. Aset kewangan				
Pendapatan pelaburan belum terima		61,561	40,710	20,851
Deposit		2,320	2,056	264
Akaun belum terima lain		-	-	-
Jumlah sub aset kewangan		63,881	42,766	21,115
b. Aset bukan kewangan				
Prabayaran		4,096	3,132	964
Aset bukan kewangan lain		213	154	59
Jumlah sub aset bukan kewangan		4,309	3,286	1,023
Jumlah aset lain		68,190	46,052	22,138

Penjelasan nilai aset kewangan lain

Tiada perubahan dalam teknik anggaran atau andaian ketara telah dibuat dalam tempoh pelaporan semasa bagi menilai peruntukan kerugian bagi aset kewangan ini.

Jangkaan peningkatan risiko kredit aset kewangan lain

Nota 16(i) dan Nota 22(c) memperincikan amaun bawaan kasar, peruntukan kerugian serta asas pengukuran kerugian kredit yang dijangka bagi setiap aset kewangan tersebut mengikut gred penilaian risiko kredit masing-masing.

7. Pelaburan dalam Subsidiari-subsidiari

	2024		
	Jumlah RM'000	DIFs RM'000	TIPFs RM'000
Kos			
Saham tidak tersenarai	—*	—*	—*
Jumlah pelaburan dalam subsidiari-subsidiari	—*	—*	—*

	2023		
	Jumlah RM'000	DIFs RM'000	TIPFs RM'000
Kos			
Saham tidak tersenarai	—*	—*	—*
Jumlah pelaburan dalam subsidiari-subsidiari	—*	—*	—*

* Jumlah modal berbayar sebanyak RM10 (RM2 untuk setiap lima subsidiari) adalah di bawah nilai bundaran.

Butir-butir subsidiari-subsidiari tersebut adalah seperti berikut:

Nama subsidiari	Negara diperbadankan	Aktiviti utama	Tarikh diperbadankan	Kepentingan pemilikan efektif	Status
The Federal Asset Management Agency of Malaysia Berhad**	Malaysia	Syarikat pengurusan aset	8 Jun 2012	100%	Dorman
The Federal Commercial Bank of Malaysia Berhad**	Malaysia	Institusi perantara	22 Jun 2012	100%	Dorman
The Federal Islamic Bank of Malaysia Berhad**	Malaysia	Institusi perantara	22 Jun 2012	100%	Dorman
The National PIDM Insurance Corporation of Malaysia Berhad **	Malaysia	Institusi perantara	20 Jun 2012	100%	Dorman
The Federal Takaful Corporation of Malaysia Berhad**	Malaysia	Institusi perantara	22 Jun 2012	100%	Dorman

** Diaudit oleh firma audit luaran, Tetuan Khairuddin Hasyudeen & Razi.

Nama para Pengarah yang berkhidmat dalam tahun kewangan berakhir 31 Disember 2024 untuk semua subsidiari ialah:

- Encik Rafiz Azuan bin Abdullah, Ketua Pegawai Eksekutif, PIDM
- Puan Lee Yee Ming, Naib Presiden Eksekutif, PIDM

7. Pelaburan dalam Subsidiari-subsidiari (Sambungan)

Selaras dengan mandat PIDM serta menurut seksyen 10 Akta PIDM, subsidiari-subsidiari ini telah diperbadankan untuk bertindak sebagai entiti bertujuan khas untuk melaksanakan aktiviti-aktiviti khusus berkenaan intervensi atau resolusi kegagalan apabila perlu. Lima buah subsidiari ini, iaitu sebuah syarikat pengurusan aset dan empat institusi perantara, telah diperbadankan di bawah Akta Syarikat 1965 sebagai syarikat awam berhad menurut syer. Subsidiari-subsidiari tersebut diperbadankan awal sebelum berlakunya sebarang kegagalan institusi ahli, dan oleh itu akan kekal dormant sehingga diaktifkan untuk pelaksanaan aktiviti intervensi atau resolusi kegagalan yang diperlukan.

Objektif dan tujuan khusus subsidiari-subsidiari tersebut adalah seperti berikut:

Nama subsidiari	Objektif / Tujuan
The Federal Asset Management Agency of Malaysia Berhad	Subsidiari ini telah ditubuhkan untuk menjalankan perniagaan sebagai sebuah syarikat pengurusan aset dan mempunyai kuasa untuk memperoleh, mengambil alih kawalan, mengurus, melupuskan, menjual, berurusan dengan, mengurus niaga dan beroperasi secara usaha berterusan atau sebaliknya, aset, liabiliti, urus niaga, aku janji dan hal ehwal institusi ahli sebagaimana yang ditakrifkan dalam Akta PIDM, sama ada melalui pengurusan, perjanjian, instrumen, atau selainnya menurut Akta PIDM dan mana-mana undang-undang lain yang berkenaan.
<u>Institusi perantara</u> Institusi perantara merupakan sebuah medium resolusi di bawah Akta PIDM yang membolehkan PIDM untuk memindahkan urus niaga, aset dan liabiliti institusi ahli yang bermasalah atau mengalami kegagalan kepada institusi perantara, apabila tidak ada pembeli serta-merta atau apabila tindakan resolusi melibatkan institusi ahli yang kompleks. Institusi perantara ini bertujuan sebagai institusi khas sementara untuk memelihara nilai francais perniagaan institusi ahli yang bermasalah atau mengalami kegagalan. Institusi perantara ini akan beroperasi secara konservatif, dan kemudiannya dijual kepada pembeli sektor swasta. Setelah pengaktifan dan penubuhan sesebuah institusi perantara di bawah Akta PIDM dengan kelulusan Menteri Kewangan, institusi perantara tersebut akan beroperasi sebagai sebuah institusi kewangan berlesen penuh.	
The Federal Commercial Bank of Malaysia Berhad	Subsidiari ini, apabila diaktifkan, akan beroperasi sebagai sebuah bank berlesen untuk menjalankan dan menguruskan semua urus niaga perbankan komersial seperti yang ditakrifkan dalam Akta Perkhidmatan Kewangan 2013.
The Federal Islamic Bank of Malaysia Berhad	Subsidiari ini, apabila diaktifkan, akan beroperasi sebagai sebuah bank Islam berlesen untuk menjalankan dan menguruskan semua urus niaga perbankan Islam seperti yang ditakrifkan dalam Akta Perkhidmatan Kewangan Islam 2013.
The National PIDM Insurance Corporation of Malaysia Berhad	Subsidiari ini, apabila diaktifkan, akan beroperasi sebagai sebuah syarikat insurans berlesen untuk menjalankan atau menguruskan semua urus niaga insurans, jaminan dan indemniti seperti yang ditakrifkan dalam Akta Perkhidmatan Kewangan 2013.
The Federal Takaful Corporation of Malaysia Berhad	Subsidiari ini, apabila diaktifkan, akan beroperasi sebagai sebuah pengendali Takaful berlesen untuk menjalankan atau menguruskan semua jenis urus niaga Takaful dan takaful semula seperti yang ditakrifkan dalam Akta Perkhidmatan Kewangan Islam 2013.

Selaras dengan seksyen 35 Akta PIDM, keputusan kewangan subsidiari-subsidiari tidak digabungkan dengan penyata kewangan PIDM. Penyediaan penyata kewangan gabungan PIDM dan subsidiari-subsidiarinya tidak akan memberikan maklumat yang berguna dan gambaran yang benar dan saksama mengenai kedudukan dan prestasi kewangan PIDM. Ini adalah kerana pendedahan kewangan serta kesan pelaksanaan sebarang intervensi atau resolusi kegagalan sesebuah institusi ahli akan hanya memberi kesan kepada Kumpulan Dana tertentu yang berkaitan dengan institusi ahli tersebut.

Maklumat lanjut boleh didapati di Nota 3.1(a).

7. Pelaburan dalam Subsidiari-subsidiari (Sambungan)

Di masa subsidiari-subsidiari kekal dormant, perbelanjaan pentadbiran akan ditanggung secara terus oleh PIDM diperingkat korporat. Butiran perbelanjaan pentadbiran subsidiari-subsidiari adalah seperti berikut:

Butiran perbelanjaan	2024 RM	2023 RM
Yuran audit	21,060	20,670
Yuran perunding setiausaha syarikat	24,858	19,662
Jumlah perbelanjaan subsidiari-subsidiari	45,918	40,332

Perbelanjaan pentadbiran subsidiari-subsidiari termasuk dalam perbelanjaan operasi dan pentadbiran seperti dinyatakan dalam Nota 16 dalam fi penasihat dan perundingan.

8. Hartanah dan Peralatan

	2024							
	Tanah RM'000	Bangunan RM'000	Peralatan pejabat dan sistem komputer RM'000	Perabot dan kelengkapan RM'000	Kenderaan bermotor RM'000	Ubah suai pejabat RM'000	Aset masih dalam pembinaan* RM'000	Jumlah RM'000
Kos								
Baki pada 1 Januari	4,718	16,952	54,850	3,710	925	10,418	2,820	94,393
Penambahan	-	-	322	-	-	82	5,990	6,394
Reklasifikasi	-	-	2,851	842	-	2,514	(6,207)	-
Pelupusan	-	-	(185)	(1,417)	-	(1,054)	-	(2,656)
Hapus kira	-	(2)	(3,548)	(94)	-	(6,500)	(45)	(10,189)
Baki pada 31 Disember	4,718	16,950	54,290	3,041	925	5,460	2,558	87,942
Susut nilai terkumpul								
Baki pada 1 Januari	-	2,375	49,491	2,521	660	8,480	-	63,527
Caj bagi tahun semasa	-	337	3,574	310	58	626	-	4,905
Pelupusan	-	-	(184)	(1,417)	-	(1,054)	-	(2,655)
Hapus kira	-	-	(3,542)	(94)	-	(6,414)	-	(10,050)
Baki pada 31 Disember	-	2,712	49,339	1,320	718	1,638	-	55,727
Jumlah bawaan bersih pada 31 Disember	4,718	14,238	4,951	1,721	207	3,822	2,558	32,215

8. Hartanah dan Peralatan (Sambungan)

	2023							Jumlah RM'000
	Tanah RM'000	Bangunan RM'000	Peralatan pejabat dan sistem komputer RM'000	Perabot dan kelengkapan RM'000	Kenderaan bermotor RM'000	Ubah suai pejabat RM'000	Aset masih dalam pembinaan* RM'000	
Kos								
Baki pada 1 Januari	4,718	16,954	61,566	3,752	930	10,418	1,605	99,943
Penambahan	-	-	341	3	294	1	3,258	3,897
Reklasifikasi	-	-	2,043	-	-	-	(2,043)	-
Pelupusan	-	-	-	(35)	(299)	-	-	(334)
Persaraan	-	-	(9,015)	-	-	-	-	(9,015)
Hapus kira	-	(2)	(85)	(10)	-	(1)	-	(98)
Baki pada 31 Disember	4,718	16,952	54,850	3,710	925	10,418	2,820	94,393
Susut nilai terkumpul								
Baki pada 1 Januari	-	2,035	54,974	2,319	919	7,959	-	68,206
Caj bagi tahun semasa	-	340	3,573	241	40	522	-	4,716
Pelupusan	-	-	-	(34)	(299)	-	-	(333)
Persaraan	-	-	(9,015)	-	-	-	-	(9,015)
Hapus kira	-	-	(41)	(5)	-	(1)	-	(47)
Baki pada 31 Disember	-	2,375	49,491	2,521	660	8,480	-	63,527
Jumlah bawaan bersih pada 31 Disember								
	4,718	14,577	5,359	1,189	265	1,938	2,820	30,866

8. Hartanah dan Peralatan (Sambungan)

* Aset yang masih dalam pembinaan berjumlah RM2.6 juta (2023: RM2.8 juta), terdiri daripada:

	2024 RM'000	2023 RM'000
<i>Analytics Platform and Dashboards</i>	-	865
<i>Human Capital Management System ("HCMS")</i>	84	598
<i>Penambahbaikan Industry Portal System ("IPS")</i>	1,153	279
<i>Penyediaan Disaster Recovery ("DR") untuk IPS</i>	-	438
<i>Resolution Technology ("ResTech")</i>	-	322
<i>Reimbursement system – Request Management and Support System and Microsite</i>	158	238
<i>Pemodenan Sistem Penilaian Risiko ("RAS") 3</i>	1,075	-
<i>Lain-lain</i>	88	80
Jumlah	2,558	2,820

Pelupusan dan hapus kira aset

Pada tahun kewangan semasa, PIDM telah memindahkan operasi di Menara Axiata, Kuala Lumpur sepenuhnya ke Bangunan AICB, Kuala Lumpur. Sebagai sebahagian daripada perpindahan ini, PIDM telah melupuskan dan menghapus kira beberapa aset, yang menghasilkan keuntungan bersih sebanyak RM33,632.

Penilaian tanah dan bangunan

Tanah dan bangunan adalah berkenaan dengan pejabat PIDM di Subang ("pejabat PIDM Subang") (dahulu dikenali sebagai Pusat Pemulihan Bencana PIDM) yang dibina di atas tanah pegangan bebas milik PIDM dan mula beroperasi sejak tahun 2018, dan diukur pada kos pada tarikh laporan. Pada 31 Disember 2024, nilai saksama tanah dan bangunan ialah RM22 juta berdasarkan penilaian yang dijalankan pada Oktober 2024 oleh penilai bebas berdaftar. Nilai saksama tanah dan bangunan pegangan bebas ditentukan menggunakan kaedah pendekatan kos dan pendekatan perbandingan secara serentak. Ini bermakna penilaian yang dilakukan oleh penilai adalah berdasarkan harga pasaran aktif, diselaraskan dengan ketara untuk sekatan kebolehpasaran dan syarat-syarat lain yang berkaitan dengan tanah pegangan bebas dan bangunan.

PIDM akan melakukan penilaian terhadap tanah pegangan bebas secara berkala bagi memastikan nilai bawaan yang dinyatakan di dalam penyata kewangan kekal relevan tanpa sebarang tanda-tanda kemerosotan nilai. PIDM akan melaksanakan pertimbangannya bagi memastikan kaedah penilaian dan anggaran yang diguna pakai adalah sejajar dengan keadaan pasaran semasa.

8. Hartanah dan Peralatan (Sambungan)

Nilai saksama – Tahap 2

	2024		
	Tanah RM'000	Bangunan RM'000	Jumlah RM'000
Jumlah bawaan bersih pada 1 Januari	4,718	14,577	19,295
Jumlah bawaan bersih pada 31 Disember	4,718	14,238	18,956
Nilai saksama tanah dan bangunan pada 31 Disember			22,000

Input penilaian ketara yang boleh diperhatikan:

	2024 RM	2023 RM
Harga tanah dan bangunan bagi satu meter persegi	2,200-4,600	1,700-4,200

Penambahan/(pengurangan) ketara di dalam anggaran harga bagi setiap satu meter persegi akan menyebabkan nilai saksama yang ketara tinggi/(rendah).

Pejabat PIDM Subang adalah untuk kegunaan PIDM sendiri, dan oleh itu dalam menilai kemerosotan nilai, nilai tanah dan bangunan telah dinilai secara keseluruhannya. Jumlah nilai bawaan bersih tanah dan bangunan pada 31 Disember 2024 adalah lebih rendah daripada jumlah nilai saksama tanah dan bangunan seperti yang ditentukan melalui penilaian oleh penilai bebas. Oleh itu, tiada tanda-tanda kemerosotan nilai tanah dan bangunan pada tarikh laporan.

8. Hartanah dan Peralatan (Sambungan)

a. Kumpulan Dana Insurans Deposit

	2024							
	Tanah RM'000	Bangunan RM'000	Peralatan pejabat dan sistem komputer RM'000	Perabot dan kelengkapan RM'000	Kenderaan bermotor RM'000	Ubah suai pejabat RM'000	Aset masih dalam pembinaan* RM'000	Jumlah RM'000
Kos								
Baki pada 1 Januari	3,155	13,773	42,505	3,156	729	9,174	2,318	74,810
Penambahan	-	-	252	-	-	64	4,694	5,010
Reklasifikasi	-	-	2,323	650	-	1,962	(4,935)	-
Pelupusan	-	-	(136)	(1,367)	-	(949)	-	(2,452)
Hapus kira	-	(1)	(1,916)	(83)	-	(6,078)	(31)	(8,109)
Baki pada 31 Disember	3,155	13,772	43,028	2,356	729	4,173	2,046	69,259
Susut nilai terkumpul								
Baki pada 1 Januari	-	1,933	38,277	2,257	514	7,760	-	50,741
Caj bagi tahun semasa	-	274	2,795	229	47	465	-	3,810
Pelupusan	-	-	(133)	(1,366)	-	(952)	-	(2,451)
Hapus kira	-	-	(1,908)	(82)	-	(6,015)	-	(8,005)
Baki pada 31 Disember	-	2,207	39,031	1,038	561	1,258	-	44,095
Jumlah bawaan bersih pada 31 Disember	3,155	11,565	3,997	1,318	168	2,915	2,046	25,164

8. Hartanah dan Peralatan (Sambungan)

a. Kumpulan Dana Insurans Deposit (sambungan)

	2023							Jumlah RM'000
	Tanah RM'000	Bangunan RM'000	Peralatan pejabat dan sistem komputer RM'000	Perabot dan kelengkapan RM'000	Kenderaan bermotor RM'000	Ubah suai pejabat RM'000	Aset masih dalam pembinaan* RM'000	
Kos								
Baki pada 1 Januari	3,155	13,775	48,684	3,197	734	9,174	1,516	80,235
Penambahan	-	-	283	2	238	1	2,681	3,205
Reklasifikasi	-	-	1,879	-	-	-	(1,879)	-
Pelupusan	-	-	-	(34)	(243)	-	-	(277)
Persaraan	-	-	(8,276)	-	-	-	-	(8,276)
Hapus kira	-	(2)	(65)	(9)	-	(1)	-	(77)
Baki pada 31 Disember	3,155	13,773	42,505	3,156	729	9,174	2,318	74,810
Susut nilai terkumpul								
Baki pada 1 Januari	-	1,657	43,836	2,121	725	7,379	-	55,718
Caj bagi tahun semasa	-	276	2,751	175	32	382	-	3,616
Pelupusan	-	-	-	(34)	(243)	-	-	(277)
Persaraan	-	-	(8,276)	-	-	-	-	(8,276)
Hapus kira	-	-	(34)	(5)	-	(1)	-	(40)
Baki pada 31 Disember	-	1,933	38,277	2,257	514	7,760	-	50,741
Jumlah bawaan bersih pada 31 Disember	3,155	11,840	4,228	899	215	1,414	2,318	24,069

8. Hartanah dan Peralatan (Sambungan)

b. Kumpulan Dana Perlindungan Manfaat Takaful dan Insurans

	2024							Jumlah RM'000
	Tanah RM'000	Bangunan RM'000	Peralatan pejabat dan sistem komputer RM'000	Perabot dan kelengkapan RM'000	Kenderaan bermotor RM'000	Ubah suai pejabat RM'000	Aset masih dalam pembinaan* RM'000	
Kos								
Baki pada 1 Januari	1,563	3,179	12,345	554	196	1,244	502	19,583
Penambahan	-	-	70	-	-	18	1,296	1,384
Reklasifikasi	-	-	528	192	-	552	(1,272)	-
Pelupusan	-	-	(49)	(50)	-	(105)	-	(204)
Hapus kira	-	(1)	(1,632)	(11)	-	(422)	(14)	(2,080)
Baki pada 31 Disember	1,563	3,178	11,262	685	196	1,287	512	18,683
Susut nilai terkumpul								
Baki pada 1 Januari	-	442	11,214	264	146	720	-	12,786
Caj bagi tahun semasa	-	63	779	81	11	161	-	1,095
Pelupusan	-	-	(51)	(51)	-	(102)	-	(204)
Hapus kira	-	-	(1,634)	(12)	-	(399)	-	(2,045)
Baki pada 31 Disember	-	505	10,308	282	157	380	-	11,632
Jumlah bawaan bersih pada 31 Disember	1,563	2,673	954	403	39	907	512	7,051

8. Hartanah dan Peralatan (Sambungan)

b. Kumpulan Dana Perlindungan Manfaat Takaful dan Insurans (sambungan)

	2023							
	Tanah RM'000	Bangunan RM'000	Peralatan pejabat dan sistem komputer RM'000	Perabot dan kelengkapan RM'000	Kenderaan bermotor RM'000	Ubah suai pejabat RM'000	Aset masih dalam pembinaan* RM'000	Jumlah RM'000
Kos								
Baki pada 1 Januari	1,563	3,179	12,882	555	196	1,244	89	19,708
Penambahan	-	-	58	1	56	-	577	692
Reklasifikasi	-	-	164	-	-	-	(164)	-
Pelupusan	-	-	-	(1)	(56)	-	-	(57)
Persaraan	-	-	(739)	-	-	-	-	(739)
Hapus kira	-	-	(20)	(1)	-	-	-	(21)
Baki pada 31 Disember	1,563	3,179	12,345	554	196	1,244	502	19,583
Susut nilai terkumpul								
Baki pada 1 Januari	-	378	11,138	198	194	580	-	12,488
Caj bagi tahun semasa	-	64	822	66	8	140	-	1,100
Pelupusan	-	-	-	-	(56)	-	-	(56)
Persaraan	-	-	(739)	-	-	-	-	(739)
Hapus kira	-	-	(7)	-	-	-	-	(7)
Baki pada 31 Disember	-	442	11,214	264	146	720	-	12,786
Jumlah bawaan bersih pada 31 Disember	1,563	2,737	1,131	290	50	524	502	6,797

9. Aset Berkaitan Hak Penggunaan

PIDM memajak beberapa aset termasuk bangunan dan peralatan pejabat.

Perjanjian penyewaan PIDM untuk penggunaan ruang pejabat di Aras 12, 13, dan 16 Menara Axiata, Kuala Lumpur telah tamat tempoh pada 31 Disember 2024.

PIDM telah memeterai perjanjian penyewaan untuk penggunaan ruang pejabat di Aras 9 dan 10 Bangunan AICB, Kuala Lumpur. Perjanjian penyewaan tersebut bermula pada 1 Julai 2022 dan akan tamat pada 30 Jun 2025 dengan pilihan untuk memperbaharui pajakan selama 3 tahun lagi pada kadar sewa pasaran semasa.

PIDM juga telah memeterai perjanjian penyewaan baharu untuk penggunaan ruang pejabat di Aras 4, 5 dan 8 di Bangunan AICB, Kuala Lumpur. Perjanjian penyewaan tersebut bermula pada 1 Julai 2024 dan akan tamat pada 30 Jun 2028. Selain itu, PIDM juga mempunyai pilihan untuk memperbaharui pajakan selama 3 tahun lagi pada kadar sewa pasaran semasa.

Tiada klausa pilihan pembelian termasuk dalam kedua-dua perjanjian penyewaan. PIDM juga tidak dikenakan sekatan dengan memeterai perjanjian penyewaan ini.

a. Aset berkaitan hak penggunaan

	2024				
	Nota	Bangunan RM'000	Tempat letak kenderaan RM'000	Peralatan pejabat RM'000	Jumlah RM'000
Baki pada 1 Januari		8,308	291	100	8,699
Tambahan		4,570	492	46	5,108
Pengubahsuaian		-	(16)	-	(16)
Susut nilai	16	(4,606)	(165)	(69)	(4,840)
Jumlah bawaan bersih		8,272	602	77	8,951

	2023				
	Nota	Bangunan RM'000	Tempat letak kenderaan RM'000	Peralatan pejabat RM'000	Jumlah RM'000
Baki pada 1 Januari		9,357	321	147	9,825
Pertambahan		-	-	-	-
Pengubahsuaian		2,686	110	20	2,816
Susut nilai	16	(3,735)	(140)	(67)	(3,942)
Jumlah bawaan bersih		8,308	291	100	8,699

9. Aset Berkaitan Hak Penggunaan (Sambungan)

b. Perbelanjaan berkaitan pajakan yang dikenakan ke atas Keuntungan atau Kerugian

	Nota	2024		
		Jumlah RM'000	DIFs RM'000	TIPFs RM'000
Susut nilai aset berkaitan hak penggunaan	16	4,840	3,770	1,070
Kos kewangan pajakan	16	414	322	92
Perbelanjaan berkaitan pajakan bagi aset bernilai rendah dan jangka pendek*		5	4	1
Jumlah perbelanjaan berkaitan pajakan		5,259	4,096	1,163

	Nota	2023		
		Jumlah RM'000	DIFs RM'000	TIPFs RM'000
Susut nilai aset berkaitan hak penggunaan	16	3,942	3,187	755
Kos kewangan pajakan	16	397	321	76
Perbelanjaan berkaitan pajakan bagi aset bernilai rendah dan jangka pendek*		5	4	1
Jumlah perbelanjaan berkaitan pajakan		4,344	3,512	832

* Perbelanjaan berkaitan pajakan bagi aset bernilai rendah dan jangka pendek termasuk dalam perbelanjaan operasi dan pentadbiran yang dinyatakan dalam Nota 16 dalam bekalan pejabat, peralatan dan pelbagai.

Jumlah aliran keluar tunai untuk pajakan berjumlah RM5.1 juta (2023: RM4.6 juta), merangkumi kos kewangan pajakan sebanyak RM0.4 juta (2023: RM0.4 juta) dan pembayaran balik prinsipal liabiliti pajakan sebanyak RM4.7 juta (2023: RM4.2 juta). Rujuk kepada Penyata Aliran Tunai.

10. Liabiliti Pajakan

	2024		
	Jumlah RM'000	DIFs RM'000	TIPFs RM'000
Baki pada 1 Januari	9,525	7,181	2,344
Tambahan	5,108	3,983	1,125
Pembayaran balik prinsipal liabiliti pajakan	(4,657)	(3,604)	(1,053)
Pengubahsuaian kontrak pajakan	(16)	(13)	(3)
Baki pada 31 Disember	9,960	7,547	2,413

10. Liabiliti Pajak (Sambungan)

	2023		
	Jumlah RM'000	DIFs RM'000	TIPFs RM'000
Baki pada 1 Januari	10,904	8,489	2,415
Tambahan	-	-	-
Pembayaran balik prinsipal liabiliti pajak	(4,195)	(3,584)	(611)
Pengubahsuaian kontrak pajak	2,816	2,276	540
Baki pada 31 Disember	9,525	7,181	2,344

	2024 RM'000	2023 RM'000
Analisis kematangan		
Tidak melebihi 1 tahun	2,861	4,471
Melebihi 1 tahun dan tidak melebihi 5 tahun	7,828	5,764
	10,689	10,235

Analisis kematangan adalah berdasarkan jumlah obligasi aliran tunai pajak.

PIDM tidak menghadapi risiko kecairan yang ketara berkaitan dengan liabiliti pajakannya. PIDM telah mengadakan prosedur sistem kawalan dalaman dan rancangan luar jangkaan bagi mengurus risiko kecairan liabiliti pajakannya.

Pada tahun kewangan semasa, PIDM telah mengiktiraf pajak selama 4 tahun untuk menyewa ruang pejabat tambahan di Bangunan AICB bermula pada 1 Julai 2024. Agregat aliran keluar tunai masa hadapan yang mana PIDM akan didedahkan berhubung dengan perjanjian penyewaan ini ialah sebanyak RM1.1 juta setahun, untuk 4 tahun akan datang.

11. Akaun Belum Bayar

	Nota	2024		
		Jumlah RM'000	DIFs RM'000	TIPFs RM'000
a. Liabiliti kewangan				
Akaun belum bayar, mewakili jumlah liabiliti kewangan		182	141	41
b. Liabiliti bukan kewangan				
Akruan		4,531	3,577	954
Peruntukan cuti yang tidak terambil	i	2,086	1,624	462
Peruntukan Liabiliti Rancangan Persaraan Jangka Panjang	ii	7,504	5,834	1,670
Jumlah sub liabiliti bukan kewangan		14,121	11,035	3,086
Jumlah akaun belum bayar		14,303	11,176	3,127

11. Akaun Belum Bayar (Sambungan)

	Nota	2023		
		Jumlah RM'000	DIFs RM'000	TIPFs RM'000
a. Liabiliti kewangan				
Akaun belum bayar, mewakili jumlah liabiliti kewangan		361	295	66
b. Liabiliti bukan kewangan				
Akruan		5,779	4,719	1,060
Peruntukan cuti yang tidak terambil	i	2,063	1,670	393
Peruntukan Liabiliti Rancangan Persaraan Jangka Panjang	ii	5,315	4,129	1,186
Jumlah sub liabiliti bukan kewangan		13,157	10,518	2,639
Jumlah akaun belum bayar		13,518	10,813	2,705

i. Peruntukan cuti yang tidak terambil

	2024		
	Jumlah RM'000	DIFs RM'000	TIPFs RM'000
Baki pada 1 Januari	2,063	1,670	393
Penambahan bersih bagi tahun semasa	53	(23)	76
Pembayaran	(30)	(23)	(7)
Baki pada 31 Disember	2,086	1,624	462

	2023		
	Jumlah RM'000	DIFs RM'000	TIPFs RM'000
Baki pada 1 Januari	4,147	2,980	1,167
Pembalikan amaun tidak digunakan	(2,038)	(1,273)	(765)
Pembayaran	(46)	(37)	(9)
Baki pada 31 Disember	2,063	1,670	393

Peruntukan cuti yang tidak terambil berkaitan dengan amaun belum bayar bagi cuti tahunan pekerja yang di bawa ke hadapan dari tahun sebelumnya kerana ia belum diguna pada tahun semasa. Ia dikira berdasarkan gaji pokok yang diperolehi pada masa cuti diakru.

11. Akaun Belum Bayar (Sambungan)

ii. Peruntukan Rancangan Persaraan Jangka Panjang

	2024		
	Jumlah RM'000	DIFs RM'000	TIPFs RM'000
Jumlah peruntukan Rancangan Persaraan Jangka Panjang	7,504	5,834	1,670

	2023		
	Jumlah RM'000	DIFs RM'000	TIPFs RM'000
Jumlah peruntukan Rancangan Persaraan Jangka Panjang	5,315	4,129	1,186

PIDM melaksanakan satu rancangan manfaat tetap tanpa pendanaan yang dikenali sebagai LTRP pada 1 Januari 2016. LTRP memberi manfaat kepada pekerja yang telah tamat perkhidmatan di mana satu tahap jaminan pembayaran secara sekaligus akan diberikan berdasar gaji akhir pekerja. Pembayaran manfaat persaraan bergantung kepada tempoh perkhidmatan dan gaji pada tahun terakhir persaraan. Pada tarikh pelaporan, baki bagi peruntukan LTRP merangkumi manfaat terakru tetapi tidak diletak hak.

Jadual di bawah menunjukkan pengimbangan semula daripada baki permulaan kepada baki akhir bagi peruntukan LTRP dan komponennya:

	Jumlah		DIFs		TIPFs	
	2024 RM'000	2023 RM'000	2024 RM'000	2023 RM'000	2024 RM'000	2023 RM'000
Baki pada 1 Januari	5,315	4,217	4,129	3,241	1,186	976
Termasuk dalam keuntungan atau kerugian						
Kos perkhidmatan semasa	1,672	1,492	1,302	1,206	370	286
Kos faedah/ pembiayaan	245	225	191	182	54	43
Pembayaran faedah	(221)	(760)	(172)	(614)	(49)	(146)
Termasuk dalam pendapatan komprehensif lain						
Pengukuran semula	493	141	384	114	109	27
Baki pada 31 Disember	7,504	5,315	5,834	4,129	1,670	1,186

11. Akaun Belum Bayar (Sambungan)

ii. Peruntukan Rancangan Persaraan Jangka Panjang (sambungan)

Pengukuran semula LTRP adalah disebabkan perubahan kepada andaian kewangan dan pelarasan Rancangan Persaraan Jangka Panjang ini diwaktu tempoh penilaian-antara seperti yang dinilai oleh aktuari bertaualiah. Andaian utama aktuari pada tempoh akhir pelaporan (dinyatakan di dalam purata berwajaran) adalah termasuk kadar diskaun, pertumbuhan gaji pada masa depan, kadar pusing ganti pekerja, kadar kematian dan kadar kehilangan upaya. Kadar kematian adalah berdasarkan pada terbitan terkini *Malaysian Assured Lives 2011-2015 Table (M1115)* yang digunakan dalam industri insurans. Kadar kehilangan upaya yang digunakan adalah 10% daripada kadar kematian.

Liabiliti bersih yang dinyatakan di atas adalah berkait dengan pelan tanpa pendanaan, seperti yang dinyatakan berikut:

	2024 RM'000	2023 RM'000
Nilai saksama bagi aset rancangan		
Nilai semasa obligasi tanpa pendanaan	7,504	5,315

12. Kumpulan Dana dan Rizab

a. Kumpulan Dana Insurans Deposit

Lebihan terkumpul

	2024		
	Jumlah RM'000	Insurans Deposit Konvensional RM'000	Insurans Deposit Islam RM'000
Baki pada 1 Januari	4,332,216	3,396,257	935,959
Lebihan bersih	582,757	405,749	177,008
Baki pada 31 Disember	4,914,973	3,802,006	1,112,967

	2023		
	Jumlah RM'000	Insurans Deposit Konvensional RM'000	Insurans Deposit Islam RM'000
Baki pada 1 Januari	3,765,428	2,991,960	773,468
Lebihan bersih	566,788	404,297	162,491
Baki pada 31 Disember	4,332,216	3,396,257	935,959

12. Kumpulan Dana dan Rizab (Sambungan)

a. Kumpulan Dana Insurans Deposit (sambungan)

Lebih terkumpul (sambungan)

DIF ialah rizab terkumpul (dana *ex-ante*) untuk menampung kerugian bersih dijangka yang timbul daripada perlindungan insurans deposit kepada pendeposit. Selaras dengan Akta PIDM, PIDM menyenggara DIF berasingan bagi kedua-dua DIS Konvensional dan Islam. DIF terkumpul daripada lebihan bersih tahunan, yang merupakan hasil premium dan pendapatan dan pulangan pelaburan yang diperoleh bersih dari jumlah perbelanjaan yang ditanggung berdasarkan kepada nisbah jumlah pendapatan yang diperoleh bagi setiap Dana Perlindungan bagi tahun tertentu.

Pada 2023, PIDM telah menyemak semula Rangka Kerja Dana Sasarannya bagi selaras dengan penambahbaikan yang dilakukan ke atas rangka kerja dan pendekatan intervensi dan resolusi PIDM. Sehubungan dengan itu, PIDM telah menerima pakai jajaran Dana Sasaran yang telah disemak semula untuk DIF iaitu antara 1.5% dan 1.8% daripada Jumlah Deposit Diinsuranskan (*Total Insured Deposits - "TID"*) untuk DIF Konvensional dan Islam. PIDM akan mengkalibrasi semula jangka masa untuk mencapai tahap Dana Sasaran untuk DIF, bersama-sama dengan pelaksanaan Rangka Kerja Sistem Premium Berbeza yang disemak semula pada 2025.

Baki semasa DIF pada 31 Disember 2024 sebagai peratusan TID dan perbandingan kepada jajaran Dana Sasaran yang telah disemak semula (berdasarkan TID pada 31 Disember 2023) dinyatakan dalam jadual berikut:

	Dana Sasaran		
	2024 sebenar RM juta	Jajaran rendah RM juta	Jajaran tinggi RM juta
Kumpulan Dana Insurans Deposit			
Dana Insurans Deposit Konvensional			
Peratus TID	0.76%	1.50%	1.80%
Baki	3,802	7,463	8,955
Dana Insurans Deposit Islam			
Peratus TID	0.57%	1.50%	1.80%
Baki	1,113	2,909	3,491

PIDM sentiasa menyemak dana sasaran dan pentadbiran premium termasuk menilai kewajaran jangka masa untuk mencapai tahap Dana Sasaran.

12. Kumpulan Dana dan Rizab (Sambungan)

b. Kumpulan Dana Perlindungan Manfaat Takaful dan Insurans

Lebih terkumpul

	2024				
	Jumlah RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000
Baki pada 1 Januari	2,265,869	1,429,889	677,448	46,207	112,325
Lebihan bersih	175,095	51,962	94,510	8,723	19,900
Baki pada 31 Disember	2,440,964	1,481,851	771,958	54,930	132,225

	2023				
	Jumlah RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000
Baki pada 1 Januari	2,102,033	1,386,739	580,767	39,099	95,428
Lebihan bersih	163,836	43,150	96,681	7,108	16,897
Baki pada 31 Disember	2,265,869	1,429,889	677,448	46,207	112,325

Pada 2023, PIDM telah menyemak semula Rangka Kerja Dana Sasaran untuk TIFP yang mengambil kira perkembangan terkini dalam pendekatan resolusi kepada ahli penginsurans yang menekankan kepada memastikan kesinambungan perlindungan insurans dan takaful serta meminimumkan halangan kepada industri.

Walaupun semakan dan penentukuran semula Dana Sasaran untuk TIFP telah dijalankan dengan cara yang sama seperti DIF, PIDM telah menilai Dana Sasaran untuk TIFP secara disatukan dengan mengagregatkan kerugian bersih semua Dana Perlindungan individu untuk mencapai tahap and jajaran Dana Sasaran yang disatukan. Sehubungan dengan itu, PIDM telah menerima pakai jajaran Dana Sasaran yang disatukan yang telah disemak semula untuk TIFP iaitu antara 0.3% dan 1.0% daripada jumlah liabiliti insurans atau takaful. PIDM akan mengkalibrasi semula jangka masa untuk mencapai tahap Dana Sasaran untuk TIFP, bersama-sama dengan semakan kepada Rangka Kerja Sistem Levi Berbeza, yang dirancang untuk pelaksanaan pada tahun 2026.

Baki semasa TIFP pada 31 Disember 2024 dan jajaran Dana Sasaran yang telah disemak semula untuk TIFP dinyatakan dalam jadual berikut:

	2024 sebenar RM juta	Jajaran rendah RM juta	Jajaran tinggi RM juta
Dana Perlindungan Insurans Am	1,482	63	209
Dana Perlindungan Insurans Hayat	772	763	2,544
Dana Perlindungan Takaful Am	55	20	66
Dana Perlindungan Takaful Keluarga	132	127	422

PIDM sentiasa menyemak dana sasaran dan pentadbiran levi termasuk menilai kewajaran jangka masa untuk mencapai tahap Dana Sasaran.

13. Hasil Premium dan Levi

a. Hasil premium daripada bank ahli

	2024		
	Jumlah RM'000	Insurans Deposit Konvensional RM'000	Insurans Deposit Islam RM'000
Premium pertama	500	250	250
Premium tahunan	508,221	342,824	165,397
Jumlah hasil premium daripada bank ahli	508,721	343,074	165,647

	2023		
	Jumlah RM'000	Insurans Deposit Konvensional RM'000	Insurans Deposit Islam RM'000
Premium pertama	250	250	-
Premium tahunan	525,395	365,723	159,672
Jumlah hasil premium daripada bank ahli	525,645	365,973	159,672

Kadar premium yang dikenakan bank-bank ahli dikenakan menurut Perintah Perbadanan Insurans Deposit Malaysia (Kadar bagi Premium Pertama dan Premium Tahunan dikenakan dengan Anggota Penerima Deposit) 2023.

i. Kadar premium tahunan di bawah Sistem Premium Berbeza

KATEGORI PREMIUM	KADAR PREMIUM	JUMLAH PREMIUM TAHUNAN MINIMUM (RM)
1	0.06%	100,000
2	0.12%	200,000
3	0.24%	400,000
4	0.48%	800,000

Jika suatu bank ahli dikelaskan dalam kategori premium yang berbeza bagi deposit Islam diinsuranskan dan deposit konvensional diinsuranskan, kadar premium tahunan yang akan dikenakan adalah mengikut kadar premium bagi kategori premium deposit masing-masing.

ii. Kadar bagi premium pertama

Sebuah bank ahli baharu [sebagaimana yang ditakrifkan di dalam Peraturan-Peraturan Perbadanan Insurans Deposit Malaysia (Sistem Premium Berbeza dikenakan dengan Anggota Penerima Deposit) 2023] yang memegang deposit Islam diinsuranskan atau deposit konvensional diinsuranskan, kadar premium pertama bank ahli itu adalah sama dengan kadar premium untuk kategori premium 1, tertakluk kepada premium pertama minimum sebanyak RM250,000.

13. Hasil Premium dan Levi (Sambungan)

b. Hasil levi daripada ahli penginsurans

	2024				
	Jumlah RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000
Levi tahunan, mewakili jumlah ahli penginsurans	116,809	6,937	83,601	8,027	18,244

	2023				
	Jumlah RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000
Levi tahunan, mewakili jumlah hasil levi daripada ahli penginsurans	117,745	5,790	88,967	6,729	16,259

i. Kadar levi di bawah Sistem Levi Berbeza bagi ahli penginsurans

Kadar levi yang dikenakan ke atas ahli penginsurans adalah ditentukan mengikut Perintah Perbadanan Insurans Deposit Malaysia (Kadar bagi Levi Pertama dan Levi Tahunan dikenakan dengan Anggota Penanggung Insurans) 2023 berdasarkan kategori levi di mana ahli penginsurans tersebut telah diklasifikasikan. Kadar levi yang ditaksir ke atas ahli penginsurans adalah seperti berikut:

KATEGORI LEVI	INSURANS		TAKAFUL	
	AM	HAYAT	AM	KELUARGA
1	0.025%	0.025%	0.100%	0.025%
2	0.050%	0.050%	0.200%	0.050%
3	0.100%	0.100%	0.400%	0.100%
4	0.200%	0.200%	0.800%	0.200%

13. Hasil Premium dan Levi (Sambungan)

b. Hasil levi daripada ahli penginsurans (sambungan)

ii. Kadar levi minimum tahunan di bawah Sistem Levi Berbeza bagi ahli penginsurans

Pungutan tahunan levi yang perlu dibayar untuk tahun 2024 dikenakan pungutan minimum berdasarkan kategori pungutannya seperti berikut:

KATEGORI LEVI	AMAUN LEVI MINIMUM TAHUNAN (RM)			
	INSURANS		TAKAFUL	
	AM	HAYAT	AM	KELUARGA
1	25,000		75,000	
2			150,000	
3			300,000	
4			600,000	

iii. Kadar levi pertama yang perlu dibayar

Levi yang perlu dibayar oleh ahli penginsurans baru [sebagaimana yang ditakrifkan di dalam Peraturan-Peraturan Perbadanan Insurans Deposit Malaysia (Sistem Levi Berbeza berkenaan dengan Anggota Penanggung Insurans) 2023] untuk tahun taksiran pertama dimana ia menjadi ahli institusi adalah sama dengan kadar levi untuk kategori premium 1, tertakluk kepada levi pertama minimum sebanyak RM250,000.

14. Pendapatan Pelaburan dan Pulangan daripada Kesetaraan Tunai dan Sekuriti Pelaburan

a. Pendapatan pelaburan dan pulangan mengikut kelas aset

	2024		
	Jumlah RM'000	DIFs RM'000	TIPFs RM'000
Sekuriti Kerajaan Malaysia dan Terbitan Pelaburan Kerajaan ("MGS & GII")	207,811	137,674	70,137
Sekuriti Hutang Swasta	41,034	26,663	14,371
Jumlah sub pendapatan pelaburan daripada sekuriti pelaburan	248,845	164,337	84,508
Penempatan dalam deposit pasaran wang jangka pendek dan deposit tetap	3,767	3,008	759
Jumlah pendapatan pelaburan dan pulangan daripada kesetaraan tunai dan sekuriti pelaburan	252,612	167,345	85,267

14. Pendapatan Pelaburan dan Pulangan daripada Kesetaraan Tunai dan Sekuriti Pelaburan (Sambungan)

a. Pendapatan pelaburan dan pulangan mengikut kelas aset (sambungan)

	2023		
	Jumlah RM'000	DIFs RM'000	TIPFs RM'000
Sekuriti Kerajaan Malaysia dan Terbitan Pelaburan Kerajaan ("MGS & GII")	176,245	115,132	61,113
Sekuriti Hutang Swasta	19,358	12,533	6,825
Jumlah sub pendapatan pelaburan daripada sekuriti pelaburan	195,603	127,665	67,938
Penempatan dalam deposit pasaran wang jangka pendek dan deposit tetap	3,333	2,678	655
Jumlah pendapatan pelaburan dan pulangan daripada kesetaraan tunai dan sekuriti pelaburan	198,936	130,343	68,593

b. Pendapatan pelaburan dan pulangan mengikut jenis pulangan pelaburan

	2024		
	Jumlah RM'000	DIFs RM'000	TIPFs RM'000
Kupon dan kadar keuntungan daripada sekuriti pelaburan	268,828	179,033	89,795
Pulangan daripada pertambahan diskaun ke atas sekuriti pelaburan (bersih daripada pelunasan premium)	(19,983)	(14,696)	(5,287)
Jumlah sub pendapatan pelaburan daripada sekuriti pelaburan	248,845	164,337	84,508
Pulangan daripada penempatan dalam pasaran wang jangka pendek dan deposit tetap	3,767	3,008	759
Jumlah pendapatan pelaburan dan pulangan daripada kesetaraan tunai dan sekuriti pelaburan	252,612	167,345	85,267

14. Pendapatan Pelaburan dan Pulangan daripada Kesetaraan Tunai dan Sekuriti Pelaburan (Sambungan)

b. Pendapatan pelaburan dan pulangan mengikut jenis pulangan pelaburan (sambungan)

	2023		
	Jumlah RM'000	DIFs RM'000	TIPFs RM'000
Kupon dan kadar keuntungan daripada sekuriti pelaburan	233,436	152,505	80,931
Pulangan daripada pertambahan diskaun ke atas sekuriti pelaburan (bersih daripada pelunasan premium)	(37,833)	(24,840)	(12,993)
Jumlah sub pendapatan pelaburan daripada sekuriti pelaburan	195,603	127,665	67,938
Pulangan daripada penempatan dalam pasaran wang jangka pendek dan deposit tetap	3,333	2,678	655
Jumlah pendapatan pelaburan dan pulangan daripada kesetaraan tunai dan sekuriti pelaburan	198,936	130,343	68,593

c. Pulangan purata berwajaran atas pelaburan

Pulangan purata berwajaran atas pelaburan adalah purata pulangan diperolehi sepanjang tahun kewangan yang diwajibkan mengikut jumlah dan tempoh pelaburan bagi sekuriti pendapatan tetap serta penempatan dalam pasaran wang jangka pendek dan deposit tetap.

Sekuriti pelaburan pendapatan tetap digunakan untuk menguruskan pelaburan Dana Perlindungan PIDM. Penempatan dalam pasaran wang jangka pendek dan deposit tetap kebanyakannya digunakan untuk tujuan pengurusan tunai operasi.

14. Pendapatan Pelaburan dan Pulangan daripada Kesetaraan Tunai dan Sekuriti Pelaburan (Sambungan)

c. Pulangan purata berwajaran atas pelaburan (sambungan)

Pulangan purata berwajaran atas pelaburan sepanjang tahun kewangan adalah seperti berikut:

Pelaburan dan penempatan							
Tahun	Jenis Portfolio	DIFs		TIPFs			
		Konvensional	Islam	Insurans Am	Insurans Hayat	Takaful Am	Takaful Keluarga
2024	MGS & GII	3.57%	3.70%	3.57%	3.65%	3.64%	3.62%
	Sekuriti Hutang Swasta	3.99%	3.97%	3.98%	4.02%	3.95%	3.98%
	Penempatan dalam deposit pasaran wang jangka pendek dan deposit tetap	2.83%	3.25%	2.69%	2.83%	3.02%	2.98%
	Jumlah sub	3.64%		3.65%			
Keseluruhan		3.64%					
2023	MGS & GII	3.22%	3.33%	3.10%	3.26%	3.22%	3.25%
	Sekuriti Hutang Swasta	3.43%	3.35%	3.48%	3.40%	3.31%	3.30%
	Penempatan dalam deposit pasaran wang jangka pendek dan deposit tetap	2.80%	2.99%	2.80%	2.92%	2.90%	2.95%
	Jumlah sub	3.18%		3.15%			
Keseluruhan		3.22%					

Keseluruhan pulangan purata berwajaran atas pelaburan bagi tahun kewangan berakhir 31 Disember 2024 ialah 3.64% (2023: 3.22%).

15. Perbelanjaan Pengurusan Modal Insan

	2024		
	Jumlah RM'000	DIFs RM'000	TIPFs RM'000
a. Manfaat kakitangan			
Gaji dan upahan	62,790	48,837	13,953
Caruman kepada rancangan caruman tetap	10,609	8,250	2,359
Peruntukan cuti yang tidak terambil	53	(23)	76
Peruntukan Liabiliti Rancangan Persaraan Jangka Panjang	1,672	1,302	370
Kos faedah/pembiayaan Rancangan Persaraan Jangka Panjang	245	191	54
Manfaat lain	4,458	3,450	1,008
Jumlah sub manfaat kakitangan	79,827	62,007	17,820
b. Perbelanjaan lain berkaitan modal insan*	2,291	1,768	523
Jumlah perbelanjaan pengurusan modal insan	82,118	63,775	18,343

	2023		
	Jumlah RM'000	DIFs RM'000	TIPFs RM'000
a. Manfaat kakitangan			
Gaji dan upahan	61,350	49,480	11,870
Caruman kepada rancangan caruman tetap	10,232	8,252	1,980
Peruntukan cuti yang tidak terambil	(2,038)	(1,273)	(765)
Peruntukan Liabiliti Rancangan Persaraan Jangka Panjang	1,492	1,206	286
Kos faedah/pembiayaan Rancangan Persaraan Jangka Panjang	225	182	43
Manfaat lain	3,855	2,980	875
Jumlah sub manfaat kakitangan	75,116	60,827	14,289
b. Perbelanjaan lain berkaitan modal insan*	2,818	2,254	564
Jumlah perbelanjaan pengurusan modal insan	77,934	63,081	14,853

* Perbelanjaan lain berkaitan modal insan adalah termasuk perbelanjaan untuk latihan, pembangunan kebolehan dan program penglibatan kakitangan.

Bilangan kakitangan pada akhir tahun kewangan berjumlah 201 (2023: 205).

16. Perbelanjaan Operasi dan Pentadbiran

	Nota	2024		
		Jumlah RM'000	DIFs RM'000	TIPFs RM'000
Yuran audit		88	66	22
Saraan dan fi Pengarah*		1,181	921	260
Susut nilai hartanah dan peralatan	8	4,905	3,810	1,095
Susut nilai aset berkaitan hak penggunaan	9(b)	4,840	3,770	1,070
Kos kewangan pajakan	9(b)	414	322	92
Telekomunikasi dan sistem komputer		6,945	5,292	1,653
Utiliti, penyelenggaraan pejabat dan kenderaan dan insurans am		2,201	1,714	487
Yuran langganan dan keahlian		1,481	1,198	283
Sewa tempat letak kereta		640	497	143
Fi penasihat dan perundingan		1,263	995	268
Penerbitan dan kolateral korporat		158	123	35
Bayaran pos, percetakan dan alat tulis		92	72	20
Perbelanjaan kerugian kredit	16(i)	10	8	2
Bekalan pejabat, peralatan dan pelbagai		382	298	84
Hartanah dan peralatan dihapus kira		45	35	10
Jumlah perbelanjaan operasi dan pentadbiran		24,645	19,121	5,524

* Para Pengarah dibayar berdasarkan struktur fi dan elaun yang telah diluluskan oleh Menteri Kewangan.

16. Perbelanjaan Operasi dan Pentadbiran (Sambungan)

	Nota	2023		
		Jumlah RM'000	DIFs RM'000	TIPFs RM'000
Yuran audit		89	78	11
Saraan dan fi Pengarah*		1,178	939	239
Susut nilai hartanah dan peralatan	8	4,716	3,616	1,100
Susut nilai aset berkaitan hak penggunaan	9(b)	3,942	3,187	755
Kos kewangan pajakan	9(b)	397	321	76
Telekomunikasi dan sistem komputer		6,683	4,912	1,771
Utiliti, penyelenggaraan pejabat dan kenderaan dan insurans am		2,043	1,657	386
Yuran langganan dan keahlian		1,456	1,196	260
Sewa tempat letak kereta		613	495	118
Fi penasihat dan perundingan		1,055	808	247
Penerbitan dan kolateral korporat		147	119	28
Bayaran pos, percetakan dan alat tulis		81	62	19
Perbelanjaan kerugian kredit	16(i)	10	8	2
Bekalan pejabat, peralatan dan pelbagai		245	199	46
Hartanah dan peralatan dihapus kira		-	-	-
Jumlah perbelanjaan operasi dan pentadbiran		22,655	17,597	5,058

* Para Pengarah dibayar berdasarkan struktur fi dan elaun yang telah diluluskan oleh Menteri Kewangan.

16. Perbelanjaan Operasi dan Pentadbiran (Sambungan)

i) Perbelanjaan kerugian kredit

	Nota	2024			
		Peringkat 1 (Kolektif) RM'000	Peringkat 2 (Kolektif) RM'000	Peringkat 3 (Individu) RM'000	Jumlah RM'000
Pelaburan	a	4	-	-	4
Aset lain	b	-	-	6	6
Jumlah		4	-	6	10

	Nota	2023			
		Peringkat 1 (Kolektif) RM'000	Peringkat 2 (Kolektif) RM'000	Peringkat 3 (Individu) RM'000	Jumlah RM'000
Pelaburan	a	10	-	-	10
Aset lain	b	-	-	-	-
Jumlah		10	-	-	10

Kerugian kredit yang dijangkakan untuk pelaburan dan pendapatan pelaburan belum terima diiktiraf di bawah kategori Peringkat 1, kerana risiko kredit berkenaan tidak meningkat dengan ketara sejak pengiktirafan awalnya. Pada tahun semasa, PIDM juga telah mengiktiraf kerugian kredit dijangka Peringkat 3 berhubung dengan penghutang daripada satu penyedia perkhidmatan.

a. Pergerakan peruntukan kerugian kredit dijangka untuk pelaburan adalah seperti berikut:

	2024 RM'000	2023 RM'000
Pada 1 Januari	18	8
Peruntukan bersih diiktiraf dalam untung atau rugi	4	10
Pada 31 Disember	22	18

b. Pergerakan peruntukan kerugian kredit dijangka untuk aset lain adalah seperti berikut:

	2024 RM'000	2023 RM'000
Pada 1 Januari	-	-
Pembalikan bersih diiktiraf dalam untung atau rugi	6	-
Pada 31 Disember	6	-

17. Perbelanjaan Berkaitan Inisiatif

Perbelanjaan berkaitan inisiatif adalah perbelanjaan yang dikaitkan secara langsung dengan inisiatif tertentu, tetapi tidak termasuk perbelanjaan pengurusan modal insan seperti yang dinyatakan dalam Nota 15.

	2024		
	Jumlah RM'000	DIFs RM'000	TIPFs RM'000
Kesediaan resolusi			
Kesediaan PIDM	760	641	119
Kesediaan industri	1,551	1,300	251
Kesediaan Jaringan Keselamatan Kewangan	714	527	187
Jumlah sub kesediaan resolusi	3,025	2,468	557
Kepercayaan pihak berkepentingan			
Rancangan kesedaran	3,634	2,577	1,057
Rancangan penyelidikan dan keterlihatan	370	310	60
Jumlah sub kepercayaan pihak berkepentingan	4,004	2,887	1,117
Keberkesanan organisasi			
Digitalisasi, analitik data dan keselamatan siber	1,241	966	275
Biasiswa, inisiatif kelestarian dan tanggungjawab sosial korporat	1,169	909	260
Geran kepada FIDE FORUM*	2,000	1,558	442
Berkaitan penempatan semula pejabat	1,018	793	225
Lain-lain	620	483	137
Jumlah sub keberkesanan organisasi	6,048	4,709	1,339
Jumlah perbelanjaan berkaitan inisiatif	13,077	10,064	3,013

* Sebagai sebahagian daripada inisiatif utamanya, PIDM terus menyokong FIDE FORUM untuk menggalakkan piawaian tadbir urus lembaga pengarah yang tinggi dan membangunkan ahli pengarah bagi institusi kewangan di Malaysia. Mulai 2024, PIDM menyokong operasi FIDE FORUM melalui peruntukan geran tahunan sebanyak RM2 juta. Pada tahun sebelumnya, jumlah perbelanjaan sebanyak RM1.81 juta adalah berkaitan dengan peminjaman pekerja kepada FIDE FORUM untuk menyokong operasi semasanya.

17. Perbelanjaan Berkaitan Inisiatif (Sambungan)

	2023		
	Jumlah RM'000	DIFs RM'000	TIPFs RM'000
Kesediaan resolusi			
Kesediaan PIDM	298	291	7
Kesediaan industri	1,293	1,099	194
Kesediaan Jaringan Keselamatan Kewangan	1,634	1,319	315
Jumlah sub kesediaan resolusi	3,225	2,709	516
Kepercayaan pihak berkepentingan			
Rancangan kesedaran	4,464	2,952	1,512
Rancangan penyelidikan dan keterlihatan	736	676	60
Jumlah sub kepercayaan pihak berkepentingan	5,200	3,628	1,572
Keberkesanan organisasi			
Digitalisasi, analitik data dan keselamatan siber	1,037	850	187
Biasiswa, inisiatif kelestarian dan tanggungjawab sosial korporat	1,095	886	209
Geran kepada FIDE FORUM	-	-	-
Berkaitan penempatan semula pejabat	-	-	-
Lain-lain	478	386	92
Jumlah sub keberkesanan organisasi	2,610	2,122	488
Jumlah perbelanjaan berkaitan inisiatif	11,035	8,459	2,576

18. Percukaian

PIDM diberi pengecualian daripada cukai pendapatan di bawah Seksyen 127(3A) Akta Cukai Pendapatan 1967.

19. Komitmen Modal

	2024 RM'000	2023 RM'000
Diluluskan dan dikontrakkan bagi:		
Peralatan pejabat dan sistem komputer	90	-
Sistem dan perisian IT	-	529
Ubah suai pejabat	-	249
Jumlah komitmen modal	90	778

20. Pendedahan Pihak Berkaitan

a. Transaksi dengan pihak berkaitan

PIDM ialah sebuah badan berkanun yang tertakluk kepada Akta PIDM. Oleh yang demikian, PIDM adalah pihak berkaitan melalui kepentingan bersama dengan semua Jabatan Kerajaan, agensi-agensi dan badan-badan berkanun yang lain. Dalam tahun kewangan, PIDM telah berurusanniaga dengan beberapa pihak berkaitan bagi pelbagai perkhidmatan dan juga pelaburan. Semua transaksi yang dijalankan adalah secara telus. Transaksi urusanniaga yang penting dengan pihak berkaitan di sepanjang tahun adalah seperti berikut:

- i. PIDM membuat sumbangan kepada skim pencen negara berkanun, Kumpulan Wang Simpanan Pekerja serta Pertubuhan Keselamatan Sosial seperti yang dinyatakan dalam Nota 15.
- ii. Selaras dengan Akta PIDM dan polisi pelaburan PIDM, PIDM hanya melabur dalam sekuriti pelaburan jangka pendek dan sederhana dalam Ringgit Malaysia yang diterbitkan oleh Kerajaan dan sekuriti pelaburan Bank Negara Malaysia, serta sekuriti gred pelaburan yang tinggi yang dikeluarkan oleh entiti berkaitan kerajaan, yang dijamin kerajaan atau dengan penarafan minimum AAA. Butiran aset pelaburan pada akhir tahun dan pendapatan pelaburan yang belum diterima telah diterangkan dalam Nota 5 dan 6, sementara butiran pendapatan pelaburan telah diterangkan di Nota 14. Polisi pengurusan risiko kewangan PIDM dan pendedahan yang berkaitan telah diterangkan di Nota 22.

b. Ganjaran kakitangan pengurusan utama

	2024 RM'000	2023 RM'000
Manfaat jangka pendek	4,620	4,447
Manfaat pasca-pekerjaan	844	1,778
Jumlah ganjaran kakitangan pengurusan utama	5,464	6,225

Ganjaran kakitangan pengurusan utama termasuk ganjaran Ketua Pegawai Eksekutif dan ahli Pengurusan Eksekutif yang lain. Amaun di atas tidak termasuk saraan para Pengarah, yang didedahkan secara berasingan dalam Nota 16. Ganjaran kakitangan pengurusan utama turut didedahkan di Nota 15.

21. Maklumat Segmen

Akta PIDM menyediakan perlindungan berasingan bagi setiap Dana berikut:

- i. Dana Insurans Deposit Konvensional;
- ii. Dana Insurans Deposit Islam;
- iii. Dana Perlindungan Insurans Am;
- iv. Dana Perlindungan Insurans Hayat;
- v. Dana Perlindungan Takaful Am; dan
- vi. Dana Perlindungan Takaful Keluarga.

Oleh itu, PIDM mempunyai segmen yang boleh dilaporkan mengikut kategori Dana seperti diatas. Tiada segmen operasi telah disatukan untuk membentuk segmen operasi yang boleh dilaporkan di atas.

21. Maklumat Segmen (Sambungan)

Pelaporan Dana

Penyata Kedudukan Kewangan pada 31 Disember 2024

		Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Pelarasan Antara Dana RM'000	Jumlah RM'000
ASET										
Tunai dan kesetaraan tunai		4a	36,795	54,838	7,176	7,683	669	1,443	-	108,604
Pelaburan		5	3,714,348	1,043,349	1,459,929	753,146	53,391	128,826	-	7,152,989
Aset lain		6	39,349	12,709	14,516	8,616	695	1,643	(87)	77,441
Pelaburan dalam subsidiari-subsiidari		7	-*	-*	-*	-*	-*	-*	-	-*
Hartanah dan peralatan		8	19,619	5,545	1,543	4,542	301	665	-	32,215
Aset berkaitan hak penggunaan		9	5,830	1,356	440	1,072	79	174	-	8,951
Jumlah Aset			3,815,941	1,117,797	1,483,604	775,059	55,135	132,751	(87)	7,380,200
LIABILITI										
Akaun belum bayar		11	8,237	2,981	901	1,802	143	326	(87)	14,303
Liabiliti pajakan		10	5,698	1,849	852	1,299	62	200	-	9,960
Jumlah Liabiliti			13,935	4,830	1,753	3,101	205	526	(87)	24,263
KUMPULAN DANA DAN RIZAB										
Lebihan terkumpul		12	3,802,006	1,112,967	1,481,851	771,958	54,930	132,225	-	7,355,937
Jumlah Kumpulan Dana dan Rizab			3,802,006	1,112,967	1,481,851	771,958	54,930	132,225	-	7,355,937
Jumlah Liabiliti, Kumpulan Dana dan Rizab			3,815,941	1,117,797	1,483,604	775,059	55,135	132,751	(87)	7,380,200

* Amaun tersebut adalah di bawah ambang nilai bundaran.

21. Maklumat Segmen (Sambungan)

Pelaporan Dana (Sambungan)

Penyata Kedudukan Kewangan pada 31 Disember 2023

	Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Pelarasan Antara Dana RM'000	Jumlah RM'000
ASET									
Tunai dan kesetaraan tunai	4a	25,925	62,070	6,258	6,711	606	1,574	-	103,144
Pelaburan	5	3,323,200	861,923	1,410,054	661,015	44,865	109,172	-	6,410,229
Aset lain	6	35,831	10,460	13,247	7,054	573	1,308	(283)	68,190
Pelaburan dalam subsidiari-subsidiari	7	-*	-*	-*	-*	-*	-*	-	-*
Hartanah dan peralatan	8	18,981	5,088	1,531	4,376	276	614	-	30,866
Aset berkaitan hak penggunaan	9	5,690	1,300	425	1,039	77	168	-	8,699
Jumlah Aset		3,409,627	940,841	1,431,515	680,195	46,397	112,836	(283)	6,621,128
LIABILITI									
Akaun belum bayar	11	7,915	3,156	766	1,526	117	321	(283)	13,518
Liabiliti pojakan	10	5,455	1,726	860	1,221	73	190	-	9,525
Jumlah Liabiliti		13,370	4,882	1,626	2,747	190	511	(283)	23,043
KUMPULAN DANA DAN RIZAB									
Lebihan terkumpul	12	3,396,257	935,959	1,429,889	677,448	46,207	112,325	-	6,598,085
Jumlah Kumpulan Dana dan Rizab		3,396,257	935,959	1,429,889	677,448	46,207	112,325	-	6,598,085
Jumlah Liabiliti, Kumpulan Dana dan Rizab		3,409,627	940,841	1,431,515	680,195	46,397	112,836	(283)	6,621,128

* Amaun tersebut adalah di bawah ambang nilai bundaran.

21. Maklumat Segmen (Sambungan)

Pelaporan Dana (Sambungan)

Penyata Keuntungan atau Kerugian dan Pendapatan Komprehensif Lain bagi Tahun Kewangan Berakhir pada 31 Disember 2024

	Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Jumlah RM'000
Hasil premium dan levi	13	343,074	165,647	6,937	83,601	8,027	18,244	625,530
Pendapatan pelaburan dan pulangan daripada kesetaraan tunai dan sekuriti pelaburan	14	129,460	37,885	52,221	26,714	1,857	4,475	252,612
Pendapatan lain		26	9	2	5	-	1	43
Jumlah pendapatan		472,560	203,541	59,160	110,320	9,884	22,720	878,185
Perbelanjaan pengurusan modal insan	15	45,675	18,100	4,841	10,786	795	1,921	82,118
Perbelanjaan operasi dan pentadbiran	16	13,746	5,375	1,533	3,183	231	577	24,645
Perbelanjaan berkaitan inisiatif	17	7,116	2,948	795	1,777	130	311	13,077
Jumlah perbelanjaan		66,537	26,423	7,169	15,746	1,156	2,809	119,840
Lebihan bersih bagi tahun semasa		406,023	177,118	51,991	94,574	8,728	19,911	758,345
Pendapatan komprehensif lain								
Pengukuran semula Liabiliti Rancangan Persaraan Jangka Panjang	11ii	(274)	(110)	(29)	(64)	(5)	(11)	(493)
Jumlah pendapatan komprehensif bagi tahun semasa	21	405,749	177,008	51,962	94,510	8,723	19,900	757,852

21. Maklumat Segmen (Sambungan)

Pelaporan Dana (Sambungan)

Penyata Keuntungan atau Kerugian dan Pendapatan Komprehensif Lain bagi Tahun Kewangan Berakhir pada 31 Disember 2023

	Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Jumlah RM'000
Hasil premium dan levi	13	365,973	159,672	5,790	88,967	6,729	16,259	643,390
Pendapatan pelaburan dan pulangan daripada kesetaraan tunai dan sekuriti pelaburan	14	102,338	28,005	43,423	20,440	1,367	3,363	198,936
Pendapatan lain	42	9	2	8	1	1	1	63
Jumlah pendapatan		468,353	187,686	49,215	109,415	8,097	19,623	842,389
Perbelanjaan pengurusan modal insan	15	45,256	17,825	3,878	8,429	676	1,870	77,934
Perbelanjaan operasi dan pentadbiran	16	12,780	4,817	1,485	2,845	196	532	22,655
Perbelanjaan berkaitan inisiatif	17	5,938	2,521	695	1,445	116	320	11,035
Jumlah perbelanjaan		63,974	25,163	6,058	12,719	988	2,722	111,624
Lebihan bersih bagi tahun semasa		404,379	162,523	43,157	96,696	7,109	16,901	730,765
Pendapatan komprehensif lain								
Pengukuran semula Liabiliti Rancangan Persaraan Jangka Panjang	11ii	(82)	(32)	(7)	(15)	(1)	(4)	(141)
Jumlah pendapatan komprehensif bagi tahun semasa	21	404,297	162,491	43,150	96,681	7,108	16,897	730,624

21. Maklumat Segmen (Sambungan)

Pelaporan Dana (Sambungan)

Penyata Aliran Tunai bagi Tahun Kewangan Berakhir pada 31 Disember 2024

	Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Jumlah RM'000
ALIRAN TUNAI DARIPADA AKTIVITI OPERASI								
Penerimaan premium dan levi daripada institusi ahli		343,074	165,647	6,937	83,601	8,027	18,244	625,530
Pembayaran operasi semasa kepada pembekal dan kakitangan		(59,924)	(24,532)	(6,382)	(14,232)	(1,048)	(2,603)	(108,721)
Penerimaan pendapatan pelaburan dan pulangan		145,468	40,766	56,911	29,209	2,052	4,911	279,317
Aliran tunai bersih dijana daripada aktiviti operasi		428,618	181,881	57,466	98,578	9,031	20,552	796,126
ALIRAN TUNAI DARIPADA AKTIVITI PELABURAN								
Hasil daripada kematangan sekuriti pelaburan		644,300	70,340	321,900	136,950	6,567	14,223	1,194,280
Pembelian sekuriti pelaburan		(1,055,346)	(256,815)	(377,717)	(233,046)	(15,410)	(34,637)	(1,972,971)
Hasil daripada pelupusan hartanah dan peralatan	2	1	1	-	1	-	-	4
Pembelian hartanah dan peralatan	(3,883)	(1,534)	(400)	(874)	(154)	(63)	(154)	(6,908)
Aliran tunai bersih digunakan dalam aktiviti pelaburan		(414,927)	(188,008)	(56,217)	(96,969)	(8,906)	(20,568)	(785,595)

21. Maklumat Segmen (Sambungan)

Pelaporan Dana (Sambungan)

Penyata Aliran Tunai bagi Tahun Kewangan Berakhir pada 31 Disember 2024 (Sambungan)

	Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Jumlah RM'000
ALIRAN TUNAI DARIPADA AKTIVITI KEWANGAN								
Pembayaran balik prinsipal liabiliti pajakan	10	(2,592)	(1,012)	(306)	(582)	(59)	(106)	(4,657)
Kos kewangan pajakan	9b	(230)	(92)	(24)	(54)	(4)	(10)	(414)
Aliran tunai bersih digunakan dalam aktiviti kewangan		(2,822)	(1,104)	(330)	(636)	(63)	(116)	(5,071)
Peningkatan/(penurunan) bersih dalam tunai dan kesetaraan tunai								
Tunai dan kesetaraan tunai pada awal tahun		10,869	(7,231)	919	973	62	(132)	5,460
		25,925	62,070	6,258	6,711	606	1,574	103,144
Tunai dan kesetaraan tunai pada akhir tahun	4a	36,794	54,839	7,177	7,684	668	1,442	108,604

21. Maklumat Segmen (Sambungan)

Pelaporan Dana (Sambungan)

Penyata Aliran Tunai bagi Tahun Kewangan Berakhir pada 31 Disember 2023

	Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Jumlah RM'000
ALIRAN TUNAI DARIPADA AKTIVITI OPERASI								
Penerimaan premium dan levi daripada institusi ahli		365,973	159,672	5,790	88,967	6,729	16,259	643,390
Pembayaran operasi semasa kepada pembekal dan kakitangan		(59,957)	(22,905)	(5,650)	(12,171)	(921)	(2,532)	(104,136)
Penerimaan pendapatan pelaburan dan pulangan		127,207	36,409	53,631	24,390	1,876	4,622	248,135
Aliran tunai bersih dijana daripada aktiviti operasi		433,223	173,176	53,771	101,186	7,684	18,349	787,389
ALIRAN TUNAI DARIPADA AKTIVITI PELABURAN								
Hasil daripada kematangan sekuriti pelaburan		1,101,780	339,160	671,475	191,570	17,860	43,715	2,365,560
Pembelian sekuriti pelaburan		(1,520,129)	(487,517)	(722,483)	(290,286)	(25,184)	(60,808)	(3,106,407)
Hasil daripada pelupusan hartanah dan peralatan		43	10	2	9	-	1	65
Pembelian hartanah dan peralatan		(4,227)	(1,545)	(492)	(954)	(58)	(158)	(7,434)
Aliran tunai bersih digunakan dalam aktiviti pelaburan		(422,533)	(149,892)	(51,498)	(99,661)	(7,382)	(17,250)	(748,216)

21. Maklumat Segmen (Sambungan)

Pelaporan Dana (Sambungan)

Penyata Aliran Tunai bagi Tahun Kewangan Berakhir pada 31 Disember 2023 (Sambungan)

	Nota	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000	Jumlah RM'000
ALIRAN TUNAI DARIPADA AKTIVITI KEWANGAN								
Pembayaran balik prinsipal liabiliti pajakan	10	(2,951)	(633)	(124)	(343)	(50)	(94)	(4,195)
Kos kewangan pajakan	9b	(230)	(91)	(21)	(43)	(3)	(9)	(397)
Aliran tunai bersih digunakan dalam aktiviti kewangan		(3,181)	(724)	(145)	(386)	(53)	(103)	(4,592)
Peningkatan bersih dalam tunai dan kesetaraan tunai		7,509	22,560	2,128	1,139	249	996	34,581
Tunai dan kesetaraan tunai pada awal tahun		18,416	39,510	4,130	5,572	357	578	68,563
Tunai dan kesetaraan tunai pada akhir tahun	4a	25,925	62,070	6,258	6,711	606	1,574	103,144

22. Risiko Kewangan

Polisi pengurusan risiko kewangan PIDM bertujuan untuk memastikan sumber kewangan adalah mencukupi bagi menjalankan aktiviti PIDM di samping menguruskan risiko kewangan PIDM. PIDM beroperasi mengikut garis panduan yang diluluskan oleh Lembaga Pengarah. Polisi PIDM adalah untuk melabur hanya dalam sekuriti mata wang Ringgit Malaysia jangka pendek dan sederhana Kerajaan dan Bank Negara Malaysia dan sekuriti daripada gred pelaburan tinggi yang dikeluarkan oleh entiti berkaitan kerajaan, yang dijamin oleh kerajaan atau dengan penarafan minimum AAA dengan kematangan berbeza. Berkaitan pengurusan tunai operasi harian, PIDM boleh menempatkan lebihan dana dalam deposit tetap, pasaran wang atau penempatan semalaman dengan bank-banknya. Tiada pelaburan dibuat dengan bank-bank ahli memandangkan PIDM ialah penginsurans deposit bank-bank ahli tersebut.

a. Risiko pasaran

Risiko pasaran adalah risiko nilai saksama atau aliran tunai masa depan instrumen kewangan akan berubah-ubah kerana perubahan harga pasaran. Risiko pasaran PIDM terdiri daripada risiko mata wang asing, risiko kadar faedah dan kadar risiko pulangan.

i. Risiko mata wang asing

Pada masa ini PIDM tidak terdedah kepada sebarang risiko mata wang asing memandangkan sebahagian besar daripada transaksi diurusniagakan dalam mata wang Ringgit Malaysia.

ii. Risiko kadar faedah dan risiko kadar pulangan

Risiko kadar faedah dan risiko kadar pulangan adalah risiko nilai saksama atau aliran tunai masa depan instrumen kewangan akan berubah-ubah kerana perubahan dalam kadar faedah pasaran dan kadar pulangan.

Memandangkan PIDM mengguna pakai model perniagaan “pegangan untuk mengutip”, ia terlindung daripada risiko yang timbul daripada turun naik nilai saksama aset pelaburan kerana aset-aset ini direkodkan berdasarkan kos yang dilunaskan. Aset pelaburan PIDM yang terdiri daripada Sekuriti Kerajaan Malaysia, Terbitan Pelaburan Kerajaan dan Sekuriti Hutang Swasta adalah tertakluk kepada risiko pelaburan semula, di mana pelaburan semula aliran tunai yang timbul daripada pembayaran kupon, sekuriti matang atau kutipan premium/levi mungkin pada kadar pulangan semasa yang berbeza daripada pelaburan terdahulu.

Definisi kadar pulangan efektif purata berwajaran (*Weighted Average Effective Yield Rate* – “WAEYR”) adalah konsisten dengan konvensyen pasaran dan ia mewakili kadar pulangan purata berwajaran untuk semua baki pelaburan dalam portfolio pada akhir tahun. Kadar pulangan purata diwajarkan dengan nisbah saiz pelaburan dalam keseluruhan portfolio dengan andaian hasil tahunan.

22. Risiko Kewangan (Sambungan)

a. Risiko pasaran (sambungan)

ii. Risiko kadar faedah dan risiko kadar pulangan (sambungan)

Jadual berikut menunjukkan nilai bawaan dan baki tempoh matang yang terdedah kepada risiko pelaburan semula, dan WAEYR instrumen kewangan pada tarikh Penyata Kedudukan Kewangan. Instrumen kewangan dilaburkan dan ditempatkan pada kadar tetap.

	Nota	≤ 3 bulan RM'000	>3 - 12 bulan RM'000	>1 - 3 tahun RM'000	>3 - 5 tahun RM'000	>5 - 7 tahun RM'000	>7 - 10 tahun RM'000	Jumlah RM'000	WAEYR %
Dana Insurans Deposit Konvensional									
31 Disember 2024									
Tunai dan kesetaraan tunai	4a	20,295	16,500	-	-	-	-	36,795	3.55%
Pelaburan	5	18,023	425,681	872,259	761,946	809,113	827,326	3,714,348	3.76%
31 Disember 2023									
Tunai dan kesetaraan tunai	4a	21,225	4,700	-	-	-	-	25,925	3.03%
Pelaburan	5	-	648,307	1,038,024	715,760	491,143	429,966	3,323,200	3.50%
Dana Insurans Deposit Islam									
31 Disember 2024									
Tunai dan kesetaraan tunai	4a	38,838	16,000	-	-	-	-	54,838	3.55%
Pelaburan	5	7,996	98,083	299,396	195,010	125,600	317,264	1,043,349	3.78%
31 Disember 2023									
Tunai dan kesetaraan tunai	4a	31,070	31,000	-	-	-	-	62,070	3.27%
Pelaburan	5	-	70,607	321,265	179,073	156,000	134,978	861,923	3.71%

22. Risiko Kewangan (Sambungan)

a. Risiko pasaran (sambungan)

ii. Risiko kadar faedah dan risiko kadar pulangan (sambungan)

	Nota	≤ 3 bulan RM'000	>3 - 12 bulan RM'000	>1 - 3 tahun RM'000	>3 - 5 tahun RM'000	>5 - 7 tahun RM'000	>7 - 10 tahun RM'000	Jumlah RM'000	WAEYR %
Dana Perlindungan Insurans Am									
31 Disember 2024									
Tunai dan kesetaraan tunai	4a	5,426	1,750	-	-	-	-	7,176	3.44%
Pelaburan	5	113,127	61,289	413,931	292,880	293,573	285,129	1,459,929	3.78%
31 Disember 2023									
Tunai dan kesetaraan tunai	4a	6,258	-	-	-	-	-	6,258	2.73%
Pelaburan	5	20,000	303,477	371,513	368,980	185,525	160,559	1,410,054	3.47%
Dana Perlindungan Insurans Hayat									
31 Disember 2024									
Tunai dan kesetaraan tunai	4a	5,483	2,200	-	-	-	-	7,683	3.56%
Pelaburan	5	30,029	74,935	170,737	177,394	133,051	167,000	753,146	3.81%
31 Disember 2023									
Tunai dan kesetaraan tunai	4a	6,111	600	-	-	-	-	6,711	2.81%
Pelaburan	5	-	137,836	142,781	137,135	140,295	102,968	661,015	3.60%

22. Risiko Kewangan (Sambungan)

a. Risiko pasaran (sambungan)

ii. Risiko kadar faedah dan risiko kadar pulangan (sambungan)

	Nota	≤ 3 bulan RM'000	>3 - 12 bulan RM'000	>1 - 3 tahun RM'000	>3 - 5 tahun RM'000	>5 - 7 tahun RM'000	>7 - 10 tahun RM'000	Jumlah RM'000	WAEYR %
Dana Perlindungan Takaful Am									
31 Disember 2024									
Tunai dan kesetaraan tunai	4a	469	200	-	-	-	-	669	3.56%
Pelaburan	5	500	2,817	16,743	7,514	13,189	12,628	53,391	3.73%
31 Disember 2023									
Tunai dan kesetaraan tunai	4a	606	-	-	-	-	-	606	2.93%
Pelaburan	5	-	6,591	10,231	10,948	7,847	9,248	44,865	3.64%
Dana Perlindungan Takaful Keluarga									
31 Disember 2024									
Tunai dan kesetaraan tunai	4a	993	450	-	-	-	-	1,443	3.58%
Pelaburan	5	1,499	5,211	46,279	19,163	24,679	31,995	128,826	3.71%
31 Disember 2023									
Tunai dan kesetaraan tunai	4a	1,329	245	-	-	-	-	1,574	2.94%
Pelaburan	5	-	14,274	31,959	28,635	16,944	17,360	109,172	3.64%

22. Risiko Kewangan (Sambungan)

a. Risiko pasaran (sambungan)

ii. Risiko kadar faedah dan risiko kadar pulangan (sambungan)

Berdasarkan portfolio pelaburan PIDM pada 31 Disember 2024 dan 31 Disember 2023, jadual berikut menunjukkan perubahan dalam nilai pelaburan apabila terdapat anjakan sebanyak 100 mata asas dalam kadar faedah dan kadar pulangan.

	Perubahan dalam nilai saksama						
	Jumlah RM'000	Insurans Deposit Konvensional RM'000	Insurans Deposit Islam RM'000	Insurans Am RM'000	Insurans Hayat RM'000	Takaful Am RM'000	Takaful Keluarga RM'000
Kenaikan 100 mata asas							
31 Disember 2024	(262,540)	(137,248)	(39,314)	(51,624)	(27,588)	(2,039)	(4,727)
31 Disember 2023	(203,405)	(98,178)	(31,736)	(45,611)	(22,306)	(1,539)	(4,035)
Penurunan 100 mata asas							
31 Disember 2024	262,540	137,248	39,314	51,624	27,588	2,039	4,727
31 Disember 2023	203,405	98,178	31,736	45,611	22,306	1,539	4,035

Tempoh purata untuk portfolio pelaburan PIDM pada 31 Disember 2024 ialah 3.65 tahun (2023: 3.16 tahun).

b. Risiko kecairan

Risiko kecairan PIDM berkaitan dengan keupayaan PIDM memenuhi obligasinya apabila tiba masanya, tanpa mengalami kerugian yang tidak boleh diterima. Ini mungkin disebabkan oleh ketidakupayaan untuk membubarkan aset bagi memenuhi keperluan kecairannya. Sejumlah besar dana yang diperuntukkan untuk tujuan pelaburan telah dilaburkan dalam sekuriti Kerajaan jangka pendek dan sederhana, yang juga merupakan aset mudah cair yang boleh dipasarkan. Selain itu, PIDM mempunyai akses kepada fasiliti repurchase agreement dengan Bank Negara Malaysia, yang membolehkan PIDM mencagarkan sekuriti pelaburan gred tinggi untuk mengumpul dana sekiranya pembiayaan kecairan kecemasan diperlukan.

22. Risiko Kewangan (Sambungan)

b. Risiko kecairan (sambungan)

PIDM juga berusaha untuk menguruskan profil kematangan aset kewangan secara berterusan bagi memastikan terdapat dana yang mencukupi pada setiap masa untuk menampung keperluan modal kerja harian dan untuk menguruskan pendedahan kepada risiko kewangan mengikut had yang telah diluluskan.

Jadual berikut menunjukkan nilai aset kewangan berdasarkan profil kematangan:

		2024							
	Nota	Kurang Dari 30 Hari RM'000	31 - 60 Hari RM'000	61 - 90 Hari RM'000	>91 Hari - 3 Tahun RM'000	>3 - 5 Tahun RM'000	>5 - 7 Tahun RM'000	>7 - 10 Tahun RM'000	Jumlah RM'000
Tunai dan kesetaraan tunai	4a	46,151	15,650	15,203	31,600	-	-	-	108,604
Pelaburan	5	10,002	6,996	146,180	2,495,356	1,453,907	1,399,205	1,641,343	7,152,989
Aset lain	6a	22,997	11,183	17,102	21,785	-	-	-	73,067
Akaun belum bayar	11a	(158)	(24)	-	-	-	-	-	(182)
Aset kewangan bersih		78,992	33,805	178,485	2,548,741	1,453,907	1,399,205	1,641,343	7,334,478

		2023							
		Kurang Dari 30 Hari RM'000	31 - 60 Hari RM'000	61 - 90 Hari RM'000	>91 Hari - 3 Tahun RM'000	>3 - 5 Tahun RM'000	>5 - 7 Tahun RM'000	>7 - 10 Tahun RM'000	Jumlah RM'000
Tunai dan kesetaraan tunai	4a	38,583	12,195	15,821	36,545	-	-	-	103,144
Pelaburan	5	-	-	20,000	3,096,865	1,440,531	997,755	855,078	6,410,229
Aset lain	6a	17,956	10,236	4,497	30,187	632	373	-	63,881
Akaun belum bayar	11a	(150)	(211)	-	-	-	-	-	(361)
Aset kewangan bersih		56,389	22,220	40,318	3,163,597	1,441,163	998,128	855,078	6,576,893

22. Risiko Kewangan (Sambungan)

b. Risiko kecairan (sambungan)

PIDM juga mempunyai rangka kerja pembiayaan untuk menguruskan keperluan pembiayaan aktiviti intervensi atau resolusi kegagalan. Objektif utama rangka kerja itu adalah untuk memastikan PIDM mempunyai sumber kewangan mencukupi bagi operasi DIS serta TIPS yang kukuh dan mantap. Rangka kerja pembiayaan itu juga mengambil kira peranan PIDM dalam jaringan keselamatan kewangan dan kuasa perundangannya berkaitan dengan sumber pembiayaan serta objektif yang jelas bagi sumber pembiayaan dalaman dan luaran.

- i. **Pembiayaan dalaman** disediakan menerusi pengumpulan lebihan bersih operasi selepas perbelanjaan. Pengumpulan lebihan bersih dikreditkan ke dalam Dana perlindungan masing-masing sebagai rizab bagi memenuhi obligasi masa depan yang mungkin timbul hasil daripada penyediaan program perlindungan konsumen kewangan.
- ii. **Pembiayaan luaran** boleh diperolehi menerusi pinjaman daripada Kerajaan, pinjaman daripada pasaran modal atau sumber-sumber lain yang dianggap perlu dan sesuai. Akta PIDM memberi kuasa kepada PIDM untuk meminjam atau memperoleh dana bagi memenuhi obligasinya. PIDM boleh meminjam daripada Kerajaan dengan kelulusan Menteri Kewangan dengan terma dan syarat seperti yang ditentukan oleh Menteri Kewangan.

Tiada perubahan kepada pendedahan PIDM terhadap risiko kecairan atau cara risiko ini diuruskan dan diukur.

c. Risiko kredit

PIDM melabur dalam Sekuriti Kerajaan Malaysia dan Terbitan Pelaburan Kerajaan, yang secara amnya dianggap sebagai aset berisiko rendah. PIDM tidak menjangkakan pihak yang berurusan dengannya akan gagal dalam pembayaran dan oleh itu, menganggap risiko kredit ke atas aset pelaburannya amat minimum.

Selain daripada Sekuriti Kerajaan Malaysia dan Terbitan Pelaburan Kerajaan, PIDM juga memegang Sekuriti Hutang Swasta lain yang dikeluarkan oleh entiti yang berkaitan dengan kerajaan selaras dengan Polisi Pelaburan. Pada 31 Disember 2024, nilai utama Sekuriti Hutang Swasta ini berjumlah RM1.23 bilion (2023: RM790juta) atau 17.1% (2023: 12.3%) daripada jumlah pelaburan portfolio.

PIDM memantau kedudukan kredit penerbit Sekuriti Hutang Swasta secara berterusan untuk sebarang penurunan harga dalam penilaian kredit.

Dalam menentukan kerugian kredit yang dijangkakan bagi aset-aset ini, PIDM telah mengambil kira sejarah pengalaman kegagalan, kedudukan kewangan pihak berkaitan, serta prospek masa hadapan industri di mana penerbit sekuriti dan nota beroperasi. Maklumat tersebut diperolehi daripada laporan pakar ekonomi, laporan penganalisis kewangan. Juga jika perlu, dalam menganggarkan kebarangkalian berlaku kegagalan setiap aset kewangan bagi tempoh masa penilaian kerugian masing-masing, serta kerugian apabila berlaku kegagalan bagi setiap kes, pertimbangan diberi kepada pelbagai sumber luaran mengenai maklumat ekonomi sebenar dan yang diramalkan.

Maklumat penarafan kredit dibekalkan oleh agensi penarafan bebas yang tersedia dan, jika tidak tersedia, PIDM menggunakan maklumat kewangan yang tersedia kepada pihak awam dan rekod PIDM sendiri untuk menilai pihak berkaitan utamanya.

22. Risiko Kewangan (Sambungan)

c. Risiko kredit (sambungan)

Rangka kerja semasa PIDM berkenaan penggredan risiko kredit merangkumi kategori berikut:

Kategori	Huraian	Asas bagi pengiktirafan peruntukan kerugian kredit
Berbayar/baik	Pihak terbabit mempunyai risiko kegagalan yang rendah dan tidak mempunyai amaun lampau tempoh	ECL 12 bulan
Meragukan	Amaun adalah >30 hari lampau tempoh atau terdapat peningkatan ketara dalam risiko kredit sejak pengiktirafan awal	ECL jangka hayat – tidak terjejas kredit
Mungkir	Amaun adalah >90 hari lampau tempoh dan terdapat bukti yang menunjukkan aset adalah terjejas kredit	ECL jangka hayat – terjejas kredit
Hapus kira	Terdapat bukti bahawa penghutang mengalami kesukaran kewangan yang teruk dan PIDM tidak mempunyai prospek realistik untuk pulih	Amaun hapus kira

Jadual di bawah memperincikan kualiti kredit aset kewangan PIDM serta pendedahan maksimum PIDM terhadap risiko kredit mengikut gred penarafan risiko kredit bagi tahun kewangan berakhir 31 Disember 2024 dan 31 Disember 2023.

	Nota	Penarafan kredit luar	Penarafan kredit dalam	ECL 12-bulan atau jangka hayat
Sekuriti Kerajaan Malaysia dan Terbitan Pelaburan Kerajaan	5	<i>Sovereign</i>	Berbayar / baik	ECL 12 bulan
Sekuriti Hutang Swasta	5	AAA	Berbayar / baik	ECL 12 bulan
Pendapatan pelaburan belum terima	6	<i>Sovereign & AAA</i>	Berbayar / baik	ECL 12 bulan
Deposit dan akaun belum terima lain	6	Tidak berkenaan	Berbayar / baik	ECL 12 bulan

Analisis sensitiviti

Asas dan huraian umum mengenai input dan andaian utama dalam menentukan dan mengukur ECL dinyatakan dalam Nota 2.2(a)(i) hingga (v) di bawah Penjelasan nilai aset kewangan. Seperti yang dinyatakan dalam Nota 3.2 mengenai sumber utama anggaran ketidakpastian, pengiraan ECL merupakan keluaran model kompleks dengan sebilangan andaian pendasar mengenai pilihan input boleh ubah dan kebergantungannya, dan oleh itu, adalah sensitif kepada perubahan dalam andaian utama dan input boleh ubah ini.

Memandangkan aset kewangan PIDM terutamanya terdiri daripada aset berkaitan pelaburan, termasuk akaun pendapatan pelaburan belum terima, andaian yang paling ketara yang memberi kesan kepada peruntukan ECL adalah yang memberi kesan kepada PD dan LGD aset-aset tersebut.

Aset pelaburan PIDM terutamanya adalah aset berisiko rendah yang terdiri daripada Sekuriti dan Pelaburan Kerajaan Malaysia. Satu-satunya kategori aset pelaburan yang mungkin lebih terdedah kepada penjejasan nilai berkaitan risiko kredit adalah ke atas Sekuriti Hutang Swasta yang dipegang oleh PIDM yang diberi penarafan minimum AAA. Oleh itu, bagi tujuan melaksanakan analisis sensitiviti, satu-satunya senario yang diandaikan adalah penurunan satu tahap dalam penarafan kredit, iaitu daripada AAA kepada AA1 dan perubahan faktor makroekonomi, yang mana memberi kesan sepadan kepada PD yang berkenaan. Walau bagaimanapun, penurunan satu tahap ini tidak bermaksud penjejasan nilai yang ketara yang memerlukan peruntukan ECL jangka hayat.

Berkenaan dengan LGD, bagi tujuan melaksanakan analisis sensitiviti, dua senario diandaikan iaitu peningkatan dan penurunan LGD sebanyak 20% (2023: 20%).

22. Risiko Kewangan (Sambungan)

c. Risiko kredit (sambungan)

Kesan ke atas keuntungan atau kerugian PIDM yang timbul daripada pergerakan PD dan LGD seperti yang dinyatakan di atas adalah seperti berikut:

31 Disember 2024	Nota	LGD meningkat 20% RM'000	LGD menurun 20% RM'000
Sekuriti Kerajaan Malaysia dan Terbitan Pelaburan Kerajaan	5	-	-
Sekuriti Hutang Swasta	5	(202)	(168)
Pendapatan pelaburan belum terima	6	(2)	(2)
Deposit dan akaun belum terima lain	6	-	-
Penurunan dalam lebihan bersih		(204)	(170)

31 Disember 2023	Nota	LGD meningkat 20% RM'000	LGD menurun 20% RM'000
Sekuriti Kerajaan Malaysia dan Terbitan Pelaburan Kerajaan	5	-	-
Sekuriti Hutang Swasta	5	(118)	(98)
Pendapatan pelaburan belum terima	6	(1)	(1)
Deposit dan akaun belum terima lain	6	-	-
Penurunan dalam lebihan bersih		(119)	(99)

23. Nilai Saksama

PIDM mempunyai rangka kerja dan polisi yang mapan yang memberi panduan mengenai penilaian praktikal, prinsip dan pendekatan analitikal bagi penubuhan penilaian berhemat instrumen kewangan yang diukur pada nilai saksama.

Nilai saksama instrumen kewangan ialah jumlah yang mana instrumen tersebut boleh ditukar atau diselesaikan antara pihak-pihak berpengetahuan dan bersetuju dalam transaksi wajar, selain daripada jualan paksa atau pembubaran. Penilaian instrumen kewangan ditentukan dengan merujuk kepada harga yang tersenarai dalam pasaran aktif atau dengan menggunakan teknik-teknik penilaian berdasarkan input boleh cerap atau input tidak boleh dicerap. Pertimbangan pengurusan telah dijalankan dalam memilih dan mengguna-pakai parameter, andaian dan teknik-teknik pemodelan yang sesuai yang mana beberapa atau kesemua input parameter tidak boleh dicerap dalam memperoleh nilai saksama.

Di samping itu, PIDM terus memantapkan reka bentuk dan metodologi serta proses pengesahan yang digunakan untuk menghasilkan penilaian. Model penilaian disahkan secara dalaman dan luaran, dengan semakan berkala bagi memastikan model masih sesuai untuk diguna.

23. Nilai Saksama (Sambungan)

Penilaian nilai saksama

i. Tahap 1: Sebut harga

Merujuk kepada instrumen kewangan yang terdapat dalam pasaran aktif sekiranya sebut harga adalah mudah dan boleh didapati daripada pertukaran, peniaga, broker, perkhidmatan penetapan harga atau agensi kawal selia. Harga tersebut juga perlu mewakili urus niaga pasaran sebenar dan kerap berlaku pada asas wajar. Instrumen kewangan sedemikian termasuk sekuriti kerajaan yang aktif diniagakan.

ii. Tahap 2: Teknik penilaian menggunakan input boleh diperhatikan

Merujuk kepada input selain daripada sebut harga yang termasuk dalam Tahap 1 yang boleh diperhatikan bagi aset atau liabiliti, sama ada secara langsung (iaitu harga) atau secara tidak langsung (iaitu diperoleh daripada harga). Contoh Tahap 2 instrumen kewangan termasuk bon korporat dan bon kerajaan yang lain.

iii. Tahap 3: Teknik penilaian menggunakan input tidak boleh diperhatikan secara ketara

Merujuk kepada instrumen kewangan yang mana nilai saksama diukur menggunakan input pasaran tidak boleh diperhatikan secara ketara. Teknik penilaian adalah konsisten dengan Tahap 2. Teknik penilaian yang dipilih menggabungkan andaian sendiri PIDM dan datanya. Contoh instrumen Tahap 3 termasuk bon korporat dalam pasaran yang kurang kecairan.

Kelas dan kategori instrumen kewangan dan nilai saksamanya

Jadual berikut menggabungkan maklumat mengenai:

- kelas instrumen kewangan berdasarkan jenis dan ciri-ciri;
- amaun bawaan instrumen kewangan; dan
- tahap hierarki nilai saksama aset kewangan dan liabiliti kewangan yang mana nilai saksamanya didedahkan.

31 Disember 2024	Nota	Nilai bawaan RM'000	Nilai saksama		
			Tahap		
			1 RM'000	2 RM'000	3 RM'000
Aset kewangan – Kos dilunaskan					
Pelaburan	5	7,152,989	-	7,185,013	-
Tunai dan kesetaraan tunai	4a	108,604	Nilai saksama menghampiri nilai bawaan disebabkan oleh kematangan jangka pendek instrumen tersebut		
Aset kewangan lain	6a	73,067			
Jumlah aset kewangan		7,334,660			
Liabiliti kewangan - Kos dilunaskan					
Liabiliti kewangan lain	11a	182	Nilai saksama menghampiri nilai bawaan disebabkan oleh kematangan jangka pendek instrumen tersebut		
Jumlah liabiliti kewangan		182			

23. Nilai Saksama (Sambungan)

Kelas dan kategori instrumen kewangan dan nilai saksamanya (sambungan)

31 Disember 2023	Nota	Nilai bawaan RM'000	Nilai saksama		
			Tahap		
			1 RM'000	2 RM'000	3 RM'000
Aset kewangan – Kos dilunaskan					
Pelaburan	5	6,410,229	-	6,438,088	-
Tunai dan kesetaraan tunai	4a	103,144	Nilai saksama menghampiri nilai bawaan disebabkan oleh kematangan jangka pendek instrumen tersebut		
Aset kewangan lain	6a	63,881			
Jumlah aset kewangan		6,577,254			
Liabiliti kewangan - Kos dilunaskan					
Liabiliti kewangan lain	11a	361	Nilai saksama menghampiri nilai bawaan disebabkan oleh kematangan jangka pendek instrumen tersebut		
Jumlah liabiliti kewangan		361			

Nilai saksama aset kewangan dan liabiliti kewangan yang tidak diukur pada nilai saksama (tetapi pendedahan nilai saksama adalah diperlukan)

Nilai saksama instrumen kewangan yang diklasifikasi sebagai Tahap 2 ke atas ditentukan dengan menggunakan input yang boleh diperhatikan. Khususnya, bagi pelaburan pada kos terlunas, nilai saksama yang didedahkan menunjukkan nilai pasarannya pada penghujung tahun kewangan dan ditentukan dengan merujuk kepada harga pasaran yang ditunjukkan yang diperolehi daripada agensi penetapan harga bon.

Nilai saksama pelaburan adalah lebih tinggi daripada jumlahnya disebabkan oleh sensitiviti harga sekuriti ini yang timbul daripada pergerakan kadar faedah dan kadar pulangan. Oleh kerana pelaburan ini dipegang-hingga-matang, pendedahan risiko yang timbul daripada pergerakan kadar faedah dan kadar pulangan tidak memberi impak yang ketara kepada penyata kewangan. Rujuk kepada Nota 22(a) mengenai pendedahan pengurusan risiko kadar faedah dan kadar risiko pulangan.

24. Liabiliti Luar Jangka

Pendedahan kepada kerugian dalam mengendali Sistem Perlindungan

Di bawah Akta PIDM, PIDM terdedah kepada kerugian akibat menginsuranskan deposit di bawah DIS serta polisi insurans dan sijil takaful di bawah TIPS. Bagaimanapun, pendedahan ini tidak boleh ditentukan atau dianggarkan dengan sebarang kadar penerimaan yang boleh diyakini.

PIDM menjalankan penilaian dan pemantauan risiko secara berterusan ke atas semua institusi ahlinya. Pada tarikh penyata kewangan ini, tiada sebarang kejadian khusus melibatkan institusi ahli PIDM yang memerlukan PIDM merekodkan peruntukan khusus dalam penyata kewangannya selaras dengan MFRS 137 *Provisions, Contingent Liabilities and Contingent Assets*.

Meskipun peruntukan tidak dicatat melainkan peristiwa tertentu terjadi, PIDM terus meningkatkan rizab di dalam setiap Dana Perlindungan menerusi pengumpulan lebihan bersih tahunan.

Lebihan terkumpul disimpan di dalam setiap Kumpulan Dana bagi memenuhi obligasi untuk menampung kerugian bersih apabila ianya berlaku. Seperti yang dibincangkan dalam Nota 12 kepada penyata kewangan, PIDM telah menubuhkan rangka kerja Dana Sasaran bagi memastikan tahap dana yang mencukupi untuk membiayai jangkaan kerugian bersih dari aktiviti intervensi dan resolusi kegagalan.

Sekiranya sesuatu Dana Perlindungan tersebut tidak mencukupi bagi memenuhi obligasinya, PIDM, sebagai sebuah badan berkanun mempunyai kuasa untuk meningkatkan dana mengikut apa-apa cara yang difikirkan patut termasuk meminjam daripada Kerajaan atau menerbitkan sekuriti hutang awam bagi mengumpul dana serta mentaksir dan mengenakan premium yang lebih tinggi dengan kelulusan Menteri Kewangan.

Glosari Istilah

Dana Insurans Deposit Islam

Semua premium yang diterima oleh PIDM daripada bank ahli yang menyediakan perbankan Islam atau bank perdagangan ahli yang menyediakan perkhidmatan perbankan Islam dan pulangan yang dibuat, ditolak kos operasi bagi Sistem Insurans Deposit Islam.

Dana Insurans Deposit Konvensional

Semua premium yang diterima oleh PIDM daripada bank ahli yang menyediakan perkhidmatan perbankan konvensional dan faedah diperoleh, ditolak kos operasi bagi Sistem Insurans Deposit Konvensional.

Dana Perlindungan Insurans Am

Semua levi yang diterima oleh PIDM daripada ahli penginsurans yang menjalankan perniagaan insurans am dan faedah diperoleh, ditolak kos operasi bagi Sistem Perlindungan Manfaat Takaful dan Insurans.

Dana Perlindungan Insurans Hayat

Semua levi yang diterima oleh PIDM daripada ahli penginsurans yang menjalankan operasi perniagaan insurans hayat dan faedah diperoleh, ditolak kos operasi bagi Sistem Perlindungan Manfaat Takaful dan Insurans.

Dana Perlindungan Takaful Am

Semua levi yang diterima oleh PIDM daripada ahli penginsurans yang menjalankan perniagaan takaful am dan pulangan dibuat, ditolak kos operasi bagi Sistem Perlindungan Manfaat Takaful dan Insurans.

Dana Perlindungan Takaful Keluarga

Semua levi yang diterima oleh PIDM daripada ahli penginsurans yang menjalankan perniagaan takaful keluarga dan pulangan dibuat, ditolak kos operasi bagi Sistem Perlindungan Manfaat Takaful dan Insurans.

Dana sasaran

Dana sasaran, pada umumnya, merupakan tahap dana terkumpul yang diperlukan bagi menanggung kerugian yang dijangkakan daripada aktiviti intervensi dan resolusi kegagalan dengan sewajarnya.

Institusi ahli

Ahli PIDM terdiri daripada bank ahli dan ahli penginsurans.

- **Ahli penginsurans**

Semua syarikat insurans yang dilesenkan di bawah Akta Perkhidmatan Kewangan 2013 untuk menjalankan perniagaan insurans hayat atau am di Malaysia, serta pengendali takaful yang dilesenkan di bawah Akta Perkhidmatan Kewangan Islam 2013 untuk menjalankan perniagaan takaful keluarga atau am di Malaysia. Keahlian adalah wajib di bawah Akta PIDM. Senarai penuh ahli penginsurans boleh didapati di laman web PIDM.

- **Bank ahli**

Semua bank perdagangan yang dilesenkan di bawah Akta Perkhidmatan Kewangan 2013, dan semua institusi perbankan Islam yang dilesenkan di bawah Akta Perkhidmatan Kewangan Islam 2013. Keahlian adalah wajib di bawah Akta PIDM. Senarai penuh bank ahli boleh didapati di laman web PIDM.

Intervensi dan resolusi kegagalan

Intervensi merujuk kepada tindakan yang diambil oleh PIDM ke atas sesebuah institusi ahli bagi menangani masalah tertentu yang dihadapi institusi ahli. Tindakan ini biasanya diambil sebelum sebarang resolusi kegagalan diambil ke atas institusi ahli tersebut.

Resolusi kegagalan merujuk kepada tindakan bagi menangani sesebuah institusi ahli yang gagal yang telah diisytiharkan oleh Bank Negara Malaysia sebagai tidak berdaya maju.

Jaringan keselamatan kewangan

Lazimnya merangkumi fungsi insurans deposit, pengawalseliaan dan penyeliaan berhemat, dan pemberi pinjaman usaha akhir (*lender of last resort*).

Jumlah Deposit Diinsuranskan

Jumlah deposit yang dilindungi oleh PIDM.

Kumpulan Dana Insurans Deposit

Merujuk kepada Dana Insurans Deposit Konvensional dan Dana Insurans Deposit Islam.

Kumpulan Dana Perlindungan

Merujuk kepada Dana Insurans Deposit Konvensional, Dana Insurans Deposit Islam, Dana Perlindungan Insurans Am, Dana Perlindungan Insurans Hayat, Dana Perlindungan Takaful Am, dan Dana Perlindungan Takaful Keluarga.

Kumpulan Dana Perlindungan Islam

Merujuk kepada Dana Insurans Deposit Islam, Dana Perlindungan Takaful Am, dan Dana Perlindungan Takaful Keluarga.

Kumpulan Dana Perlindungan Manfaat Takaful dan Insurans

Merujuk kepada Dana Perlindungan Insurans Am, Dana Perlindungan Insurans Hayat, Dana Perlindungan Takaful Am, dan Dana Perlindungan Takaful Keluarga.

Kumpulan Dana Perlindungan Takaful

Merujuk kepada Dana Perlindungan Takaful Am dan Dana Perlindungan Takaful Keluarga.

Manfaat insurans

Jumlah yang dibayar untuk perlindungan polisi yang ditanggung oleh sesebuah syarikat insurans atas mana-mana individu dalam operasi biasa perniagaan insurans bagi syarikat insurans tersebut.

Manfaat takaful

Jumlah yang dibayar untuk perlindungan sijil takaful yang ditanggung pengendali takaful atas mana-mana individu dalam operasi biasa perniagaan takaful bagi pengendali takaful tersebut.

Mata wang asing

Mana-mana mata wang selain Ringgit Malaysia, iaitu mata wang Malaysia.

Nisbah Modal Ekuiti Biasa Kumpulan 1

Nisbah Modal Ekuiti Biasa Kumpulan 1 dikira sebagai peratusan daripada Modal Ekuiti Biasa Kumpulan 1 bank ahli daripada aset berwajaran risiko mengikut Rangka Kerja Kecukupan Modal Bank Negara Malaysia. Modal Ekuiti Biasa Kumpulan 1 adalah modal kualiti tertinggi untuk bank ahli, manakala aset berwajaran risiko dikira berdasarkan pengagregatan aset bank berwajaran terhadap faktor-faktor yang berkaitan dengan risiko bank. Keperluan kawal selia minimum untuk Nisbah Modal Ekuiti Biasa Kumpulan 1 adalah 4.5%.

Pembayaran balik

Proses yang dilaksanakan oleh PIDM untuk membayar balik deposit yang diinsuranskan kepada pendeposit yang layak, atau manfaat yang dilindungi kepada benefisiari takaful atau individu yang diinsuranskan yang layak bagi institusi ahli yang tidak berdaya maju menurut seksyen 56 dan 57, serta seksyen 80 dan 81 Akta PIDM.

Pemilik polisi

Individu yang mempunyai hak milik sah ke atas polisi insurans termasuk pemilik serah hak, wakil persendirian pemilik polisi yang telah meninggal dunia dan penerima anuiti.

Pemilik sijil takaful

Individu yang mempunyai hak milik sah ke atas sijil takaful termasuk pemilik serah hak, wakil persendirian pemilik sijil yang telah meninggal dunia dan penerima anuiti.

Pengurusan risiko organisasi

Rangka kerja yang diterima pakai secara menyeluruh dalam organisasi bertujuan untuk memastikan dan menunjukkan bahawa risiko utama sesebuah entiti dikenal pasti, dinilai, diurus, dipantau dan dilaporkan secara konsisten dan berterusan.

Penjelasan nilai

Merujuk kepada peruntukan kerugian bagi jangkaan kerugian kredit (*expected credit losses - ECL*) ke atas aset pinjaman atau pembiayaan menurut Piawaian Pelaporan Kewangan Malaysia (*Malaysia Financial Reporting Standards – MFRS*) 9.

Sistem Insurans Deposit

Sistem yang ditubuhkan untuk melindungi pendeposit terhadap kehilangan deposit diinsuranskan yang ditempatkan dengan bank ahli dan bagi menyelesaikan bank ahli, sekiranya berlaku kegagalan bank ahli.

Sistem Levi Berbeza

Sistem yang mengenakan levi kepada ahli penginsurans pada kadar yang berbeza, berdasarkan profil risiko masing-masing.

Sistem Levi Berbeza bagi Pengendali Takaful

Sistem yang mengenakan levi kepada pengendali takaful pada kadar yang berbeza, berdasarkan profil risiko masing-masing.

Sistem Penilaian Risiko

Sistem dalaman PIDM yang digunakan untuk menilai tahap dan kawalan risiko institusi ahli dan menyediakan kedua-dua risiko semasa (risiko agregat) dan prospek (arah risiko) institusi ahli. Ini adalah supaya risiko baru muncul dapat dikenal pasti dan tindakan diambil tepat pada masanya, sebelum risiko tersebut menjadi kenyataan.

Sistem Perlindungan Manfaat Takaful dan Insurans

Sistem yang ditubuhkan untuk melindungi pemilik sijil takaful dan polisi insurans daripada kehilangan manfaat takaful atau insurans yang layak dan bagi menyelesaikan ahli penginsurans, sekiranya berlaku kegagalan ahli penginsurans.

Sistem Premium Berbeza

Sistem yang mengenakan premium kepada bank ahli pada kadar yang berbeza, berdasarkan profil risiko masing-masing.

Syariah

Undang-undang Islam, berasaskan al-Quran, Sunnah (hadis dan perlakuan Nabi Muhammad s.a.w.), Ijma' (persetujuan cendekiawan Islam) dan Qiyas (perumpamaan).

PERBADANAN INSURANS DEPOSIT MALAYSIA



1-800-88-1266



info@pidm.gov.my



www.pidm.gov.my

